

**NATIONAL ASSEMBLY OF
SEYCHELLES**

*Wednesday 24th November,
2021*

The Assembly met at 9am

National Anthem

Moment of Reflection

Mr Speaker in the chair

OFFICE OF THE PRESIDENT

MR SPEAKER

Bonzour tou bann Manm Onorab. Bonzour nou piblik ki pe swiv nou. Byenveni ankor pou en sesyon travay. Nou pas dan Staz Komite, e madanm rapporter nou ava apel delegasyon pou rantre silvouple.

Byenveni e bonzour Vis-Prezidan Ahmed Afif, ki pe diriz sa delegasyon zofisyen. E avek li nou swet la byenveni osi Madanm Astride Tamatave, *Deputy Comptroller General*, Madanm Noella Vinda, *Acting Director Public Budget Management* e osi Madanm Margaret Bonne, *Director General Human Resources and Administration*, Mr Marcus William, *Financial Controller*.

Bon, nou pe pran Bidze *Office of the President*. Mon kapab demann Madanm *Deputy Comptroller General* pou endik nou ki paz, ki seksyon nou pe pran *please?* Zis pou nou ganny...

<u>DEPUTY GENERAL</u>	<u>COMPTROLLER ASTRIDE TAMATAVE</u>
----------------------------------	--

Mersi Mr Speaker. Bonzour Mr Speaker. Bonzour tou Manm Onorab. Mr Speaker nou pou pran *part 2 of the Budget Book*. Nou pou al lo *Program and Performance-based Budget Statements*. Biro Lofis Prezidan i trouve lo paz 6 a 12. Mersi.

MR SPEAKER

Mersi. Tre byen. Avek sa, Vis-Prezidan ou a fer en pti prezantasyon lo sa seksyon Bidze avan nou antre dan kestyon bann Manm? Onorab ou pe met ou non pou kestyon? Onorab Hoareau ou annan en pwen? Wi?

HON JOHN HOAREAU

Bonzour Mr Speaker. Bonzour Minis ek ou delegasyon. Mr Speaker avan nou al lo bann detay Bidze bann *heads*, mon ti a kontan prezant serten lamannman lo *the Bill itself*.

MR SPEAKER

Lo lekel?

HON JOHN HOAREAU

On the Bill itself. Serten lamannman lo la.

MR SPEAKER

Nou pran lamannman la konmela?

HON JOHN HOAREAU

Yes.

MR SPEAKER

Mon pa tro sir ki prosedir nou pe swiv la. Kote ou pe amande?

HON JOHN HOAREAU

I annan *Clause* numero 2 pou amande, apre anba *Schedule* i annan enn de detay pou amande.

MR SPEAKER

Ok. So sa i pe ganny prezante par Bills Committee?

HON JOHN HOAREAU

Yes.

MR SPEAKER

That's good. Byen, si sa i- wi Onorab Pillay ki...?

HON SEBASTIEN PILLAY

Mersi Mr Speaker. Mr Speaker *this is highly irregular.* I pa pou kapab *move* en lamannman san ki lamannman i ganny sirkile ki

nou vwar ki kalite lamannman i pe *move.* So i enportan. Mon pa konnen akoz ki nou pe pran sa lapros la bomaten.

Nou bezwen ganny sa bann lamannman pou nou konpran, akoz i pa sa prosedir ki nou swiv, an relasyon avek lamannman- bann *heads.* Ou amann bann *heads* ler ou pran zot *successively.* Sa ki *Standing Orders* i dir.

E sa ki ou pe fer i en pe drol, so *unless* ki nou vwar bann lamannman, Lasanble pa kapab *proceed* lo lamannman ki'n propoze, akoz nou pa ni konnen si i sibstansyel oubyen non.

MR SPEAKER

Yes, mersi Onorab Pillay. Annou rod leklersisman lo la akoz mon bezwen admet ki i nouvo pou mwan, sa ki ou pe propose. Dan mon leksperyans premye Bidze ki nou ti fer, nou pa ti fer sa- Onorab Georges ki pwen ou le fer?

HON BERNARD GEORGES

Mersi Mr Speaker. Mon ti anvizis kekfwa aport en pti klarifikasiyon. Napa okenn lamannman bann *heads* ki pe ganny fer. *So far as I know,* e *Bills Committee* i konn sa akoz i annan Manm lo lot kote latab osi ki asiz lo *Bills Committee.*

Sa ki pe arive se ki serten *heads* pe ganny sanze akoz zot nepli la, e zot pe ganny ranplase par en lot non. Akoz ler Bidze in ganny prepare, ti en lenstitisyon, e sa enn in disparet prezant. Alors pa vo lapenn- i pa pou zanmen *come up* pou li ganny amande because it won't be a head.

Alor se pou sa rezon mon mazinen ki se *the structure of the Appropriation Act and not the head itself* ki pe ganny amande. Mersi.

MR SPEAKER

Mersi. Onorab Pillay wi?

HON SEBASTIEN PILLAY

Mr Speaker mon krwar Onorab Georges i konn tre byen ki sa lesplikasyon ki in donne *whilst* i pe anmenn serten klarifikasyon- i pa fit sa ki *Standing Orders* i dir.

Akoz *Standing Orders* i dir ou pou dir ler nou'n arriv lo konsiderasyon *Appropriation Bill* dan *Committee Stage*, nou pou konsider tou *heads*.

E si i annan okenn lamannman lo sa bann *heads*, lamannman i ava ganny prezante avek ou, 72erdtan. So nou pa kapab ganny nou e propozisyon pou anmenn Lamannman avan menm ki nou

pran sa bann *heads* ki sipoze ganny amande!

E dezyenmman nou pa kapab ganny en propozisyon pou lamannman lo *Appropriation Bill* ki pa ankor ganny sirkile avek Manm. E si i annan *Clause* ki pe ganny retire, i vin en lamannman sibstansyel. So nou bezwen konnen kwa egzakteman ki pe ganny retire, kwa ki pe ganny ensere.

Akoz Lasanble napa pouvwar pou ensere okenn novo *Clause* ki pou ogmant Bidze, oubyen pou ogmant Bidze okenn antite. Sa se zis Legzekitiv ki annan drwa pou fer. Mersi Mr Speaker.

MR SPEAKER

Mersi. Onorab Georges eklersi mwan dan ou leksperyans e dan ou konesans, eski i annan okenn problem si nou pran sa lamannman anmezir nou prosede avek Bidze? Savedir ler nou arriv lo en serten seksyon Bidze ki konsern zot.

HON BERNARD GEORGES

Mersi. Mr Chair nou kapab fer li la, nou kapab fer li plitar, i pou arriv menm rezulta. Nou pe pran 2 semen pou arriv menm destinasyon. Si Onorab *Leader Lopozisyon* dan son leksperyans i pe ensiste ki nou

fer li koumsa, annou fer li koumsa.

Mon pa vwar okenn gran problemm. I pe dir ki nou bezwen donn 72 erdtan notis, i ava ganny son 72erdtan notis malgre ki *Bills Committee*- lo lekel parey mon dir, i annan serten Manm ki asize i konnen lo son kote.

E sa se pa en keksoz ki pe vin konman en sirpriz. I en keksoz ki'n la pou plizyer zour. Nou kapab swiv son prosedir si i anvi.

MR SPEAKER

Si ou dir mon ki nou kapab pran sa bann lamannman anmezir nou ale, mon ti a prefere fer li koumsa. Mersi. Alors, zis pou nou pa met retar avek sa seksyon Bidze ki nou ladan. Onorab Pillay mon krwar ki nou'n aranze sa. Ou ankor lo menm pwen?

HON SEBASTIEN PILLAY

Wi Mr Speaker. Mon konpran e mon *defer to Lotorite ou lofis*. Me selman *at the same time* i pa Onorab Georges ki pou deside ki mannyer nou pou prosede. Se ou konman Speaker.

E dezyenmman, Mr Speaker sa ki mon pou ensiste i se ki mon ganny tou propozisyon lamannman ki sipoze ganny fer - ki pe ganny

propoze pou ganny fer. Akoz si mon pa ti'n la, la bomaten, sa ti pou'n fini pase sa! So mon ti a kontan ganny sa bann propozisyon lamannman. Mersi.

MR SPEAKER

Byen, nou'n ase lo la silvouple. Nou a prosede avek sa seksyon ki nou la, e *Bills Committee* i a prepar lalis lamannman e anmezir nou pran Bidze, nou a pran sa bann lamannman anmezir nou arriv kot zot seksyon. Mersi bokou. Nou a retourne lo sa seksyon e mon a demann- wi Onorab Hoareau?

HON JOHN HOAREAU

Mr Speaker i annan en lamannman ki pa neseserman lo okenn seksyon. I lo plito *the wording* lo *Clause 2*. Nou kapab fer li la oubyen ou le nou fer li pli tar li osi?

MR SPEAKER

Ok. Nou kapab ganny lalis lamannman? Nou a fer li ler ou'n submit lalis lamannman mersi.

Onorab John Hoareau mersi pour lev sa pwen prosedir. Nou a kapab kontinyen, mon a demann Vis-Prezidan pou fer en prezantasyon lo sa seksyon

Bidze silvouple- pou bann manm kapab baz zot kestyon.

THE VICE-PRESIDENT MR AHMED AFIF

Mersi bokou Mr Speaker. Bonzour Mr Speaker. Bonzour *Leader* Biznes Gouvernman, *Leader* Lopozisyon, tou bann manm Lasanble Nasyonal e tou dimoun a lekout. Mr Speaker sa seksyon Bidze ki mon pe prezante ozordi i Bidze Biro Prezidan pour 2022. E en rezimen vitman lo ki mannyer sa Bidze i sanze avek lannen pase. Lannen pase - *well*, i sanze avek sa lannen, pardon.

2021 Bidze *President's Office* ti R65.2milyon. Me nou ekspekte, malgre ki nou ti annan en Bidze R65milyon pou fini sa lannen avek R60milyon, ki reprezent en rediksyon R5milyon.

Pou lannen 2022 parkont, nou pe fer provizyon pour R71milyon- en logmantasyon R11milyon. E mon ava donn leksplikasyon sa R11milyon.

Premyerman, anba '*wages and salaries*' li i montre en rediksyon R4.6milyon. *Wages* in desann prensipalman parske nou'n tir 3 *post* Sekreter Prensipal anba Biro Prezidan.

Nou'n 4 *post* Special Advisor- oubyen Advisor anba *post President's Office*. Nou'n 'n

tire en pozisyon *Secretary of State* anba Biro Prezidan.

E sa in anmenn en rediksyon parmi sa R4.6milyon rediksyon; R1.9 milyon - zis pou sa bann pos ki mon'n dir. Nou'n osi annan serten lezot *staff* ki'n bouz pou al dan lezot Minister, ki donn en rediksyon dan nou Bidze *wages* R2.6milyon.

E sa bann lezot *staff* zot in al kot *Land Use*, Minister Lapes ek Lekonomi Ble, Minister Lenvestisman ek Lantreprenarya ek Lendistri e *National Council for Children*.

In osi annan en rediksyon dan nou saler akoz nou'n redwir en pos pou en *protocol attaché* dan Biro *Former President*, ki'n redwir Bidze par R711mil. I osi annan lezot *post* anba *wages* ki pa pou ganny ranplase. Sa i reprezent en *cook*, en *housekeeper*, en Direkter *Admin and Accounting*- e sa bann, zot pou fer en rediksyon R570mil.

Me, nou'n osi annan en pti logmantasyon dan nou *account staff*, parkont R904mil, e sa se prensipalman parske sa bann *staff* pou nepli anba Minister Finans, zot pou tonm anba nou Biro. Alor i pa en logmantasyon dan bann *staff* vreman, me selman zot *payroll* pou tonm anba Biro Prezidan.

Alor an tou, ‘wages and salaries’ i redwir par R4.6milyon.

Goods and services parey mon ti dir, li in mont par R11milyon. Sa R11milyon, son *breakdown* i konm swivan; Anba ‘transport and travel’ ki enkli bann fre pour vwayaz lokal, *fuel overseas travel*, li in mont par R4.7milyon. ‘Maintenance and repairs’, li in mont par R2.3 milyon. E ‘minor capital’, li in mont par R4.6milyon.

Tou sa bann logmantasyon parey mon’n dir, malgre ki in arrive, nou pou fini sa lannen avek 60.2 parey mon’n dir. Me pour lannen prosenn i R71milyon.

Answit, dan Bidze 2022 i annan en logmantasyon dan sa ki nou apel *non-financial assets* ki R4.1milyon- e son - esansyelman, normalman zot konn li konman *capital project*, i reprezent 2.7 milyon pour en *retaining wall* ek en *boundary wall* State House par deryer, avek ranplasman- sa ki nou apel sa bann *louver blades*, sa ki ver dan sa batiman State House ki 1.4milyon.

I en proze ki’n- tou le de proze aktyelman in trennen pandan plizyer lannen- ti pou fer, pa ti pou fer eksatera. Me nou’n deside ki nou devret met

State House dan en leta respektab e se pour sa rezon ki nou’n deside. E Minister Finans in dakor pou fer li form parti depans pour 2022.

Mr Speaker mon ti a kontan zis pour konklir, dir poudir nou Bidze malgre i R71milyon pour 2022, i bokou pli ba ki bann provizyon ki ti’n ganny fer dan bann Bidze presedan- nou pe koz Bidze 2018-2019, kot *President’s Office* toultan ti 76-77milyon.

E malgre tou sa ki nou’n dir- ki annan bann pti logmantasyon, nou pe *still* fini sa Bidze pou 2022 avek R71milyon - ki bokou pli ba ki tou bann Bidze presedan. Vwala Mr Speaker an gro, en prezantasyon prezimen lo Bidze *President’s Office*, Mersi Mr Speaker.

MR SPEAKER

Mersi Vis-Prezidan. Nou a ganny bann Manm ki pou pare pou entervenir avek kestyion lo sa.... Bon nou ava konmans avek sa ki nou annan - Onorab Cosgrow.

HON WALLACE COSGROW

Mersi Mr Speaker. Bonzour VP avek ou tim. Bonzour tou Manm Onorab. Bonzour tou dimoun ki pe ekoute. Mr Speaker ler mon pe get *Budget*

Book 1a- ‘Strategic Priorities of President’s Office’, i annan pou fer avek improve Cabinet Office, “improve Planning Implementation of Programs of President’s Office,” “Improve efficiency and effectiveness in service delivery.”

Me parkont Mr Speaker ler mon get Bidze *President’s Office* ki mannyer in ganny *allocate*, e mannyer *VP* in dir nou, zot in fer en kantite koupir dan *staff*. Dan dimoun ki kapab delivre sa bann keksoz ki zot in met dan zot *strategic priorities*.

Parkont i annan en *increase* dan bann keksoz zot pou al aste, apre keksoz par egzanp; dan *travel*, i annan *increase* dan *minor capital outlays* pour *vehicles*.

I annan *increase* dan *travel allowance*. *Increase* dan *travel airfares*. So basically sa ki mon pe sey dir se ki priyorite ki ganny set out dan Bidze- dan son *statement*, me sa larzan ki ganny *allocate*, i pa ganny *allocate* dan sa bann *priority areas*.

Eski *VP* i kapab donn nou en lesplikasyon, akoz ler nou anvi *increase efficiency* dan en landrwa, par kont nou koup larzan kot nou kapab met dimoun pou donn sa *efficiency*. Nou met dan landrwa kot sa larzan pou fini. Par egzanp

airfares, par egzanp loto. Si *VP* i kapab donn nou en leksplikasyon lo la silvouple mersi.

MR SPEAKER

Mersi Onorab. *VP*.

THE VICE-PRESIDENT MR AHMED AFIF

Mersi Mr Chairman. Mr Chairman sa Bidze ki nou’n prezante pour *wages* nou santi i pou permet ladministrasyon delivre. I pa zis annan nonm dimoun ki pou fer ou donn en servis, me kalite latitud dimoun dan ou travay ki pou fer ou delivre.

Nou, nou santi ki avek Prezidan, Vis-Prezidan, lezot dimoun ki dan ladministrasyon- e pa blyie ou annan en Konsey de Minis osi. Li son Bidze pa tonm la. Gouvernman pe rod byensir, si ou get dan *strategic priorities-support in preparing for Cabinet’s approval*.

Cabinet Office li menm, nou pa’n redwir *staff* sa kantite dan *Cabinet Office*, i reste parey li. So dan *Cabinet Office*, i pou kontinyen annan bann dimoun ki pou donn sa servis avek Konsey de Minis, pou fer sir ki son bann *National Policies* ek Lezislasyon i marse.

Lezot landrwa kot nou'n redwir, nou'n santi- par egzanp anba biro Vis-Prezidan, ozordi i annan petet 9 dimoun olye 17 dimoun avan, me i pa pe redwir lefikasite kot Biro Prezidan. Parske bokou sa bann Lazans ki ti tonm anba Biro Vis-Prezidan swa i pa egziste, swa in al dan lezot Minister. Se pou sa rezon ki *staff* in redwir pou en serten nivo.

An sa ki konsern vwayaz e *maintenance*- Mr Chair mon kapab dir ek ou, enn bann rezon *maintenance* li *and repairs* li in monte par R2.3milyon, se parske Minister Finans in transfer *maintenance* bann loto Minis. Zot Bidze ki zot ti annan dan bann diferan Minister.

E bann loto ki pou bann *Constitutional Appointees* parey *Attorney Zeneral*, Oditer Zeneral eksetera, i transfer zot Bidze, zot loto anba *State House, President's Office*. E alor sa i reprezent 1.25milyon parmi sa R2.3milyon logmantasyon ki annan.

Apre i annan en logmantasyon dan *building* li menm- R1milyon. E sa logmantasyon i pour nou fer sir ki *building* i a laoter, an term *maintenance* parey nou ti'n deza dir dan lepase. Sa leta ki *building* ti ladan nou pa ti

satisfie. Nou santi poudir *State House* i devret en landrwa ki pa bezwen annan *luxury*.

Me selman i bezwen en nivo akseptab e R1milyon logmantasyon konpare avek sa ki ti la. Mr Speaker i annan en rezon akoz nou'n *transfer* sa bann *vehicle maintenance* anba *State House*, parske ler ou annan en landrwa ki pe *procure* menm *spare part* pou menm kalite loto, olye 13 diferan Minister sakenn pe aste zis pou li, ou ganny en lekonomi dan pri ki ou kapab gannyen.

E ou ganny en lefikasite parmi bann garaz ki fer sa bann louvraz. E ozordi mon fyer pou mwan dir ki an 2021 napa en zour ki Biro Prezidan in bezwen lwe en loto pour okenn Minis. An konparezon avek bann lannen presedan.

E sa lannen, nou pa'n aste en sel loto nef. E nou pe *Maintain* tou sa bann loto dan meyer fason ki nou kapab. Me parey mon'n dir, pli ba, dan *minor capital*, nou'n met en provizyon R3.5milyon i pou loto nef.

E sa 5 loto nef pou ranplas 5 *Nissan X-Trail* ki nou annan, ki malerezman nou pe ganny problem *gearbox* ek 3. Mon krwar i en *manufacturing defect*. Nou'n ranplase me i pe kout nou en kantite pou

ranplas *gear box*, e nou annan 2 lezot ki nou krwar i kapab devlop menm problem.

Alors zis pou fer sir, nou pe ranplas sa 5 transpor, avek bann transpor ki nou krwar pa pou donn sa problem.

Alors se pour sa rezon ki ou vvar *maintenance* avek sa *minor capital* in ogmant en pti pe. Lefikasite, Mr Speaker i koz pou li menm. En Bidze ki ti mete, R65milyon sa lannen, nou fini avek 60milyon. Me sa bann logmantasyon, akoz vwayaz.

Vwayaz i pou neseser pou nou reprezent Sesel aletranze. E parey mon dir sa Bidze i pa reprezent zis vwayaz zis Prezidan sa. Tou bann Minis, tou bann *CEO*, tou bann *PS* i tonm anba la.

2021 in en lannen ki vwayaz in limite pour bann rezon ki ase kler- *COVID* eksetera. Me nou pou bezwen reprezent Sesel aletranze pou plizyer rezon lo nivo enternasyonal e nou'n met en logmantasyon ladan.

I pa en kantite. Mr Speaker mon zis pou donn ou legzanp an 2019, zis *overseas airfares* ti R16milyon. 16milyon an 2019! Dan sa Bidze, malgre avek son logmantasyon ki'n monte, i pou senpleman 9milyon. Alor i pa-. Nou

bezwen get li dan konteks ki ti abitye annan avek dan sa ki nou pe fer la ozordi.

E nou Bidze parey mon an gro, pou fini avek 71milyon konpare avek Bidze Biro Prezidan ki toulstan ti 77-R78milyon. Mersi Mr Chairman.

MR SPEAKER

Mersi Vis-Prezidan. Onorab Uranie ou kestyon.

HON ROCKY URANIE

Mersi Mr Speaker. Bonzour *VP*. Bonzour tou koleg Onorab. Bonzour tou Zabitan Zil Pros. *VP* nou pe koz lo *overseas travel*. Me selman ler mon pe gete la, mon pa pe vvar nanryen ki ti mete pour 2021.

Mon pe rode kote i antre akoz i annan bokou *travel* ki'n ganny fer dan 2021, me selman ler mon pe gete mon pa pe vvar naryen ki'n mete dan *transportation and travel cost*, dan *overseas airfare*.

Apre pli ba, dan *minor capitals*, mon pe vvar i annan *high-tech equipment*, *IT equipment*, *security equipment*, *radio and TV equipment*. 3 ladan mon vvar logmantasyon. Prezan mon pe rode, *high-tech equipment* la, kwa ki ou pe koz lo la presizeman ler ou pe koz *high-tech equipment*?

Akoz mon vvar anba i annan *IT equipment*, i annan *security equipment*. Be anler lo akizisyon of *high-tech equipment*, i annan 200mil pour kwa sa? Kwa ki ou pe dir *high-tech equipment* la? Mersi.

MR SPEAKER

Mersi Onorab. Vis-Prezidan.

THE VICE-PRESIDENT MR AHMED AFIF

Mersi Mr Speaker. Mr Speaker pour premye kestyon sete lo vwayaz an 2021. 2021, sel konponan vwayaz ki nou ti annan dan Bidze pou Biro Prezidan li menm ki pa ti enkli bann vwayaz bann lezot Minis - otan ki mon ganny dir par bann teknisyen, ti 4milyon.

Me selman i pa enkli pour bann lezot Minis avek bann CEO. Me pour 2022, nou pe enkli pou bann Minis, nou pe enkli tou sa bann *Chief Executives* anba sa Bidze, e antou, Bidze *travel* 2022 pou ariv 9 milyon.

Alor ou pa pe konpar *like avek like*. An se ki konsern *maintenance - high-tech equipment* ki annan R200mil i enkli R100mil pour *teleprompter*, ki en *portable teleprompter*. Ek lezot, *camera lighting, portable microphones*,

video ek sound card environ R100mil.

So se sa en pti pe bann lekipman. An se ki konsern lezot lekipman sekirite ki enkli sekirite- mon napa tou detay lo la me selman i pou enkli *security equipments* ki pou enkli *check-in* kot baro. Bann detay, bann *X-ray* avek lezot lekipman ki ganny servi pou verifye tou bann dimoun ki antre kot baro *State House*. E lezot. Mon mazinen sa i kapab enkli bann *cameras* avek lezot lekipman. Sa nou ti annan en provizyon R766mil pou 2022. Mersi Mr Chair.

MR SPEAKER

Mersi VP. Onorab Woodcock.

HON WAVEL WOODCOCK

Mersi Mr Speaker. VP ou'n dir kot i konsern *wages and salaries* ki i annan en koupir R4.6milyon, e sa i plizoumwen akoz saler ki zot ti pe peye pou 4 *Special Advisors*, 3 *PS*, e en *Secretary of State*.

Mon kestyon pour ou se ki si zot santi zot pou kapab *fulfill* zot manda san sa ta *Special Advisors, PS* avek sa SS. Apre mon rapel dan Bidze le pase, in toultan ganny fer resorti ki ti annan en *graveyard* bann loto anler *State House*.

Sa bann transpor pa ti pe ganny servi, zot ti pe depans bokou an term *rent car hires*. E i annan en logmantasyon la dan *maintenance and repair* 4.54milyon pou vin 6.86milyon.

Eski menm si zot pe fer sa logmantasyon dan term *maintenance and repair in the long term* i pou kout zot plis, ki zot ti pou depans sa larzan pou lwe bann transpor dan plas servi sa bann transpor ki ti deza la? Mersi.

MR SPEAKER

Mersi Onorab. VP.

THE VICE-PRESIDENT MR AHMED AFIF

Mersi Mr Chair. Mr Chair, lo kote *wages* e sa bann rediksyon, *Advisors, PS* avek SS, nou santi pou dir nou pou kapab delivre lo menm nivo ki nou devret pe delivre. Nou la zis pou fer ou rapel ki 15an pase, oubyen 20an pase, *State House* ti annan Prezidan, Vis-Prezidan e bann sekreter.

Apre ti annan en Sekreter Prensipal. Me ti napa tou sa bann *overheads Special Advisor, Secretary of State*. Pa ti egziste tou sa la.

Sa in ganny azoute pandan bann lannen. Nou santi pou dir Biro Prezidan i devret en biro ki annan en *oversight* lo tou

larestan Minister e ki son louvraz i pa devret neseserman pe *run* diferan Minister.

I plito en landrwa ki annan en *oversight*. E avek sa striktir ki Prezidan i annan ozordi ansanm avek mwan menm konman Vis-Prezidan, nou santi pou dir, lefe ki sa de pos pa vin avek bann gro Minister zot menm.

Par egzant dan mon ka i annan *DICT*, dan ka Prezidan i annan *DPA*, Defans eksetera. Me i pa met en gro lour direk sorti en Minister lo nou biro, ki fer ki nou ganny sa letan pou nou fer bann travay *oversight* ki pli efektiv. Pli a zour.

Kot nou kapab vwar e pran desizyon pli vit, parske ou pa pe ganny anmare ek lezot problem administrativ. E nou santi sa fason pou delivre, i pou anmenn meyer rezulta pou pei. I fer ou pli kapab vwar problem kot i vini, parske ou en nivo pli o, kot ou pe gete ou vwar problem pli ba.

Si ou tro anmare avek tou keksoz administrativ, ou pa pe kapab vwar kot problem i vini. E se pou sa rezon ki nou nou'n viz sa Bidze dan sa fason, e nou striktir in ganny mete dan sa fason.

An term *maintenance* Onorab, nou krwar ki ozordi nou dan en sityasyon kot nou

pa kapab pe zis lwe loto, pe zis aste loto nef, kan pei pa dan en pozisyon pou annan sa kantite larzan, ler ozordi nou pa'n arriv sa nivo devlopman lo bann sekter ki pe donn sa kantite reveni parey 3an pase.

Nou pe devlop vit nou. Nou lekonomi pe fer byen, me selman nou pa ankor arriv sa nivo kot nou ti ete. Alor, olye aste keksoz nef, annou repar sa ki nou annan avek en Bidze ki en pti pe- ki ogmant en pti pe, me a long term, i pou redwir ou kou re-envestisman dan bann veikil, e dan bann lekipman mazer.

Nou krwar sa i meyer fason pou nou fer. Nou pa bann dimoun ki fouy en trou, ganny delwil, ganny larzan. Nou bezwen *manage* avek sa ki nou annan. Nou napa bokou ozordi malgre ki nou pe fer tre byen pou nou sorti dan sa sityasyon, me i en fason pou nou kapab tenir nou lekor, tenir Sesel lo en balans apropriye. Mersi Mr Chair.

MR SPEAKER

Mersi VP. Onorab Mondon.

HON TERENCE MONDON

Mersi Mr Speaker. Bonzour VP avek ou delegasyon. Mon vwar ki dan Bidze in fer provizyon, sorti 895mil pou vin 1milyon

300mil pou *internet*. Petet eski VP i kapab donn nou en leklersisman lo sa logmantasyon.

E dezyenmman anba servis lezot kontra mon vwar ki provizyon 873mil pour 2022 konpare avek 1milyon 120mil pour sa lannen, petet eski sa rediksyon 347mil i rezulta bann kontra ki'n ganny negosye? Eski zot renegosye bann kontra servis *State House*? Mersi.

MR SPEAKER

Mersi Onorab. VP

THE VICE-PRESIDENT MR AHMED AFIF

Mersi Mr Chair. Mr Chair an se ki konsern *internet cost*, wi in ogmant en pe. Mon bezwen dir ou ki nou pa ti satisfe avek *speed* ki nou ti pe gannyen, sirtou kot mon Biro, sirtou kot Biro Prezidan, pou kapab delivre *speed* an term *bandwidth* ki nou ti annan, avek lakantite dimoun ki ti la pou kapab fer sa servis mars byen.

Parey ou ti konnen ozordi, bokou keksoz i mars avek *internet*, non selman *e-mail*, *WhatsApp* me parler ou annan dokiman ki ou bezwen transfer, nou bezwen konekte avek plizyer sistenm Gouvernman - en rezo ki bezwen vit, pour

kapab ganny lenformasyon. E nou'n trouv nou oblize pou nou ogmant speed nou *internet*. Se pour sa rezon ki i annan en logmantasyon.

An term bann *maintenance contracts* anba *other use of goods and services*, otan ki nou kapab Onorab, nou'n renegosye bann kontra pou fer sir ki tou nou bann *maintenance* ki nou annan-*maintenance* ki enkli deor, bann louvraz zarden, ki enkli bann louvraz *maintenance building* li menm, ki souvandfwa i sou-kontrakte, nou'n ganny meyer pri pou nou kapab fer sa.

E nou toultan fer li. Nou toultan- parey Prezidan i kontan dir, ou *think as a business* e ou regarde ki mannyer ou kapab fer bokou plis avek menm larzan ki ou annan. Oubyen mwens larzan ki ou annan. Se pour sa rezon ki sa lannen olye 65 nou pou fini avek 60.

Me lannen prosenn ki en lannen diferan kot nou annan plis aktivite, byensir nou annan en pti logmantasyon. Mersi Mr Chair.

MR SPEAKER

Mersi. Onorab Pillay? Ou ti'n lev ou lanmen avan Onorab Gabriel? *Ok, mon pa mind, mon a pas ou kestyon avan. Wi?*

HON CONRAD GABRIEL

Mersi Mr Speaker. Bonzour tou dimoun a lekout. Bonzour VP ek ou delegasyon. An pasan mon pe get dan ou *current challenges, bann risk*. "*There's difficulty in striking the right balance between reducing costs and maintaining standards.*"

Nou'n vvar poudir ou'n anons nou pou dir ou'n fer en 4.6milyon *savings* atraver 3 pos *PS* ki'n aboli, *Special Advisor* lot, lot.

I annan *job transfer in rotation*. Zis donn nou en pe plis leksplikasyon, eski zot pou *maintain* sa *standard State House*? Zis donn nou en pe plis leksplikasyon?

Apre an pasan, *VP*, dan *maintenance and repairs*, zis si ou kapab enform nou lekel garaz ki okipe pou okip zot bann transpor? Mersi.

MR SPEAKER

Bann kestyon an pasan mon ti a prefere kestyon direk lo Bidze-*VP* ou annan 2 kestyon la sorti kot Onorab Gabriel.

THE VICE-PRESIDENT MR AHMED AFIF

Mersi Mr Chair. Mr Chair mwan mon satisfe avek sa Bidze ki nou annan ki deza reprezent en logmantasyon dan nou Bidze

2021, sa ki nou pou fini avek sertennman.

E mon santi pou dir, parey mon'n dir dan sa kestyion presedan, lafason nou'n striktire, malgre ki nou'n tir en pe pli o an term *High-Level Management* nou'n redwir li.

Nou santi ki travay at *middle management* ek pli ba, i sa ki pou delivre servis. Tandis ki anler ou pa bezwen sa kantite dimoun, ou bezwen plis letan pou kapab diriz travay ki annan dan Biro Prezidan. Pa bezwen neseserman plis dimoun.

E se sa rezon ki nou nou'n redwir sa Bidze dan'*wages*'- son *overheads* in vin bokou pli mwens. Me selman, an term bann dimoun ki la pou delivre, pou reponn telefon, pou kapab reponn tou bann lapel ki annan kot Biro Prezidan, nou santi nou kapab delivre. E sa *striking* sa *balance* ant redwir kou ek standar, nou santi anba sa Bidze i apropriye.

An term *maintenance*, ankor, nou krwar pou dir, lafason ki nou'n striktire ozordi i meyer. Parey mon dir, Bidze an gro, i reprezent preski 10poursan rediksyon dan sa ki nou ti abitye annan dan Biro Prezidan.

An se ki konsern garaz, mon napa bann non bann garaz la- mon krwar i apropriye pou

nonm garaz, be selman mon kapab dir ek ou, i annan 4 garaz ki Biro Prezidan i travay avek.

Enn ki fer bann loto en pe pli o nivo. Bann loto en pe pli sofistike. Prezidan, Vis-Prezidan eksetera. Apre nou annan lezot ki fer plito *diagnostics*, avek *checks*. Nou annan 2 lezot ki fer plis *bodywork*, ki nou sou-kontrakte.

E mon kapab dir ou Onorab, nou pa fikse lo 4 nou. Nou regard toulstan kalite servis ki zot donnen. E si nou santi a okenn moman letan, i kapab annan en lot garaz ki pou donn en meyer servis, nou toulstan fer li. E nou swiv tou bann prosedir ki annan an term swazir en garaz, swazir son pri.

Nou pa fer lapreferans avek personn, nou pa get kouler politik personn ler nou fer travay. Annefe enn sa bann garaz ki ozordi ti pe fer loto Prezidan e Vis-Prezidan i menm garaz ki'n la pandan 20an. Nou pe servi menm garaz.

Alor, nou pa pe fer lapreferans pou personn an term garaz. Nou pe donn sa ki fer louvraz pli byen en meyer pri sa posibilite. E zis an pasan, menm ler nou aste pyes osi nou fer parey, byensir pyes i depan

loto, i annan diferan landrwa ki fourni.

E ankor enn fwa, nou fer li lo en baz konpetitiv, lefikasite, kredi ki nou gannyen avek sa bann facilite peyman. E mon kapab dir ou i pe mars byen. Se pour sa rezon ki sa lannen nou pa'n pey *car hire* ditou. E preski tou nou *fleet* i annord.

Nou ti annan nou- mon kapab dir ou Onorab ler nou ti pran lofis, omwen douzenn, trezenn loto ki ti anba garaz, pa pe marse, enn de lo blok. Ozordi ni enn napa. Tou sa la pe marse. E nou pa'n aste en loto nef! Mersi Mr Chairman.

MR SPEAKER

Mersi Vis-Prezidan, Onorab Pillay, ou annan ou kestyon?

HON SEBASTIEN PILLAY

Mersi Mr Chairman. Bonzour Vis-Prezidan e bonzour tou dimoun ki a lekout. Bonzour tou koleg Onorab. Mr Chairman eski Vis-Prezidan i kapab donn nou en pti pe plis leklersisman. Mon konnen ou'n eksplike vizavi provizyon sekirite an relasyon avek bann logmantasyon ki'n ganny mete dan Bidze.

Kot ler nou pe gete nou vwar i annan sa Bidze sekirite en pti pe partou ou'n eksplike an detay. Me selman ou a

eksplik nou, *in terms of* pou *procure* sa bann keksoz- ki prosedir ki *State House* pe servi pou kapab *procure*, eski sa i bann *procurement* lokal, oubyen *procurement* enternasyonal? E si pou annan en prosedir *tendering or etablir* en prosedir pou sa?

Dezyenmman ou'n mansyonnen ki dan ou *basic pay* ou pou annan en pti logmantasyon vizavi 3 pozisyon; en *cook*, en *kitchen steward* avek en *housekeeper*. Eski sa bann dimoun in fini ganny anploye par *State House*? Oubyen eski zot ankor pe rod dimoun pou sa bann pozisyon?

E mon dernyen kestyon Mr Speaker, i an relasyon avek sa *minor capital outlay* ki nou pe koz lo size miray. Eski sa osi in ganny fer an traver en prosedir *tendering*, in annan en prosedir an relasyon avek *Procurement Act* pou fer sir ki *State House* li menm i pe swiv bann prosedir *procurement* ki devret ganny swiv? Mersi Mr Chairman.

MR SPEAKER

Mersi Onorab. VP.

THE VICE-PRESIDENT MR AHMED AFIF

Mersi Mr Chairman, Mersi Onorab. Onorab an se ki konsern sekirite, i annan

diferan Lazans ki donn sekirite *State House*. Par egzanp, personnel, byensir se *SDF* ki donnen. E zot provide *Special Force*, Tazar avek lezot personnel ki okip *State House*, Prezidan ek Vis-Prezidan.

An term lekipman, i annan lekipman ki nou nou'n zwenn, nou'n vin zwenn la. Sa bann lekipman, mon kapab dir ek ou tou, otan ki mon konnen, i ganny antretenir ozordi par Seselwa. Pa etranze, tan ki mon konnen ki pe fer okenn *maintenance State House*.

Ti annan, nou'n koup tou. Seselwa i fer tou, i fer pli byen tou, ki etranze- bokou pli byen. Ler nou ti vini par egzanp, cameras ki ti donn sekirite, zot ti pe vvar ki pe passe kot baro, an montan partou, preski tou pa ti pe marse. E ler nou ti demande akoz pa pe marse, rezon sete, ti napa bann *service providers* sa letan- ki ti bann Irlande ki ti pe donn sa servis- zot ti'n ale.

E bokou pa ti pe marse. Nou pa kapab dir zot ti pe marse avan nou vini. Ti annan enn de landrwa kot nou'n vvar difil in koupe eksatera. Me nou'n vini, nou'n pran Seselwa prive, a en pri ekstrememan rezonnab. E zot in fer sa bann travay. Zot in fer li vreman byen, e byensir zot kapab vvar

bann detay ki nou'n peye pou *maintenance*, i well within budget sa lannen.

Si nou procure sa bann keksoz dan en fason normal- wi i annan serten prosedir ki *President's Office* i swiv anba *Procurement Act* pour sekirite, i kapab fer *direct bidding*, e dan serten ka zot in fer *direct bidding*.

Be selman nou'n swiv Lalwa. Nou pa'n kas okenn Lalwa. Nou'n *save cost*, nou'n swiv Lalwa, tou provizyon ki annan pour sekirite- nou'n fer sir ki nou azour avek.

E mwan mon satisfie Mr Chairman ki nou'n swiv tou bann prosedir. An se ki konsern bann lezot *maintenance* ek proze kapital ki nou annan- ki i annan en provizyon dan Bidze. Wi nou pou swiv *tender*, kot si i annan en *urgency* kot en keksoz i bezwen ganny fer vit, si fodre fer *direct bidding*, nou toulstan demann permision Minister Finans pou fer *direct bidding*.

Me a gro an se ki konsern Lalwa, definitivman nou swiv Lalwa.

An se ki konsern bann pozisyon ki nou pou swa *recruit-* ankor enn fwa nou *advertise*, nou fer bann prosedir normal pou fer sir ki nou ganny meyer dimoun pou sa bann *job*.

E eski nou'n konmans *advertise* pou serten sa bann pos? Wi. I annan serten ki deza *advertise*. Mersi Mr Chair.

MR SPEAKER

Mersi VP. Onorab Sandy Arissol.

HON SANDY ARISSOL

Mersi Mr Speaker. Bonzour Mr Speaker. Bonzour tou Manm, VP avek ou lekip bonzour. 2 kestyon Mr Speaker mon'n tann VP koz an relasyon avek sekirite dan enn ou repons, konsernan sa *scanners*. Mon krwar ki zot pou mete- en *scanner* zot pou mete *State House*, si ti annan enn, si zot in mete konbyen in koute? Konbyen in arive? Oubyen si ti annan enn zot in repare, eksplik nou en pe dan Bidze?

Parski mon pa pe konpran kote mon pou vvar li, an relasyon lo sa ki ou'n koz lo la. Sa premye.

Dezyenmman letan mon pe get dan zot Bidze i annan *uniforms* ki kontinyen monte. *Uniform* - Mon pa konnen si zot pe mazin met *safari suits* zot tou lannen prosenn, sey eksplik nou en pti pe *uniform* silvouple? Mersi Mr Speaker.

MR SPEAKER

Mersi Onorab. VP?

THE VICE-PRESIDENT MR AHMED AFIF

Mersi Mr Chairman. Mr Chairman an term lekipman sekirite, sa ki mon kapab dir ek ou, se logmantasyon ki annan, se pour *security equipment* kot baro. E mon vvar en logmantasyon- en provizyon la R766mil ki'n ganny mete.

Me anefe, zis avan mon ti vin la dan Lasamble, mon ti pe koz ek bann *staff* Minister Finans, mon ti pe dir ek zot poudir, sa provizyon sa letan ki zot ti pe fer li, se parske zot ti krwar poudir i posib ki nou ti pou bezwen aste novo lekipman pour *X-ray* avek *scanning* kot baro, e menm sa bann moter ki fer mars sa bann baro li menm.

Me mon annan plezir pou dir ki nou'n reisir repar tou sa bann lekipman. I pa'n kout nou preski nanryen. Parske nou'n ganny lasistans avek lezot Lazans Gouvernman menm, tel ki SCAA- mon ti a kontan dir zot mersi - ki ti anvoy dimoun kot nou, ki'n vin regard sa bann lekipman, e zot in nabou repar zot e fer zot marse.

E mon pa konnen akoz ti annan en provizyon pour sa kalite *maintenance* ki ti ganny *outsourced* kan nou'n nobou fer li *internally* avek nou prop

resours. So mon krwar Onorab, pou et onnet, sa logmantasyon ki'n mete i posib nou kapab fer *savings* si sa bann lekipman parey i ete ozordi i ganny *maintain* parey.

E mon pa konn son *lifespan* kan ti ganny enstale, mon pa kapab dir ou la. Me selman i annan en gran posibilite nou pa pou servi li, e nou pare pou nou servi li dan okenn fason ki Minister Finans a permet nou pou- si nou kapab ganny sa konman en *savings*.

Ou lot kestyonsi ou kapab *remind* mwan Onorab? Liniform- mon a konsilte avek Madanm Bonne en pti moman, zis mon a- de minit. Mr Chairman, bann *uniforms*- provizyon ki annan se pour bann *drivers*, *housekeepers*, bann *staff* pou *customer service* avek bann *staff* pou Lapres. Se sa *uniform* ki nou annan provizyon pour zot. Mersi.

MR SPEAKER

Mersi VP. Onorab Romain.

HON GEORGE ROMAIN

Mersi Mr Chairman. Bonzour VP ek panel. Mr Chairman ler mon pe regard anba *office expenses*, kot *telephone local and rental*, mon vvar pou 2021 ti annan en *amount* la,

R1.7milyon, be parkont pour 2022 i zis 900mil.

Alors mon ti a kontan demann VP si ou ti kapab eksplik nou en pti pe kwa ki'n fer sa gran rediksyon, en pti pe plis ki 800mil. Mersi Mr Chairman.

MR SPEAKER

Mersi Onorab. Vis-Prezidan.

THE VICE-PRESIDENT MR AHMED AFIF

Mersi Mr Chair. Mr Chair senpleman, nou'n met plis *control* lo *staff* e la fason telefonni ganny servi. E nou krwar pou dir la fason nou'n striktire, e redwir labi ki annan. Petet parler ler ou annan bokou *staff*, ou annan tou kalite dimoun *overheads*, tou dimoun pe telefonnen partou.

E i zis vin en birokrasi ki koute. E zis nou'n renegosye ek nou bann *service providers*, nou'n ganny la kantite dimoun ki nou krwar i nesesser pou nou fer a travay, e nou'n kapab anmenn en rediksyon preski R1milyon. Mersi Mr Chair.

MR SPEAKER

Mersi Vis-Prezidan. Onorab Henrie.

HON GERVAIS HENRIE

Mersi Mr Speaker. Bonzour tou dimoun. Mr Speaker mon kestyon i konsern bann depans regilye e mon enterese avek par egzanp karbiran, telefonn, delo, elektrisite. Pour demande ki zefor ki *State House* koman- i merit *lead by example*, i ava annan lentansyon pou fer?

Rezon mon demann sa, akoz ler par egzanp mon get zot konsonmasyon delo avek elektrisite, mon vwar poudir zot *forecast*, en logmantasyon from 2021 dizon ziska 2024. Solman si mon get lezot brans Gouvernman, Lezislatif avek Zidisyer, sa sonm i reste konsistan.

So mon anvi konnen ki zefor vreman zot kapab fer pour ki annan bann *savings* ki ganny fer. Par egzanp mon konnen zot bezwen servi delo en kantite pou aroz zarden *State House*. Me si zot ti pe fer *rain harvesting*, then zot ti kapab resikle delo lapli ki zot anmase pou aroz zarden avek. E sa i mon premye kestyon Mr Speaker.

Mon osi vwar en alokasyon ki ganny idantifye konman komunikasyon- *communication*. So mon anvi konnen *what is the difference communication* diferan avek *internet* ek telefonn par egzanp- ouswa menm *fax*?

E finalman, sa Bidze pou reparasyon *building*. Sa alokasyon pou reparasyon *building*. Lefet ki *State House* i en *building-* en Moniman Nasyonal. So mon anvi konnen dan *setup* Gouvernman pou ekonomiz bann fon, akoz i annan en alokasyon ki ganny met avek *State House as oppose to*-

I annan *Heritage Foundation* par egzanp ki li i ti kapab dir *ok*, sa lannen nou pou repar *State House*. So li ki zer sa larzan, me i fer kot *State House* sa lannen. Lannen prosenn i get en lot *building*. So mon anvi konnen akoz i mars dan fason ki ou'n eksplike? Mersi. I annan 3 kestyon la Mr Chair.

MR SPEAKER

Mersi Onorab. Vis-Prezidan.

THE VICE-PRESIDENT MR AHMED AFIF

Mersi Mr Chairman. Mr Chairman, otan ki mon konnen, lo elektrisite ek delo, bann logmantasyon ki nou trouve i senpleman reflekte lenflasyon, ki 3poursan. So bann sif ki mon annan par egzanp elektrisite 2021-2,7milyon, 2022, 2.78milyon.

E sa i reprezant pirman lenflasyon. I pa nanryen.

Selman mon kapab asir ou poudir nou otan ki nou kapab, nou redwir nou kou elektrisite. Par egzanp, mwan mon vin la bomaten, mon'n tenny mon *aircon* bomaten.

Mon'n tenny mon lalimyer tou mwan. Mon sekreter osi in fer parey, si zanmen nou sorti *lunch time*, nou pa dan biro nou tennyen. Nou'n fer serten mezir pou nou redwir. Me si ou vwar i annan en pti logmantasyon la, i senpleman pe reflekte lenflasyon 3poursan.

Pareyman pou delo, li osi i pe reflekte 3poursan, me selman delo nou pou annan en pti pe kou ekstra. Enn bann rezon se, dan sa *lawn* devan *State House* ki pe ganny refer la an se moman la- parske i ti vin en basen dan milye kot delo ti akimile dan lapli.

Prezan nou pe fer li nivle, ki sa delo pou al byen. Nou pou met en *sprinkler*, ki pou servi en pti git plis delo. Me selman i pa en gran logmantasyon, par egzanp pour 2021 - R400mil, 2022 - R412mil. So i pa en gran logmantasyon. Annefe si ou tir lenflasyon i reste parey.

So an se ki konsern komunikasyon, e i annan en *headings* diferan, komunikasyon;- otan ki mon konnen, sa ti'n ganny mete pou kouver kou en lofis spesifik ki ti

fer komunikasyon. E sa ti en madanm ki ti responsab pou fer komunikasyon kot zot fer bann *press release* e zot komunik avek lapres.

E parler i annan bann kou ekstra ki vini. Zis nou ti anvi met li separe konman en konsern, pou ou vwar ki sak fwa si ou fer en *press conference* oubyen si i annan bann *press-bann* levensman lapres ki ganny fer- byensir pou kouver ladan menm. I pou kouver en pe bann kou telefonn ek lezot keksoz.

Selman ou vwar li konmans en *cost* separe- me selman i kouver preski dir menm zafer. Ou dernyen kestyon ti an relasyon avek-?

MR SPEAKER

I annan en kestyon lo reparasyon Moniman Nasional *State House*.

THE VICE-PRESIDENT MR AHMED AFIF

An se ki konsern- anfen i en sizesyon ki mon konpran i fer sans. Minister Finans sa lannen- mon pa krwar nou lensistans ki'n ganny fer koumsa. Me vi ki nou annan en tim *maintenance State House* ki fer sa byen, nou'n santi petet nou kontinyen fer li koumsa.

Mon pa krwar neseserman ti pou annan en rediksyon sibstansyel an gro, si ou met li swa kot nou swa kot *Heritage*. Me i en sizesyon ki nou ouver avek, pou regarde dan lavenir, si nou devret fer li koumsa. Mersi Mr Chair.

MR SPEAKER

Mersi Vis-Prezidan. Tan ki letan i ankor permet mon a permet ankor en kestyion sorti kot Onorab Pillay.

HON SEBASTIEN PILLAY

Mersi Mr Chairman, Mr Chairman mon le anmenn Vis-Prezidan pou konsider Bidze *Cabinet Office*. E anba Bidze *Cabinet Office* nou'n vvar pou dir Bidze *Cabinet Office* in ogmante, konparab avek bann lannen avan, e nou vvar serten bann '*allowances in wages*' and '*salaries in kind*' ki nou pa ti vvar avan.

Premyerman, anba *wages and salaries in kind* anba *Cabinet Office*, sirtou *Cabinet Office Secretariat*, nou vvar *medical fees* R130mil. Eski Vis-Prezidan i kapab dir nou kwa ki sa i *entail*?

Apre ler ou get *transportation and travel cost*, nou vvar de *lined item* ki pa ti la avan anba *overseas airfares*. Be la nou vvar ki menm anba

Cabinet Office Secretariat i annan R1milyon pou *overseas airfares*, e R1milyon pour *subsistence allowance*.

Eski Vis-Prezidan i kapab donn nou en lesplikasyon lo kwa ki sa i vedir? E anba '*other uses of goods and services*', nou vvar en provizyon R250mil ki ti napa avan. E ladan i annan R234mil ki al ver *other allowances*, eski Vis-Prezidan i kapab donn nou en lesplikasyon lo kwa ki sa i *entail*? Mersi Mr Chairman.

MR SPEAKER

Mersi.

THE VICE-PRESIDENT MR AHMED AFIF

Mersi Mr Chairman. Mr Chairman sa bann *allowances*, par egzant pour- sa i bann *fees* ki'n ganny mete an gro pou kouver bann depans ki *Cabinet* e Konsey Minis i kapab incur e ki kapab ganny *reimbursable*.

Savedir si en Minis i dizon, i annan *medical expenses* ki li i bezwen *claim back*, i kapab *claim within the allowances of* 130 ki i annan. Se sa sonm ki'n ganny mete dan Bidze.

Selman sa ki mon kapab asir ou Onorab se ki, *medical expenses* ek *insurance* pour bann Minis i mars ansanm. E an gro si ou pran sa ki ti egziste

dan le pase konman *medical insurance* pour Konsey de Minis in toultan egziste.

E si ou azout sa sonm ki la konman *reimbursable expenses*, son totalite i egzakteman parey i ti ete dan 2019 ek 2020. Akoz? Akoz *medical insurance* pou 2022 in ganny redwir. In ganny redwir akoz nou'n ganny en meyer pri avek fourniser lasirans.

Selman nou'n osi gard en provizyon pou *reimbursable medical expenses for the Cabinet*. I pa en gro sonm, be selman ler ou met li ansanm avek *medical insurance* ki ti toultan egziste, son totalite i reste egzakteman parey. Mersi.

MR SPEAKER

Vis-Prezidan mon krwar *Leader Lopozisyon* ti annan 2 lezot pwen ki in ti'n leve, mon pa konnen si in note. Si ou pa'n note *Leader Lopozisyon* ou a repete vitman silvouple.

THE VICE-PRESIDENT MR AHMED AFIF

Mr Chairman ti annan en lot kestyon ki konsern *overseas travel*, ki annan en logmantasyon 2milyon. Sa se parske nou pe enkli bann vwayaz par lezot Minis anba nou *heading*.

So i pe vin isi e sa i reprezentant sa 2milyon anba *transportation and travel cost*. An se ki konsern *other use of goods and services*, sa i pou enkli bann *reimbursable allowances for the cost of clothing* pour bann Minis.

MR SPEAKER

Wi, klarifikasyon lo keksoz Onorab?

HON SEBASTIEN PILLAY

Mersi Mr Speaker nou pe ganny en pti pe konfizyon. Premye heading pou *medical fees i wages and salaries in kind*. I pa allowance. I *wages and salaries in kind*. Savedir i ganny peye sa. I ganny peye sa. So i R130mil ki pa ti la oparavan.

So mon pa pe ganny en konpran ki kalite *medical fees* ki en Minis, oubyen en dimoun dan *Cabinet* pou al fer ki *reimbursable*. Akoz Lasanble napa provizyon pour *reimbursable medical fees*. Si ou al kot dokter prive ou peye, ou pa pe ganny *reimbursed*.

Personn napa *reimbursable*. So kwa ki *reimbursable* pour b bann Minis- mon pa konnen. Bann *insurance*, mon ekspekte i al anba provizyon pour *insurance*, i pa kapab vin la.

Dezyenmman an relasyon ek *overseas airfares* ek *over subsistence allowance*, si ti sipoze annan sa provizyon, then i bezwen tonm *proper* anba Sekretarya oubyen *management* administrasyon lofis Prezidan.

I pa kapab tonm anba *Cabinet Secretariat* ki pe *manage overseas airfares* osi. Mon pa ganny en konpran ki mannyer sa 2milyon i la. Sa i sa 2milyon ki sipoze pour bann lezot Minis. I sipoze anler anba *heading* ki *main* Lofis Prezidan ki *manage* tou bann depans, se li ki pe aprouve.

Akoz la ou pe dir mwan savedir se *Cabinet Secretariat* ki pe aprouv sa bann *travel* ki pou mwan i pa fer sans.

Apre dernyen, VP ankor enn fwa mon krwar petet ou devret sey klarifye. Ler nou koz *other allowances* ki'n monte par R234mil, e ou pe dir nou pou dir *this is bann allowances* ki kapab ganny *claim back*. Me nou'n ganny dir poudir serten *allowance* pou ganny mete direkteman lo saler bann Minis lo nou *Cabinet*.

So petet sey klarifye kantite *allowance* ki annan en pti pe partou dan sa Bidze? Akoz nou en pti pe konfize ant *wages, allowances e airfares* ki prezan pe tonm anba *Cabinet*

Office, ki mon ti ekspekte ti ava tonm anba Lofis Prezidan, ki li i annan en *management structure*. Mersi.

MR SPEAKER

Mersi. Vis-Prezidan.

THE VICE-PRESIDENT MR AHMED AFIF

Mersi Mr Chairman. Mr Chairman mon ti a kontan zis remind Onorab ki *overall wages and salaries* in redwir par 4.5 milyon. Mon ti a kontan *remind* ou sa, pou konmanse. *Overall, wages and salaries* anba Biro Prezidan, ki enkli tou sa bann *allowance* ki ou pe koze, ki enkli tou sa bann *wages* ki nou pe koze, nou'n *reduce overheads* par R4.5milyon.

Dezyenmman, alor nou pe redwir larzan piblik ki ganny servi pour *wages* dan Biro Prezidan, ki enkli tou sa bann *allowance* ki nou pe koz lo la. An se ki konsern *travel allowances, medical allowances-* avek ou permisyon Mr Chair mon a permet Minister Finans eksplik sa byen, e zot a kapab ganny tou bann detay.

An se ki konsern *overseas travel*, ki ou trouv li en pe drol ki i pe ganny met anba *Cabinet Office* pou zot administre, I senpleman en *administrative*

issue pou control travel. Byensir Prezidan i kapab aprouve, be selman ler pou fer peyman i pou al kot *Cabinet Office* pou peye.

I pa vedir pou napa kontrol anba la. Selman i pa vedir ki akoz i anba *Cabinet Office* ek Sekretarya ki zot ki aprouv sa.

I pou vin byensir kot Prezidan, me selman son Bidze, i pou tonm laba pou zot aprouve- me selman i tonm anba *State House* tousala. Avek ou permisyon Mr Chair mon ti a les Ms Tamatave eksplik detay tou bann *allowances* ki tonm anba *Cabinet*, mersi.

MR SPEAKER

Tre Byen. Miss Tamatave ou a kapab eksplike?

DEPUTY COMPTROLLER GENERAL ASTRIDE TAMATAVE

Mersi Mr Chair. Mr Chair pou *medical fees*, parey *VP* in dir, sa I en *reimbursable*. I anba *wages in kind* akoz nou klasifikasyon *charts of accounts* mannyer i ete. Parey *housing expenses*, letan nou pe lwen lakaz pour bann travayer Gouvernman, i osi anba sa klasifikasyon *wages in kind*.

Me sa larzan pa pou ganny donnen avek sa bann dimoun. Savedir bann Minis pa pou

gannyen sa larzan *in kind but rather* i pou en *reimbursable* parey *VP* in dir. Me selman akoz i anba *in kind* akoz nou klasifikasyon *charts of accounts* mannyer i ete.

E sa i pour 13 Minis e R10mil sakenn, sanmenm sa ki fer sa R130mil par an. Zis pou mwan enform Onorab, *Cabinet Office* -ou pou vwar anba sa programm i enkli tou bann kou ki *President's Office* pou bezwen fer an relasyon avek bann Minis.

Parey ou konnen bann Minis zot deza annan en *Minister's Secretariat* dan zot Minister. Me selman i annan serten depans ki ganny fer anba *President's Office*, an relasyon avek bann Minis. Sa in toulstan leka. Me an 2021 anvi ki nou ti annan restriksyon lo *travel*, se pour sa rezon ki ti napa en alokasyon pour *overseas airfares and overseas subsistence allowance*.

Me parkont bann Minis petet ki'n *travel* sa lannen, *President's Office* in *absorb* sa anba son programm. Me pour 2022 an vi ki nou pe ekspekte sityasyon i stabilize, nou santi li neseser pou nou re donn sa programm son alokasyon *overseas airfares and subsistence allowance*- malgre I

pa sa *amount* ki i ti ete oparavan. I pli ba.

In terms pou sa *other allowances*, sa i sa *clothing allowances* ki ankor i pou sa 13 Minis- en *one-off*. Mersi.

MR SPEAKER

Mersi. Mersi Ms Tamatave. Wi mon a pran kestyon Onorab Uranie, son dezyenm *round*.

HON ROCKY URANIE

Mersi Mr Speaker. *VP State House* i deza annan son miray, son *fencing* ek tou son sekirite otour li. Eski i annan novo miray ki pe al ganny fer otour *State House*?

THE VICE-PRESIDENT MR AHMED AFIF

Mersi Mr Chair, Mr Chair avek ou permisyon mon a permet swa Ms Tamatave lo *Capital Project*- petet Ms Tamatave i a kapab donn detay. Mersi.

MR SPEAKER

Thank you. Ms Tamatave.

DEPUTY COMPTROLLER GENERAL ASTRIDE TAMATAVE

Mersi Mr Chair. Onorab sa I en miray par deryer. Pou en pe letan *President's Office* in anvi repare akoz sa miray pe *crack e*

i annan en *safety hazard* ki i poze.

I annan en lakaz par anba ki *the owner in raise* konsern avek *President's Office* pou en pe letan, even *MLUH*, Departman Lenfrastriktir in vin evalye e i enportan pou nou refer sa miray.

Sa *amount* i en provizyon, e proze pou ganny *tender* parey tou proze Gouvernman, e son *correct price will be sa amount* ki pou ganny *bid*. Mersi.

MR SPEAKER

Mersi. Onorab Woodcock ou'n lev lanmen pou en lot kestyon?

HON WAVEL WOODCOCK

Mr Speaker, an vi ki sa topik *insurances in leve*, e lasirans i ganny kouver dan tou Minister ki enkli Biro Prezidan. Dan le pase, *more or less*, Gouvernman in ale mon krwar 3 *main insurance broker*- si mon pa tronpe ti annan enn *Fidelity* ki pou Mr De Commarmond. Apre en lot krwar pou Mr Dolor Ernesta- mon pa mazin son non, i plizoumwen menm dimoun ki ti *insurance broker* dan preske tou Minister, tou Departman Gouvernman.

Mwan mon kestyon, eski sa i en keksoz ki Biro Prezidan, bann lezot Minister- kekfwa Minis Finans i a kapab dir nou

si sa ki zot anvizaze revize, ki pa zis 2 dimoun ki pe ganny tou sa bann- ki pe benefisy, ki lezot *insurance broker* i kapab benefisy?

Or petet Gouvernman li menm i kapab lo li menm negosye son bann lasirans avek sa bann diferan Insurance Companies? Mersi.

MR SPEAKER

Mersi Onorab. Vis-Prezidan.

THE VICE-PRESIDENT MR AHMED AFIF

Mersi Mr Chair. Mr Chair, sa ki mon kapab dir Onorab an term *insurance*, nou pe servi omwen de lakonpannyen lasirans. 1 ki kouver bann lasirans aletrance ler i annan vwayaz par *staff*, e byensir Konsey de Minis.

E nou annan osi lasirans pour lezot keksoz- bann *assets* eksetera ki nou pe servi atraver *H.Savy Insurance-* nou pe servi pou le moman.

Me selman tou sa ki nou *procure* i baze lo *best pricing*, i baze lo *competitiveness* e nou fer sir- e parey mon'n dir, ozordi pou ou kouver *Medical Insurance overseas* nou'n ganny rediksyon.

E si mon pa tronpe i environ R100mil par an ki nou'n nobou redwir. E alor *overall* lo sa ki nou pe depanse

lo *medical* i ekivalan avek sa ki ti pe depanse oparavan, i pa'n ogmante. Mersi Mr Chair.

MR SPEAKER

Mersi Vis-Prezidan. Bon mon napa okenn lot manm pou demann kestyon lo sa *item* alor nou a *proceed* lo vote. Nou pe vot lo Bidze pou *Office of the President* ki lo paz 6 ziskan 12 dan *part 2 Budget Book*, pou en total R70milyon 832mil. Manm ki an faver lev lanmen silvouple? Mersi, okenn Manm ki kont?

*Vote lo Bidze pou *Office of the President* lo paz 6 ziskan 12 pour R70milyon 832mil, 20 Manm in vot pour 0 kont e 9 abstansyon. Alor sa *item* in aprouve.*

Zis avan nou pran poz mon a retourne vitman lo pwen ki Onorab John Hoareau ti leve. Mon'n regarde sa *Standing Order* ki Onorab Pillay ti fer e wi i dir - *Standing Order 81(7)*- i dir ki *amendment* i devret donnez 3 zour avan.

Me selman dan menm paragraf dir osi ki Speaker i kapab permet ki sa lamannman i kapab pas pli vit.

Alor mon pou dir olye 72erdtan, nou a fer li 24erdtan. Me- so met bann lamannman an ekrir e pas atraver Clerk. E mon a demann bann Manm si

zot annan lezot lamannman, silvouple notife Clerk, akoz mon pa tro kontan sirpriz letan nou pe pran en *item* dan *Chamber*. Alor mersi bokou.

Madanm Clerk eski mon kapab demann ou si nou pou kapab konmans sesyon 10.45am? Savedir lot peryod? Pwennvi delegasyon? Napa problemm. Tre byen. Alor nou a pran poz la e nou a re zwenn 10.45am mersi.

(BREAK)

DEPARTMENT OF LEGAL AFFAIRS

(ATTORNEY GENERAL'S CHAMBERS)

MR SPEAKER

Thank you, nou a repran. Nou annan en sanzman zofisyé. Nou pe pran Bidze pou Department of Legal Affairs including Registration Division and the Office of the Curator. E mon a swet la byenveni Mr Frank Ally, Attorney General e Madam Nellianne Dookley Head of Accounts ki la avek nou. Ki mannyer nou a prosede pou sa? Ms Tamatave kekfwa ou a kapab endik mwan. Nou annan diferan antite la, eski nou fer en lentrodiksyon apre nou pran

enn par enn? Ms Tamatave, yes?

DEPUTY COMPTROLLER GENERAL ASTRIDE TAMATAVE

Mersi Mr Chair. Mr Chair Departman Legal son *appropriation head* me selman i annan 2 *PPP Statement*. Nou annan first; the Attorney General Chamber ki trouve lo paz 20 ziska 25. Apre nou annan *Registration Division* ki trouve lo paz 26 ziska 31. So nou kapab pran AG's Office avan, letan nou fini AG's Office nou a pran *Registration Division*, apre nou ava pran son vot lo Departman Legal ki enkli tou le de.

MR SPEAKER

Thank you. Nou a konmans koumsa. Nou a konmans avek lentrodiksyon pou AG's Office. Vis-Prezidan.

THE VICE-PRESIDENT MR AHMED AFIF

Mersi bokou Mr Chairman. Ankor enn fwa bonzour tou bann manm Onorab e tou dimoun a lekout. Mr Chairman, AG's Chambers an 2021 ti annan en Bidze R148.3milyon. Me mon bezwen dir sa sif i paret o senpleman parske ti annan en *capital project* ladan ki ti 115.

Si nou get son Bidze normal, ki *wages avek goods*, i ti annan li 24 + nef, ki R33milyon. Me sa lannen 2021, i ekspekte fini avek R30milyon konman depans. Bidze ki'n demande pour *wages and salaries*, avek *goods and services* pour lannen prosenn parkont, i R38milyon.

I annan en logmantasyon R8milyon. R3.2milyon ladan i pou *wages and salaries*. *goods and services* i R5.4milyon. An plis ki sa, AG's Office pour 2022 in demann en *capital project* R76milyon.

E sa i pour en batiman funded anba *Grant* ki pour nouveau biro pour AG's Office. Alor mon a donn petet briyevman. Parey mon'n dir ti annan logmantasyon R3milyon dan *wages and salaries* pou AG's Office. E sa i prensipalman akoz i annan R2.5milyon logmantasyon ki bann pos ki zot in fer provizyon 2021 ki zot pa'n pran.

Me ki zot in fer provizyon maintenant pour 2022. I annan osi R181mil logmantasyon, akoz en *account staff* ki prezan pou baze dan AG's Office. E i pou annan osi en *Assistant Principal Legal Draftsperson* ki pou kout R500mil dan en lannen pour AG's Office. Sa i a

fer sa totalite 3milyon logmantasyon dan saler.

Anba *goods and services* ki li in mont par R5.4milyon, logmantasyon prensipal ladan se anba *other uses of goods and services*. E an gran parti i vreman pour *rent* parske AG's Office pou sorti kot ti abitye ete kot National House pou plizyer rezon, i pou al dan en nouveau batiman ki apel *Link Building*. E provizyon in ganny fer pou ogmant *rent* dan AG's Office par R4.5milyon.

I osi annan R1.7milyon logmantasyon. Tousala i tonm anba *goods and services*, ki pou bann kou *law revision*, ki'n ganny etale pandan 2020 ziska 2022. Me pou an 2022, i pli o ki 2021 e 2022 i pou dernyen lannen sa proze *law revision*.

Anba *minor capital*, aktyelman i annan en logmantasyon R33mil. *Minor capital* i plito bann lekipman. Vwala sa 5milyon.

E finalman sa *Grant* pou AG's Office building ki R76milyon, i prensipalman pou en nouveau batiman. Ti ganny prezante osi an 2021, me pour plizyer rezon, sa *Grant* pa'n ganny materyalize dan sa lannen. Mon krwar *Grant* ti en grant ki finanse par Gouvernman Lenn.

Me i pa'n materyalize an 2021. Nou ekspekte ki nou a kapab trouv finansman an 2022. Vwala an gro AG's *Chamber* Mr Chairman.

MR SPEAKER

Mersi. Nou a pran entervansyon bann Manm-kestyon bann Manm lo AG's *Chambers*. Onorab Cosgrow i kapab konmanse.

HON WALLACE COSGROW

Mersi Mr Chairman. Bonzour AG. 2 kestyon Mr Chairman. Premye kestyon i konsernan lefikasite biro *Attorney Zeneral*. Annefe dan premye diskisyon ki nou'n gannyen bomaten, in annan en lanir dan bann konstrent Biro Prezidan kot i dir zot annan en pti pe difikilte avek delivre bann Lezislasyon ki bezwen ganny *drafted* par Biro *Attorney Zeneral*.

Eski *Attorney Zeneral* i kapab dir nou, ouswa Vis-Prezidan ki bann demars dan Bidze zot annan pou *improve* a zeneral lo sa *comment* ki Biro Prezidan in mete?

Eski tou bann Lezislasyon i pas neseserman atraver *Cabinet Office*, avan ki i ganny drafte, ouswa eski i annan bann Lezislasyon ki pas an deor?

Dezyenm Mr Speaker, eski AG i kapab dir nou- akoz ou

konnen dan bann Bidze lannen pase ti annan lanfaz lo koup *rent* - koup *rent* ki bann Minister i *rent*, pou redwir en pti pe kou dan Bidze. Akoz ki nou vwar ki AG's *Office* i sorti dan en landrwa kot i *rent-free*?

Eski napa ase lespas laba? I *rent-free*. E i pe al *rent* en *building* kan tou lezot lorganizasyon pe ganny demande pou koup lo *rent*. So nou vwar en nouvo adisyon dan Bidze AG's *Office* pou *rent*. Mersi bokou.

MR SPEAKER

Mersi Onorab Cosgrow. Vis-Prezidan, or pas la parol AG. Yes Mr Ally.

THE ATTORNEY GENERAL MR FRANK ALLY

Mersi Mr Chairman. Mersi Onorab Cosgrow. Lo kote *legislative drafting* - mon krwar toultan ki nou'n vin devan Lasanble, mon'n dir ki *legislative drafting* i enn bann pli gro *challenge* tou Biro *Attorney Zeneral*, oubyen Minister Zafer Legal dan laplipar pei.

I en konsern ki bann Minis Lazistis, oubyen Zafer Legal, e bann *Attorney Zeneral* i diskite a plizyer repriz. Nou'n diskit sa dan dernyen *meeting* Minis Lazistis. E *Attorney Zeneral*

bann *Small Jurisdiction Commonwealth* e nou ti ekspekte par egzanp *Commonwealth* i ed nou, me i pa toulstan posib. *Commonwealth* ti fer en *training* Ghana- lontan i ti fer Langleter, i ti bouze i ti al dan *Carabe*, in al *Bangladesh*, e finalman i ti pe fer Ghana.

Me *Commonwealth* in aret fer sa *training*. E sa i poz en problemm akoz napa ase *legislative drafter*. E bann ki petet ou kapab ganny zot, zot vreman ser. E se sa ki pandan 2022 nou pou diskite ansanm avek *Central Bank*, Minis Finans, pou nou kapab re vwar ki mannyer nou anploy dimoun, oubyen nou *engage* bann *legislative drafters*. Si nou bezwen bouz dan en- kot nou rod bann konsiltan, e avek en *legislative calendar*.

Me selman, despite sa bann *challenges* nou'n kapab anploy en *legislative drafter* avek en pe plis leksperyans. Ek bokou leksperyans petet mon kapab dir. Nou annan lasistans avek Gouvernman *L'Inde* kot zot donn nou en - zot segonn en *legislative drafter from anba high-tech program*.

Malerezman enn ki nou ti demande ti bezwen kit pei akoz son kontra ti'n ariv son lafen.

Nou annan enn anfet *legislative drafter* ki dan bann Lezislasyon *Anti-Money Laundering*. Li osi son kontra pe ariv en lafen an Fevriye. E nou'n fer en demann avek Gouvernman Endyen pou nou kapab *extend* son kontra e son *secondment*. E mon ekspekte poudir Gouvernman Endyen i ava reponn nou *request positively*.

So sa i en pti pe bann *challenge*. Nou annan bann zofisyen Seselwa ki pe *train*. Zot osi zot ede en kantite. Parey zot in trouve bokou bann -nou annan osi bann zenn ki pe montre serten lentere ki nou le *cash in*. E donn zot en pe *training*.

Gete kote nou kapab donn zot sa loportinite pou zot al *training* dan *legislative drafting*. I annan en *legislative drafter* Seselwa ki'n fek retournen lannen pase, ki'n fer en *Master* dan *legislative drafting*. So nou pe sey gete kot nou kapab pou donn zot serten *training*.

E once ki ou annan ou en *good team of legislative drafter*, Gouvernman Santral, Gouvernman Legzekitiv i kapab *carry forward* son bann azanda.

Akoz ou bezwen Lezislasyon pou ou kapab anmenn ou bann programm devan. So se sa ki enportan. E

sa lannen parey zot in vwar, nou annan en pe Lezislasyon ki depi lontan nou pe travay lo la parey *Communications Bill*.

E sa lannen in annan en kantite Lalwa ki nou'n drafte e ki Gouvernman in met devan Lasanble Nasyonal. I annan bokou sa bann Lalwa i bann *Repeals*, bann lamannman. Petet bann lamannman en pti pe mon pa pou dir miner me pa osi *substantial* lo son groser.

Me i annan osi e nou pe travay a tou moman lo bann Lalwa en pe pli sibstansyel

Bon lo kote ou dezyenm kestyion Onorab Cosgrow lo Lalwa. Lalwa i sorti, nou ganny lenstriksyon sorti kot *Cabinet* pou nou drafte. Parey ou konnen Prezidan se li ki donn tou bann *approval* an konsiltasyon avek *Cabinet*.

E la ler nou'n ganny sa laprouvavyon la nou drafte Lalwa. I sorti kot tou bann *instructing* – bann Lotorite Gouvernman, bann Minister, bann *Agencies* Gouvernman. E I annan zot par ler zot fer zot bann *request* pou serten Lamannman direkteman avek nou.

E la nou, nou prepare en *Cabinet memorandum* e nou met devan *Cabinet*. E Prezidan *then* an konsiltasyon avek

Cabinet i donn son laprobasyon.

So from the top of my head mon pa konn okenn Lalwa ki'n sorti an deor Gouvernman pou nou drafte. Si i annan bann Lalwa ki pe enkorpor bann lobligasyon etatik par bann Trete, sa osi i pou bezwen sorti direkteman kot Gouvernman.

Lo size *lease* wi rezon prensipal akoz se ki lannen pase *or* mon pa mazinen si lannen pase oubyen sa lannen, ler ti annan Bidze mon ti ganny demann serten kestyion an relasyon avek kondisyon *National House*. Ti annan bokou konplent ki ti'n ganny fer lo kondisyon *National House* kot nou, nou ete. E osi bann lefe negativ ki kapab koze lo lasante bann zofisyen.

*So nou ti atann akoz nou ti annan sa batiman ki sipoze ganny konstrir avek le de Grant Gouvernman Endyen. Malerezman menm si plan i deza devan *Planning Authority* e Minister *Planning Authority* an partikilye i pa ankor ganny laprobasyon *Planning Authority*. I ankor still anba konsiderasyon.*

*In annan bann – sa ki mon'n ganny dir in annan bann kestyion ki'n ganny leve, e evantyelman *Planning Authority* i ava deside si i pou donn*

laprobasyon. E la ler nou ganny sa *then procurement* i ava konmanse.

Me *when it comes to lease* wi nou'n rod en kantite landrwa me evantyelman nou'n vvar en landrwa ki bokou pli *suitable* pou nou. Akoz i obor Lakour. E i pou kapab pran nou tou dan sa batiman lo de letaz. E nou ti deza pe lwe de lezot landrwa. Nou ti pe lwe *Unity House*.

En *wing Unity House* pou *Public Prosecution Section*. Nou ti pe lwe *part of a floor* kot *Oliaji Trade Centre*. E nou pou fer sa –savedir nou pou *shift* tou bann *staff*, sa *unit* ki laba dan sa nouveau batiman.

So i ava petet *absorb* en pti pe sa kou *rent* ki nou annan pou pey kot *new premises*. Me an menm tan petet sa ki mon'n ganny dir, *I am given to understand* se ki, *National House* petet si i ganny *renovated* i pou kapab ganny nouveau – i pou kree nouveau lespas pou Gouvernman.

E an rezulta ek nouveau lespas pou Gouvernman i annan petet, swa *DPA* i ava kapab *expand* san bezwen al lwe *additional space*. Akoz mon ganny en konpran poudir *DPA* osi i bezwen *additional offices* dan *National House* ki akoz nou prezans i pa kapab ganny sa *additional office space*.

E petet i kapab – bann lezot Lotorite gouvernmantal ki pe lwe landrwa si ler *renovation* i fini petet zot kapab bouz dan *National House*.

Mon pa pou kapab dir si nou pou retourne dan *National House* si ler *refurbishment* i fini. Me i difisil pou dir a sa pwen. Petet osi *by the time* ki son *refurbishment* i fini nou kapab fer *make inroads* an relasyon avek nouveau batiman ki Gouvernman Endyen i pou donn nou en *Grant* pou sa. Mersi Mr Chairman.

MR SPEAKER

Mersi AG. Onorab Lemiel.

HON SYLVANNE LEMIEL

Mersi Mr Chair. Bonzour VP avek ou delegasyon e tou dimoun ki pe ekoute. Mon kestyon pou *Attorney General*, letan mon pe regarde ou pe dir ki ou annan bann *challenges* petet pou *deal* avek bann *large number of claims* an term domaz, ki bann dimoun pe demande.

E osi bann konpansasyon ki bann dimoun pe demande. Sa akoz ou napa *staff*. E en lot osi i bann *notarial works* ki ou'n dir ou pa pe kapab *deliver or* zot annan sa inabilite pou zot kapab *efficiently* delivre, akoz mankman *staff*.

Si mon pa tronpe AG, lannen pase i paret provizyon ti ganny mete dan Bidze pou zot kapab ganny plis staff. Petet mon ti kontan konnen si zot ti kapab fer *recruitment* pou zot kapab rezourd en pti pe sa problem? Akoz mon vwar i *still come up as a challenge this year.*

E pou lannen prosenn mon vwar zot in met zis R500mil pou en Noter. Pou en dimoun fer en *notarial work*. Dann biro *Attorney General* konbyen *staff* an zeneral petet, ou ganny enn 2022? Me an zeneral petet konbyen *staff* ou pe mazinen ou, ou pou bezwen pou ou kapab *deal* avek sa de *issue*, kot i konsern bann *large number of claims?*

Pou bann domaz ki dimoun pe demande e osi bann *notarial works* ki annan pou fer? Mersi Mr Chair.

MR SPEAKER

Mersi Onorab. VP, nou a pas kestyon pou AG.

THE ATTORNEY GENERAL **MR FRANK ALLY**

Mersi Onorab Lemiel. Bon ler nou koz lo konpansasyon nou ti pe koz lo plito bann gro konpansasyon, parey konpansasyon ki nou ti pe travay lo la *Baie Ste Anne Power*

Station, ansanm avek bon sou direksyon Minister Lanvironnman. Konpansasyon polisyon delo La Misère. I bann gro *claim* parske i *time consuming*.

Ou bezwen al *assess each and every one of* sa bann dimoun. Me selman nou ti'n met serten kriter pou nou kapab fer li bokou pli fasil. I pa fasil pou ou konmsi avek en serten *accuracy assess* en domaz.

E ki kantite konpansasyon ou pou peye. E se sa ki Sesel nou sistem reparasyon domaz i *quite arbitrer*.

Notarial osi parey ou'n dir nou annan en kantite akoz plis ki Gouvernman i *transact*, i vann later, i lwe later i bezwen amann bann *lease agreement*. Par egzanp ler i annan bann *variation* bann novo *rent* i *revise rent*.

Bann dimoun i fer serten demann zot bezwen serten konsey lo bann tranzaksyon. I *quite challenging* pou nou akoz enn bann problem ki fer sa se ki akoz Minister Later zot napa en *Legal Advisor*.

E normalman dan en pei, dan bann Minister ou pou trouve - par egzanp Minister Transport avek Transpor zot annan en bon pe *Legal Advisor*.

Me parfwa kekfwa zot seye me zot pa ganny sa bann dimoun ki anvi travay. E pou form en Noter, en Noter normalman i ganny formen swa par en letid Noter.

Me nou napa en legzanmen Noter, en *course* Noter isi. Parkont dan bann pei parey Maurice kot i annan profesyon i separe. Savedir ou annan Noter avoue e avoka sakenn i annan en rol pou zwe.

Sesel ki nou'n fer nou annan en *fuse profession*. Savedir sa dimoun ki vini ou pran lenstriksyon avek, sa dimoun ki fer ou *case Ankour* i kapab menm dimoun.

E sa dimoun ki fer ou lavant later i menm dimoun. So nou annan en *fused profession* an konparezon. E i pran ou bokou letan pou ou kapab ganny leksperyans. Parfwa ou kapab panse poudir en keksoz i senp, i kourt, me i pran ou bokou letan pou ou pans lo la e pou ou kapab *deal* avek.

So pou reponn ou kestyon an relasyon avek staff, problem se ki i difisil pou ou ganny bann avoka ki annan leksperyans ki pare pou vin travay biro Attorney Zeneral.

E dan mon leksperyans depi ler mon pe pratique, mon pa rapel en dimoun apard mwan ki'n sorti dan 'liberal' pou vin

back dan public service. I mean dan biro Attorney Zeneral.

E i *quite, once ou'n ganny ou freedom ou liberte ou annan ou Cabinet* pou ou menm ou pa pou retournen. So nou seye. Mon seye. Par egzanp lannen pase ler mon ti met bann *advert* pou bann *Assistant Principal State Counsel* avek ekspektasyon, petet mon ava ganny kekfwa detrwa dimoun, mon pa ti reisi.

Menm si mon ti poste anvoy *email*, kot *email* tou bann avoka dan prive. *Because we would like them to come in* e travay. Me i difisil.

So kontrerman avek bokou bann lezot biro Attorney Zeneral kot ou antre ou vwar bann dimoun ki'n *quite 6an in lawyers of many many years*, isi nou pa gannyen.

E nou ganny bokou bann *staff*, bann dimoun ki zot in fer en Degre Lalwa zot, zot in ganny zot *legal practice certificate* zot vin biro Attorney Zeneral zot fer zot *pupilage*. E apre parfwa i annan serten zot ale apre *pupilage*. Me mon pe vwar poudir i annan ki pe reste zot pe kontinyen.

So mon ankouraze petet pou vwar zot kontinyen. E evantyelman pou nou kapab annan en diferan *Scheme of Service*, ki pou kapab attract

them so that dan le fitir nou pou kapab kree en biro Attorney Zeneral ki annan bokou plis leksperyans.

E anfet mon pe pans – nou pe konmans konsider lannen prosenn anmenn en *Bill* ki pou apel *The Attorney General's Office Bill*. Me sa i pou avan ki – nou bezwen met devan *Cabinet* avan pou get si nou ganny laprobasyon. Pou nou kapab petet *set out* en pti pe ki rol *Attorney Zeneral*.

Kwa ki *Attorney Zeneral* i kapab fer. Si *Attorney Zeneral* i pou reprezent zis Gouvernman tousel ouswa i pou reprezent bann *public bodies or bann other Authorities and Agencies* ki pa legalman *form part of Gouvernman*.

Me *form part of the public service*. E bann lezot fonksyon. Par egzanp drafte Lalwa, e bann striktir son bann *staff and all*. So nou ankor pe mazin lo la. Nou pe pans lannen prosenn sezi *Cabinet* avek sa. E Noter i pou reste en *challenge*. Gouvernman i pe *transact* bokou.

Mon ganny bokou *file*, i pran bokou letan. Parski parfwa nou *go through* sa *file* pou nou petet vvar poudir be en desizyon petet in mal pran. Me parfwa i annan bokou

keksoz ki pas par lao nou latet akoz defo letan. Mersi.

MR SPEAKER

Mersi *Attorney General*. Onorab Gervais Henrie.

HON GERVAIS HENRIE

Mersi. Mr Chair 2 kestyon. Mon ava demann enn premye. Ler zot pe reponn mon premye pou mwan ganny sans al vitman lo en dokiman akoz kot mon le demann mon lot kestyon. Premye se sa proze kapital pou *building*.

Lefe ki 2018 premye fwa in ganny mansyonnen poudir pou fer, mon anvi ganny en pe leklersisman la *whether this will really materialize* lannen prosenn?

Akoz sinon i konmans vin enn sa bann legzanp bann proze kapital ki zis tarde dan Gouvernman e ladministrasyon avan, ladministrasyon menm sa enn la pa pou kapab kontinyen avek sa zafer.

Donk en parol lo la. E letan zot pe reponn Mr Chair mon ava ganny letan al lo sa lot dokiman pou demann mon dezyenm kestyon silvouple. Mersi.

MR SPEAKER

Mersi. Vis-Prezidan.

**THE VICE-PRESIDENT MR
AHMED AFIF**

Mersi Mr Chair. Mr Chair avek ou permision mon a permet Ms Tamatave ki kot Minister Finans ki *handle* bokou sa bann *Grant related capital projects* donn en larepons. Mersi.

MR SPEAKER

Thank you. Ms Tamatave.

**DEPUTY COMPTROLLER
GENERAL ASTRIDE
TAMATAVE**

Mersi Mr Chair. Onorab sa proze AG's Office i ansanm avek Police Headquarters. So i en proze ki pe *tender* ansanm. Gouvernman L'Inde in enkorpor li konman en sel proze.

Dernyen *meeting* ki nou ti fer avek sa *Joint Committee* ki reprezantan Finans, *Foreign Affairs* avek Anbasader Endyen. E lenformasyon ki nou ti gannyen avek zot, se ki sa de proze i lo en staz *tender* ase avanse.

Keksoz ki *pending* ti annan en *final draft Lagreman between Government of Seychelles and Government of India*. Sa in ganny anvoye kot Gouvernman L'Inde. Pou zot get the *Government to Government Agreement* e pou sinyen.

And once that it's done so nou ekspekte lannen prosenn sa proze i konmanse. Thank you.

MR SPEAKER

Mersi. Onorab Henrie ou lot kestyon wi?

HON GERVAIS HENRIE

Wi. Klarifikasiyon Mr Chair. Akoz letan i dir i lo en staz *tender* avanse, savedir i pe ganny *tender* laba L'Inde. Zisteman Mr Chair kote sa proze pou ete?

MR SPEAKER

Ms Tamatave ou a klarifye silvouple?

**DEPUTY COMPTROLLER
GENERAL ASTRIDE
TAMATAVE**

Mr Chair mersi. Zis pou mwan reponn premye kestyon. Wi sa proze i ganny *tender* dan L'Inde. I en *benefit in kind*; - savedir i pou ganny *tender* dan L'Inde, i pou ganny *award* dan L'Inde. E pou ganny peye direkteman par Gouvernman L'Inde. E son lokasyon i pou L'Ile Du Port obor Lakour. Mersi.

MR SPEAKER

Wi ou annan lot kestyon Onorab Henrie.

HON GERVAIS HENRIE

Wi mon'n vwar mon dokiman. Mr Chair avek ou permision akoz mon vwar poudir i met *heading* sa ki nou pe *deal* avek i osi mete *and the Office of the Curator*. Savedir nou kapab leve kestyion lo la, la? Non? Pli tar. Ok. Mersi. So mon napa lot. Mersi.

MR SPEAKER

Eskiz mwan eski *Curator* i al ansanm avek *Registration Division* pou nou pran li ansanm.

DEPUTY COMPTROLLER GENERAL ASTRIDE TAMATAVE

Mr Chair *Office of the Curator* i en *appropriation line* separe. Nou pou fer li apre me selman nou pou fer li dan prezans AG avek *Registrar*. Me selman i en vot apar.

MR SPEAKER

Wi be savedir dan sa sesyon la akoz mon pe mazin letan la.

DEPUTY COMPTROLLER GENERAL ASTRIDE TAMATAVE

Non.

MR SPEAKER

Tre byen. Ok. Onorab Henrie ou'n fini? Mersi. Onorab Pillay.

HON SEBASTIEN PILLAY

Mersi Mr Chairman. E bonzour AG e Madanm *Registrar* ankor enn fwa. Bonzour Vis-Prezidan en tou dimoun ki a lekout. Mr Chairman mon ti a kontan demann AG, anba son Bidze mon vwar en provizyon pou *other service agreements*. Mon ti a kontan ganny en pe plis leksplikasyon lo *what these other service agreements i entail?*

Mon osi vwar en provizyon pou en Bidze *housing* ki'n ogmante. So si nou ti kapab ganny en pe detay lo ki bann *housing* ki an relasyon ek sa Bidze ki bann provizyon peyman pou *housing*?

Mon annan sa size *office building rent* ki'n ganny souleve par Onorab Cosgrow, san ki mon al dan menm laliny ki Onorab Cosgrow in al ladan.

Me mon konekte sa avek sa Bidze pou elektrisite. Mon pe mazinen sa *estimate* pou elektrisite in pran kont ki *currently* lofis *Attorney Zeneral* i dan *National House*.

Eski sa provizyon elektrisite pe pran kont ki nou pe al dan en novo *building*? E si nou pe al dan en novo *building* se ki bann *service agreements* ki annan avek bann *owners* sa novo *building*, an

relasyon avek provizyon serten *utilities*? Si ou ti kapab klarifye?

E mon dernyen pwen Mr Chairman i lo sa *long service allowance*. Mon vwar parey dan tou Departman ki napa logmantasyon dan *long service allowance*.

So eski avek ou permision Mr Chairman nou kapab Minister Finans pou dir nou, konbyen ti pou arive bann provizyon logmantasyon dan *long service allowance* dan *public service*? Mersi Mr Chairman.

MR SPEAKER

Mersi. VP, lekel ki pou pran kestyon? AG? Ms Tamatave.

THE ATTORNEY GENERAL MR FRANK ALLY

Mersi Mr Chairman. Mersi Onorab *Leader Lopozisyon. Other service agreement* i prensipalman sa *law revision exercise* ki nou ti konmanse. *Unless* ki ou anvi plis lenformasyon lo sa *exercise* li menm li?

Parey ou'n konstate nou pe vin avek bann *Statute Law Revision (Amendment) Bill*. E Sa i dan sa konteks. Mon krwar avan pa ti ganny fer koumsa. So ler nou reviz Lalwa nou vin

ek en *Bill* e evantyelman nou enkorpore.

E an menm tan nou le ki *as soon as possible* nou annan nou en *updated laws of Seychelles*.

Nou pe konmans konsilte serten bann dimoun relevan pou gete ki mannyer nou kapab bouz devan, pou nou kapab fer en *website. Authoritative laws of Seychelles* lo sa *website*.

Me pou nou kapab fer sa nou bezwen kapab fer sa *law revision project*. Lo kote *housing* wi pou le moman nou pey apepre R30ekek mil elektrisite kot *National House*.

Nou annan en *shared meter* avek *DPA*. E in ariv en laranzman depi avan mon'n pran lofis. So nou, nou pey mon krwar *third of that*. Me la i annan en sonm en pti pe pli o.

Me selman mon konfidan dan mon prop *estimate* ki petet i kapab *less*, akoz nou pe al dan en batiman kot nou'n fer li en pti pe *open plan* kot fodre. Kot nou pou napa sa kantite *air conditioning unit*. E i pou *centralize*. So mon espere ki kou elektrisite ki *mostly air conditioning* i ava redwir.

Lo kote *housing* wi nou annan nou apepre pou le moman, nou annan nou apepre 6 *expatriates* ki nou donn zot *housing*. Akoz nou anploy zot

from overseas. E sa ki bann accommodation expenses ki nou incur.

Me si nou pa ganny ase zofisyen, nou pou bezwen rod fason pou nou kapab ganny Bidze pou *housing*. Nou ti'n fer *advert* pou ganny bann *State Counsels* akoz ler nou pa pe ganny bann *Assistant Principal State Counsels*.

Ki nou fer parfwa se ki nou *downgrade* sa *post* e nou fer fason ki dan plas anploy en dimoun avek bokou leksperyans nou anploy 2 dimoun, avek *the hope* ki zot kontinyen reste dan biro. E evantyelman zot pran la relev. E sa i annan benefis.

I annan benefis pou lofis me osi annan benefis pou pei. Akoz si i al dan prive se profesyon legal, manm piblik e pei menm ki benefisyen. So- Me selman plis ki posib nou *try* pou nou *avoid* annan sa bann *additional cost*. Me parfwa i pa posib. Mersi Mr Chairman.

MR SPEAKER

Byen. I annan kestyon ki pa'n reponn Onorab Pillay?

HON SEBASTIEN PILLAY

Lamazorite mon bann kestyon pa'n neseserman ganny reponn Mr Chairman. So avek ou

permisyon mon ava zis pou mon kapab met lanfaz -

MR SPEAKER

Si ou kapab zis rod klarifikasiyon ki ou bezwen.

HON SEBASTIEN PILLAY

Mersi Mr Chairman. Mr Chairman premyerman anba sa *other service agreements* mon ti a kontan konnen ki prosedir ki pe ganny fer pou donn sa *service agreement* avek sa *service provider*? Akoz mon vwar en logmantasyon sibstansyel dan sa *other service agreement*. So eski i zis en *service provider*?

I 2 *service provider* ki pe ganny sa *other service agreement*? An relasyon avek sa size *long service allowance* mon pa'n ganny en larepons Mr Chairman. Mon ankor pe esper en larepons lo konbyen i koute an zeneral?

And then an relasyon avek sa *office building rent* e si nou met li ansanm avek elektrisite so teknikman sa Biro *Attorney Zeneral* pe ogmant par 6.6 milyon an relasyon ek sa. E mon osi vwar provizyon pou *air conditioning* R80mil dan Lalwa.

Be si nou pe antre dan en *building*, mon prezimen sa *building* i bezwen annan son *air conditioning*. E pa nou ki pe al

met *air conditioning*. So eski sa i zis en *misclassification of Code* kot sa 80mil i kapab retourn anba en lot landrwa anba Minister Finans ki petet pli bezwen sa larzan?

E petet avek ou permisyon Mr Chairman en dernyen kestyon. Eski *Attorney Zeneral* i kapab klarifye oubyen Minister Finans. Tou dimoun pe koz lo sa bann *long service allowance* ki pa pe gannyen e son *cost of it*.

So nou vvar *wages and salaries in cash* me i parey kontrerman avek biro Prezidan nou pa pe vvar *wages and salaries in kind*. Me sel landrwa ki nou pe vvar *wages and salaries in kind* pou le moman se biro Prezidan kot i annan sa zafer *claim back* pou *medical* avek lezot keksoz ki zot *claim*.

So eski ou kapab donn nou en pti leklersisman sa bann *allowances excluding PSC* kot nou vvar en logmantasyon menm anba *basic pay*. So eski sa i pou *entice* nouvo dimoun vin dan biro *Attorney Zeneral*?

E alors petet, eski Gouvernman i annan en Polisi dan serten sekter pou *allow* serten logmantasyon kot serten landrwa - par lao serten logmantasyon. Zis petet si sa i kapab ganny klarifye, petet Vis-Prezidan i ava dan en pli bon

pozisyon pou li klarifye sa. Mersi Mr Chairman.

MR SPEAKER

Mersi panel nou a klarifye sa bann pwen en pe vitman silvouple? AG ou a konmans avek sa ki ou pou adrese?

THE ATTORNEY GENERAL **MR FRANK ALLY**

Mersi Mr Chairman. Mr Chairman zis pou eksplik dan Lopozisyon se ki Ms Tamatave pou reponn sa kestyon lo allowances.

Lo kote *service provider* nou ti antre dan en kontra, nou ti apros *public procurement - POU - Procurement Oversight Unit*, mon pa mazinen si 2019. 2019 mon krwar kot nou ti demann li pou *approval* pou nou *contract en centre Anguilla*. Ki fer *law revision* pou bann pei.

En rezon akoz nou ti - *in fact* sa ti - *law revision* ti enn bann en keksoz ki mon ti anvi fer pandan *my tenure of office*.

Mon ti santi poudir Lalwa i eparpiye, napa sertennte Ankour ek manm publik lo Lalwa. E nou ti negliz *over the past years* nou'n negliz *law revision*. *Laws of Seychelles* 1991 ti sorti 1996 mon krwar. Oubyen 1995 oubyen 1997. *Law revision*, *Laws of*

Seychelles edisyon 2010 ti sorti 2017.

Kan i sorti in deza fini *outdated*. E nou annan nou en kantite liv Lalwa 2017 ki personn pa anvi aste. E alor pou mwan si nou anvi promot en pei ki annan *rule of law* Lalwa i bezwen aksesib e *free!*

Ou pa kapab dir ek en dimoun poudir *ignorance of the law is not an – excuse* selman ou dir li ou bezwen aste. Son *Code* ki i bezwen swiv.

E par egzanz rezon akoz ozordi nou promot en *Gazette Website* kot dimoun i ganny akse avek *Gazette, Bills, Acts and everything free of charge*, set akoz sa.

E nou anvi bouz dan sa direksyon. Me i kout Gouvernman larzan. Me selman nou santi poudir menm si i pou kout nou larzan la, me o fir e an mezir i pa pou kout nou sa kantite larzan. So si nou ti pou al fer en *Law Revision Edition* la nou ti pou bezwen fer enn 2020. Akoz 2010 ti dernyen *Laws of Seychelles*.

Me nou anvi prodwir si nou kapab. Mon pa pou dir nou pou fer li me nou anvi prodwir *Laws of Seychelles 2020 - 2023. Early 2023*. So nou'n *wrestle* avek en kantite fason fer. Avan nou ti dir nou pou fer li *in house*.

Me an vi ki i annan en kantite mouvman *staff* ou pou konmanse ozordi, demen sa *staff* pou ale. I pou reste deryer. Sa travay ki i pe fer i pou reste deryer e se sa rezon ki i pran letan. So nou nou'n santi poudir petet ti a bon nou, nou *contract* en *professional*.

E nou ti tonm dakor avek Finans ler nou ti pe fer Lalwa *digitilisation of official Gazette Act*. Kot nou ti anvi ki sa *savings* ki nou fer dan plas *print Gazette*, i annan en *fund* ki ganny kree e nou servi sa *fund*, sa *savings* pou nou kapab fer nou *law revision exercise*.

E Finans li i ti dir avek nou koumsa i ti ava preferab ki zot ava bidzet sa larzan, sa *savings* ki nou ti sipoze fer dan Bidze e so that nou pa bezwen *manage* en *fund*.

So nou'n fer en prosedir anba *Public Procurement Act*. Anfet nou ti demann *Public Procurement* pou fer en *deviation* anba Lalwa, fer en provizyon anba Lalwa apre ki nou'n annan konsiltasyon avek zot. Nou ti premyerman ekrir zot bokou bann let e evantyelman zot ti donn nou laprobasyon pou nou al kot sa centre.

Sa ti ganny aprouve par *Cabinet, post – pre the existing Cabinet* kot nou ti fer bann

soumisyon devan *Cabinet* lo en *legislative revision project* ki ti ganny aprouve. Lo kote elektrisite –

Lo kote *air conditioning* wi. Mon santi poudir akoz pou le moman nou pe al dan sa batiman. Nou pa pou *manage* oubyen bezwen repar bann *air conditioning system*. I pou santral.

Nou problem petet pou sa Bidze se ki, nou pa ankor ganny posesyon sa landrwa. Nou'n fek ganny *approval*. Nou'n ganny *lease agreement*. Me *by the time* ki Bidze in fer, nou pa ti ankor ganny *approval* pou nou bouz dan – *Accommodations Committee*. We had to have the budget first and then approval.

I ti pe *run more or less* an menm tan. Kot nou ti pe sezi *Accommodation Committee*, koz avek *owner of the premises*. E an menm tan koz avek Finans akoz nou ti anvi bouz *as early as possible*. Lide sete bouz *before the end of the year*. Me la nou pe pans *early next year* an Fevriye.

So the issue about *air conditioning* petet Ms Tamatave i kapab koz lo la, akoz *air conditioning system* laba pou centralize. Unless mon pa'n reponn okenn ou kestyon-

MR SPEAKER

Me nou les Ms Tamatave kontinyen pou adres bann lezot pwen. Ms Tamatave.

DEPUTY COMPTROLLER GENERAL ASTRIDE TAMATAVE

Mersi Mr Chair. Mr Chair pou sa provizyon ki nou ti'n fer pou *aircon*, si biro *Attorney Zeneral* pa pou bezwen sa larzan 2022 nou ava zis regarde si an ka avek bouzman osi si kekfwa i annan lezot kou. Transpor kekfwa ki zot ti devret pe *factor in* ki pa'n ganny *factor in*.

Me si an ka i annan okenn *savings* dan *mid-year* 2022 nou ava fer le neseser pou nou re assess son Bidze dan son totalite. Akoz mon asire petet i annan serten kou avek son bouzman petet pou sorti kot *National House* pou li al dan sa novo lokasyon, petet i annan serten kou ki pa'n ganny prevwar.

In regards to long service allowance Mr Chair letan nou ti anvoy sirkiler pou Minister pou prepar Bidze 2022, Minister pa'n soumet novo dimoun ki ti pou ganny long service allowance.

Akoz zot ti deza konnen Gouvernman pe mentenir sa freeze lo long service allowance. So nou napa sa lenformasyon,

akoz Minister pa'n soumet avek nou. Zot ti deza konnen sa *freeze* pe ganny mentenir. Mersi.

MR SPEAKER

Mersi. Nou bezwen terminen lo la. Si ou le en pti klarifikasyon vitman silvouple. Nou pou terminen en minit.

HON SEBASTIEN PILLAY

Mr Chairman sa ki mon oule met devan Minister Finans se ki mon vwar li en pe drol. Akoz menm si nou pran 7mil dimoun dan Gouvernman ki sipoze ganny zis R500 an plis, akoz sa ki zot gannyen an plis i pa pou arive sa kantite larzan.

So mon vwar li drol ki zot pa'n fer sa legzersis avan menm ki nou deside pou pa donn en *long service allowance*, ki pa ti pou ariv sa kantite larzan *in the first place*. *In terms of* sa logmantasyon ki zot pe gannyen.

So si dimoun pa kapab ganny sa logmantasyon saler endirekteman i ti a'n ganny li anba son *long service*.

Mon krwar sa travay i devret ganny fer letan nou pe kit sa Lasanble ek sa enn Bidze ki la. Akoz i pa pou kout bokou at the *end of the day*. Ou napa 3mil dimoun ki pou al ganny R500. 3mil par 500 par 12 se

sa ki ou pou bezwen peye sa lannen pou sa group dimoun. Zis pou en lannen sa. Mersi Mr Chairman.

MR SPEAKER

Mersi. Ms Tamatave ou annan leksplikasyon lo sa Bidze la?

DEPUTY COMPTROLLER GENERAL ASTRIDE TAMATAVE

Mr Chair parey Minis ti dir dan son diskour, Gouvernman 2022 pe fer legzersis pou revwar saler travayer piblik an zeneral. E petet i pa ti pou zistifyab pou en lannen, lannen pase 2021 nou'n met *freeze* lo *long service allowance*.

Si 2022 nou ti pou *reinstate* li *back, at the same time* en legzersis pe ganny fer, so nou pa'n anvi enkorpor okenn *allowance* an plis. Dan mon lopinyon personnel i zistifyab pou nou pa'n fer sa *increase*, an vi ki i annan en legzersis konpreansiv ki pe ganny fer lo saler travayer sekter piblik. Mersi.

REGISTRATION DIVISION

MR SPEAKER

Mersi Mr Tamatave. Nou ava avans prezan lo Bidze pou *Registration Division*. E Vis-

Prezidan i a fer lentrodiksyon lo sa.

THE VICE-PRESIDENT MR AHMED AFIF

Mersi bokou Mr Chairman. Mr Chairman sa Bidze pou *Registration Division* i ti en Bidze ki an 2021 ti R18milyon. Me nou ekspekte fini 2021 avek R16milyon. Pou 2022 nou'n programm R19milyon pou *Registration Division*. E sa R3milyon ekstra esansyelman 2.3milyon logmantasyon in *wages, goods and services* R495mil.

Wages and salaries ki son logmantasyon i R2.3milyon, ladan i annan en logmantasyon ki vo R750mil pou bann *post* ki ti'n programmen an 2021, me ki ti 'n ganny koupe *mid-year*. Me prezan nou pe programm sa bann *post* pou 2022.

I annan serten lazisteman lo saler R488mil pou 8 *staff lanrezistreman* ki pa ti'n ganny mete dan *forecast* avan. I annan R468mil pou 9 *staff State Land Inventory Project*. Ki pou ganny finanse pou 6mwan Selman an 2022.

Answit i annan en *Assistant Compliance Officer*, en *Registration Officer*, en *Asistan Registration Officer* ki pou arriv R478mil pou 10mwan an 2022.

Alor sa i zistifye sa R2.3milyon logmantasyon dan *wages*.

Goods and services ki li in mont par R495mil premyerman i annan en rediksyon dan *minor capital* akoz zot pe prevwar mwens depans dan *minor capital*. Me en logmantasyon dan *other uses of goods and services* ki R774mil.

E ladan 537 dan 774 i annan pou fer avek sa *digitalisation project* ki ti'n ganny en pe retar and 2021 sa lannen, prensipalman akoz *procurement*. Zot ti'n fer serten *procurement* me finalman sa seleksyon in difisil.

E alor sa sonm in desot pou al dan 2022. Answit i annan en logmantasyon R188mil pou *rent*, pou *state land* proze pou 6 mwan selman.

E R55mil logmantasyon pou *rent Kingsgate House* akoz *Land Registration* pa ti'n ganny sa rediksyon pou 2022 ki Gouvernman ti'n demann bokou bann *landlord* pou donne.

So an gro vwala sa R774mil logmantasyon pou *goods and services* e R2.2milyon ki'n ogmante dan *wages and salaries* ki'n fer en logmantasyon antou preski R3milyon. Mersi Mr Chair.

MR SPEAKER

Mersi. Mon a pran kestyon bann ki'n lev lanmen. Onorab Woodcock.

HON WAVEL WOODCOCK

Mersi Mr Speaker. VP mon kestyon i kot i konsern *Ease of doing Business*. Sirtou *Registration Division* i annan en gran rol pou zwe dan *Ease of Doing Business* Sesel. E sirtou mon konsern i vin lo kote Praslin La Digue, Zil Pros. I annan bokou bann antite Gouvernman lo Zil Pros Praslin ek La Digue ki depan lo *Registration Division* pou zot kapab fer zot travay.

Annefe konsern ki bann zabitan lo zil in fer sorti se ki i annan konstrent pou bann zabitan lo zil pou zot anrezistre biznes. Lakonpannyen ouswa pou fer bann tranzaksyon later. E i annan nesesite pou annan en lofis *Registration Division* baze lo Praslin.

E mon vwar en logmantasyon dan *rent* sorti 185mil pou vin 240mil. E mon konnen i annan serten langazman ki sa biro ti'n fer dan lepase, pou etabli en lofis Praslin. Ki pou fasilit servis pou Pralinwa, bann antite Gouvernman ki bezwen depan lo la.

Akoz i kout en kantite pou zot fer deplasman pou vin

Mahe. Alor eski zot pe fer provizyon dan sa Bidze pou annan en lofis lo Zil Pros lo Praslin ki pou *cater* pou sa? Mersi.

MR SPEAKER

Mersi. Vis-Prezidan.

THE VICE-PRESIDENT MR AHMED AFIF

Mersi bokou Mr Chair. Mr Chair sa ki mon kapab asir Onorab se *Registration Division* pe fer tou sa ki neseser, pou nou kapab ofer en meyer servis avek piblik Seselwa. E sertennman avek ou permision mon a permet Ms Pierre kot *Registration*, Rezistrar Zeneral pou li kapab donn plis leksplikasyon. Mersi Mr Chair.

MR SPEAKER

Mersi. Ms Pierre ou ava azoute.

REGISTRAR GENERAL WENDY PIERRE

Mersi Mr Chair. Mersi Onorab. In regards to Praslin, La Digue parey VP in dir i annan bann demars ki nou'n konmans fer. Par egzanp tanporerman nou pe ganny asiste avek Minister *Land Use*. Kot zot in donn nou en facilite dan zot lespas, bann lofis ki zot annan kot *Pension Fund* Grand Anse Praslin. Ki pe

allow nou – even this year nou'n annan en pe meeting laba.

Malerezman nou pa kapab fer li dan en gran lanpler akoz kestyon lespas. Me selman nou pe kontinyelman avek Gouvernman diskite pou kapab dan le fitir pou nou kapab ganny nou en lofis. Ki pou *Registration Division*.

Me selman pou le moman nou'n annan sa komansman kot par egzant sa lannen *at least* tou le mwan, nou fer li demars ki nou mont Praslin. Pou annan bann *meeting* avek bann groupman oubyen avek bann *meeting one-on-one* avek bann dimoun laba.

Selman nou konpran nou osi en pe letan nou pe *push for that*. E i dan nou plan konmsi pou nou kapab anmenn nou servis pre avek Praslin - La Digue. Mersi.

MR SPEAKER

Mersi Ms Pierre. Onorab Aglae.

HON EGBERT AGLAE

Mersi Mr Speaker. Bonzour VP, AG, Ms Croisee ek *panel*. Mon ti a kontan petet en leklersisman lo zot *way forward* kot i konsern sa bann *current challenges* ki *recurrent* dan diferan Bidze. Nou pe vwar sa i presizeman bann *delays* ki zot

pe gannyen pou bann prosessing.

E osi zot pe mazin al ver *digitalization*. Petet kan eski nou kapab petet vwar en pli gran amelyorasyon? Akoz i annan bokou dimoun ki depan lo sa *Registry Division* ki vwar ki bann prosedir pou serter tranzaksyon i pran sitan bokou letan.

E menm si zot pe *call* apre *call*, zot pa sey ganny bann lenformasyon neseser. Petet VP ki zot pe mazin fer ek sa Bidze pou sey amelyor en pti pe plis? Anmenn plis lefikasite e servis dan li menm? Mersi.

MR SPEAKER

Mersi. Vis-Prezidan.

THE VICE-PRESIDENT MR AHMED AFIF

Mersi Mr Chairman. Mr Chairman sa ki mon konnen se *Registration Division* pe fer tou sa ki i kapab pou kapab *deal* avek sa sityasyon nivo servis. Parey ou konnen pou bokou lannen in reste en biro ki'n vreman pa ti ankor *digitalise*.

Bokou keksoz i ganny fer dan en fason *manual*. Dimoun ti bezwen vin laba menm pou vin rod kopi eksitera. Me petet Ms Pierre i kapab donn en pe plis detay. Sa ki mon konnen in ganny fer pandan sa lannen

ansanm avek *DICT* ek lezot fourniser, se zot in fini met an plas en sistenm pou zot *go online*.

I annan en pe travay pou fer ki reste. Par egzanp *scan* tou bann dokiman ki egziste deza. Parey bann lanrezistreman bann lakonpannyen. *Memorandum and Article* zot bann sertifika, zot bann *returns*. Pa tou keksoz ki'n ganny file.

Me sistenm i la li. Enkli sistenm ki pou permet peyman zot pa ankor fer li vin operasyonnel. Me avek en pti pe plis travay mon espere ki an 2022 sa i a kapab arive. Mon espere ki avek sa devlopman ki'n pran en pe letan fransman. Me mon krwar la nou pou trouv keksoz diferan 2022.

Avek sa Bidze ou konnen i annan en pti logmantasyon anba *goods and services* zisteman pou R537mil pou *digitalization*. Sa pou ede pou anmenn sa lefikasite. Avek ou permisyon Mr Chairman demann Ms Pierre pou donn lezot detay.

MR SPEAKER

Wi Ms Pierre ou kapab azout detay vitman silvouple?

REGISTRAR **GENERAL** **WENDY PIERRE**

Mersi Mr Chair, Onorab. *Ok so as you said* i annan bann challenges ki recurrent. Selman kekfwa mon ti ava zis klarifye osi serten keksoz.

Par egzanp si nou regard parey nou biro i anrezistre konpani, biznes, lasosyasyon, later, bann tranzakssyon later. *When it comes to* – personnelman mon pou dir mon satisfe ler mon regard speed avek ki nou pe anrezistre par egzanp *business name* avek konpani osi.

Akoz ou vini menm zour ou anmenn ou form bann *staff* i travay lo la ou kapab ganny li *within minutes*. Ou fer ou peyman ou ganny ou sertifika tou keksoz. *Which is a great – Mwan mon vwar li en gran improvement* ki *what we have before*.

Ki mon pe sey dir savedir *within minutes the same day* ou ganny ou sertifika biznes e menm ou kapab ganny ou company incorporated. Ou sertifika peye ou kapab gannyen dan ou lanmen menm zour. *Ok?* Mon pou dir most nou challenge liaison when it comes to later.

Ok, later li i annan li en pti pe pli konpleks akoz son bann prosedir i involve bokou bann Lalwa osi. So it is not that

straight forward. Ok? So like VP says enn bann difikilte par egzanp nou heavily paper based. Konmsi nou baze lo bokou bann file ki bezwen ganny handled. So avek sa proze scanning ki pe vini la - nou'n tender by the way - nou dan prosedir la. Ki sipoze konplete 2022.

Nou ekspekte ki tou nou bann file now would be scan. E I pou pli fasil pou staff annan tou sa bann file devan zot, olye pe ale pou al fer sa bann tranzaksyon tir file and all that. Annan ler sa bann file i ganny misplaced. I annan sa bann difikilte letan ou pe deal avek volume of files avek pti git staff. Ok?

Apre en lot challenge ki nou gannyen when it comes to later se ki pare you pou vwar nou annan nou en valuation officer ki i fer en bon 2an nou pe sey recruit. I vreman difisil pou nou ganny dimoun lokalman pou fer sa pou nou.

So we have tried even overseas avek lasistans biro Minister Later. We were part of a panel kot zot ti pe interview dimoun, still nou pa'n sanse pou nou kapab ganny en dimoun.

So ki fer se ki annandler ler dokiman later i vin kot nou transfer sirtou e nou vwar

poudir it is under value, so nou bezwen anvoy – Rezistrar i osi Stamp Duty Commissioner. Nou bezwen fer valuation.

So malerezman ler nou anvoy kot Minister Later nou pa neseserman zot priorite. Ou konpran mwan? Me selman zot sey zot mye avek zot volume travay ki zot annan so sa i ede osi pou kapab – konmsi i kontribye dan sa retar ou kapab dir.

Then staffing of course i reste en issue. Me selman mon kontan ki par egzanp dan sa Bidze la, nou annan bann vacancy ki nou pe sey ranpli. I annan detrwa ladan ki nou'n gannyen ladan nou donn – pending.

So ler nou met tousala ansanm mon reste optimiz ki lannen prosenn nou pou vwar improvement ki tangible. E ki nou – konmsi ki nou publik i kapab eksperyans sa osi. Thank you Mr Chair.

MR SPEAKER

Mersi Ms Pierre. Wi AG i annan en klarifikasyon, wi.

THE ATTORNEY GENERAL

MR FRANK ALLY

Mersi Mr Chairman. Mr Chairman mon konnen poudir konsern bokou manm publik i an relasyon avek

lanrezistreman bann dokiman. E parey Onorab Woodcock in dir parfwa i afekte *the Ease of Doing Business*. E parfwa i donn nou en *rating* en pti pe pli ba.

Bon *Cabinet* in deza aprouv en Prozedlwa pou nou anmann *Stamp Duty Act* kot pou kapab esey aport en pti pe plis souples avek bann dokiman transfer. Sirtou avek later i komans avek en lavant. En dimoun i aste en later e prezan tou bann lezot dokiman i *spring from* sa lavant an term lipotek, an term en *lease* eksatera, eksatera.

So boner lannen prosenn – nou ti anvi anmenn sa lannen me si posib nou fini travay lo la nou pou anmenn sa lannen. Me nou pou pibliy sa lannen, *ok?* Akoz parey mon'n dir *Cabinet* in deza fini donn aprobasyon.

So pou nou kapab parey Ms Pierre in dir pou kapab fer en pti pe pli fasil pou bann dimoun anrezistre zot lavant dan en pli bref dele posib e pey *stamp duty*. E apre si i annan okenn valyasyon ki bezwen ganny fer *then* zot a pey sa diferans, dan en kad legal ki bokou pli striktire. So petet lannen prosenn Lasanble pou kapab konsider sa Prozedlwa. Mersi.

MR SPEAKER

Mersi AG. Onorab Aglae mon annan en kantite Manm pe espere. Si ou annan en pti klarifikasyon silvouple vitman.

HON EGBERT AGLAE

Vitman Mr Speaker. Kestyon pou Ms Croisee non.

MR SPEAKER

Ms Pierre.

HON EGBERT AGLAE

Ms Pierre. Ms Pierre lo size sa *property valuation officer* ou pa krwar poudir sa *package on offer* ki ou vvar ou pa pe ganny dimoun ki anvi vin fer sa. An giz ki bann ki pe fer li *privately* an term pou fer en valyasyon zot pe sarz ou ant R4mil - R5mil. Si i fer detrwa dan en semenn i pe kouver menm sa *package* ki ou pou donn li *monthly?* Mersi.

MR SPEAKER

Ms Pierre reponn sa vitman silvouple. Annou al lo kestyon ki lo Bidze plito ki lo bann fason travay Departman. Yes Ms Pierre.

REGISTRAR GENERAL **WENDY PIERRE**

Mersi Mr Chair. Onorab. Wi-wi anvi ki parey mon pe dir nou pe al lo 2an ki nou, nou pe ganny

sa kalite *challenge* avek sa lapwentman sa *valuation officer*. So definitivman nou pou *go back* mon kapab dir to the *drawing board* pou regarde kwa ki pe anpes sa materialize.

E parey mon'n dir nou pe *liaise* bokou avek Minister Later kot zot annan leksperyans dan sa domenn. E si nou vwar i annan en nesesite pou nou revwar sa *then we will do it*. Akoz nou bezwen sa pozisyon. *Thank you.*

MR SPEAKER

Mersi. Onorab Gill.

HON CHURCHIL GILL

Mersi Mr Chair. Bonzour VP ek delegasyon. Mon kestyion i lo sa pwen anba *challenges* kot in ekrir i annan en "*narrative potential mismanagement and damage of records*." Apre dan *priority* dan menm pwen i met "*reduce the risk of damage of records*."

Mon ti anvi konnen eski i annan potansyel dan *Registrar* ozordi ki i annan serten rikord ki zot pe ganny problem avek? Vi ki zot pa ankor fer sa *digitalization*? Eski sa ou pou dekrir li konman *alarming* ouswa i anba kontrol? Mersi.

MR SPEAKER

Mersi Onorab Gill. Ms Pierre ou a pran sa.

REGISTRAR GENERAL **WENDY PIERRE**

Yes Mr Chair. Mersi Onorab Gill. Wi pou bann dimoun ki'n frekant nou lofis par egzanp – Onorab Georges i konn sa byen. Sirtou bann dokiman, nou apel sa bann dokiman *old land system*. Ok? Bann dokiman ki date bokou, bokou lannen.

Now ou konnen ki fer, lafason ki nou striktire nou lofis la i fer ki dimoun i *actually* - bann kliyan i *handle* sa bann dokiman. I annan en fason pou *handle* sa bann rikord ki of sa bann *quality*. Espesyalman vi ki zot of serten lannen.

So avek pti git *staff* ki nou annan bann publik osi zot konplent. Konmsi zot bezwen ler staff i *available* pou kapab servi zot. Me ki fer i annan sa bann *handling* sa bann rikord ki avek lannen zot in ganny *damage*. E se pour kwa i annan enn nou bann proze ki nou pe fer la ki ti ganny aprouve par Lasamble, *which we call it restoration treatment and scanning of bann old land record*. Ki aktyel i *ongoing* la. I pe arive la.

So ki nou ekspekte ki nou pou annan nou annan en pozisyon - *hopefully in two*

years kot tou sa bann dokiman ki nou apel zot bann dokiman Praslin - La Digue sirtou zot pou *digitalised*. Ki prezan nou pa pou annan dimoun pe *handle* zot akoz zot frazil.

So sa i enn mon kapab dir ou en legzanp tipik of sa risk bann dokiman ganny andomaze. E zot in ganny andomaze *which is why* nou pe tret zot, nou pe *repair* zot e nou pe al *digitised* zot. Mersi.

MR SPEAKER

Mersi. Onorab Henrie.

HON GERVAIS HENRIE

Mersi Mr Chair. Bonzour ankor en fwa tou dimoun. Mr Chair mon premye kestyion i *liaise* direk avek de kestyion mon ti demann sa *panel* boner sa lannen. Premye i konsern transfer propriete Bonne Espoir. E zot ti dir nou ki i Ankour. So *I want an update to know* avek zafer *Cable and Wireless*. So sa ti boner sa lannen, ti Ankour so mon anvi konnen *what is the latest status of this issue?*

Dezyenm i konsern – (wi i lo Bidze akoz reveni ki pou antre dan Bidze. *Ok very good*). Dezyenmman i konsern servis ki biro Rezistrar i donn bann MDAs. E i annan zot ti dir nou

ki pa pe peye. E i pe manz dan zot Bidze akoz zot bezwen *provide* papye tou sa bann zistwar koumsa.

E *Registrar General* ti dir nou zot pe negosye ek Minister Finans ki sa bann antite i bezwen donn zot en keksoz omwen. So mon anvi konnen *what is the status of that diskisyon?*

Mr Speaker lot kestyion letan mon pe get reveni ki pe prozekte pou biro *Registrar General* nou konnen poudir avek lamannman ki nou'n pase dan *Companies Act* avek *Association*, i annan en larzan ki zot pou bezwen peye. Ki annan en moratoryonm lo la pou ziska lannen prosenn.

So be selman mon pa vwar ki mannyer sa in reflekte dan reveni ki pe prevwar pou sa lofis. Alor mon ti ava kontan konnen ki mannyer sa i pou enpakte lo Bidze pou lannen 2022? Mersi.

MR SPEAKER

Mersi. VP ou pran sa kestyion.

THE VICE-PRESIDENT MR AHMED AFIF

Mersi Mr Chair. Avek ou permisyon mon ti a permet *Attorney General* reponn sa premye bout lo *stamp duty*. E answit lo kote papye e lasistans

ki donn lezot Minister e avek lenpak *moratorium* lo bann fees-*registration fees*, mon krwar mon a permet petet swa AG swa Ms Pierre reponn. Mersi Mr Chair.

MR SPEAKER

Silvouple AG wi.

THE ATTORNEY GENERAL

MR FRANK ALLY

Mersi Mr Chairman. Mersi Onorab Henrie. Lo kote Bonne Espoir parey mon krwar ou konnen poudir avek *l'achat* bann par dan *Cable and Wireless* ti annan en *stamp duty* ki ti sipoze ganny peye. E baze lo la Gouvernman ti negosye avek *Cable and Wireless* kot zot ti *give up* a en serten sonm pou 2 propriyete.

E enn sa propriyete sete en parti en later ki deza pe lwe avek *Cable and Wireless* Bonne Espoir. Nou ankor pe atann *Survey Division*, Minister Later pou li kapab finaliz sa *survey*, tonm dakor avek *Cable and Wireless*. E *once this is done then* zot pou anvoy sa *parcel number* kot nou. Zot pou fer lanrezistreman anrezistre sa *parcel number*.

E apre la nou ava fer *surrender sa lease* e a *new lease to Cable and Wireless*. E larestan later pou reste pou

Gouvernman kot Gouvernman i ava kapab servi sa later pou son prop proze. Mersi.

MR SPEAKER

Thank you. Lezot pwen. AG ou pou kontinyen oubyen Ms Pierre?

THE ATTORNEY GENERAL

MR FRANK ALLY

Mon pe dir an ka sa *stamp duty* be *the stamp duty this was paid, the balance of the stamp duty has been paid by Cable and Wireless as far as I know.*

MR SPEAKER

Thank you.

THE ATTORNEY GENERAL

MR FRANK ALLY

Me zis avan petet Ms Pierre i koz lo *issue* papye, ou konnen lanrezistreman tre souvan bann Lotorite Gouvernmantal i bezwen demann *Registry dokiman;- Certificate of official search, Company Documents*. Sa par egzanp si bann *Investigating Authorities*, parey Lapolis, SRC, Biro Attorney Zeneral konman son *Central Authority pour money- Mutual Legal Assistance in Criminal Matters*.

So Gouvernman li menm li i servi en kantite lofis Rezistrar. E pa zis konman en kliyan pou

anrezistre dokiman, me osi pou demann serten dokiman. E tre souvan petet, swa i servi Manm piblik, oubyen i servi Gouvernman.

So i vin en konstrent lo Registrar - General's Office. E mon krwar petet dan plas tir larzan dan en pos, met dan en lot pos e kre en sistenm ase onere pour en Departman oubyen en Lotorite ek en lot Lotorite, petet i meyer ki Bidze Registrar General i ogmante.

Taking into consideration ki i pe donn sa servis sa bann Lotorite Gouvernmantal an term *photocopy*, an term *man manpower, dedicated person* ki pou dil avek sa bann *requests* ki i gannyen sorti kot bann Lotorite gouvernmantal. Mersi.

MR SPEAKER

Mersi. Nou kapab *move on*. Next kestyion? Mrs Pierre ou annan okenn keksoz pou azoute lo sa enn?

REGISTRAR GENERAL **WENDY PIERRE**

Yes Mr Chair, yes. Anyway mon pou pran sa ki Attorney Zeneral in dir. Akoz even mwan menm, lannen pase, sa kestyion ti come up. Nou ti go back e menm avek Minister Hassan avek bi pou ou move away from papye e more towards digitization.

Nou menm nou, nou ti *liaise* avek bann antite, bann MDAs e menm bann *investigative bodies*. *Basically like AG says*, nou dir ok; nou a donn zot scanned copies but they still stress on the need to have those physical copies.

So like AG i fer, si nou kapab vwar en fason in propoze, si nou vwar en fason ki nou kapab ogmant Bidze dan sa sans. Pou nou kapab kouver lo kote nou bann stationary and printing, mon krwar sa pou vreman go towards helping us out a lot.

Apre konsernan sa ki Onorab Henrie in dir lo sa *moratorium*. Yes Onorab nou'n pran sa an konsiderasyon. Akoz as much as possible akoz baze lo leksperyans ki nou vwar nou bann *receipts* pour sa lannen, nou'n sey nou mye pou nou reste en pti pe konservativ.

Lefe ki par egzant pou la menm rezon ki nou annan sa *moratorium*, which therefore means ki bann *penalty fee* pa pou ganny anmase. So this is purely therefore bann registration fees ki pou ganny anmase as of July 2022. So sa ki nou'n prevwar, mon panse i rezonnab. Bearing in mind tousala. Mersi.

MR SPEAKER

Mersi. Onorab Henrie tre vitman silvouple. Mon annan lezot Manm pe atann.

HON GERVAIS HENRIE

Wi. Mr Speaker mon note larepons ki AG in donn nou konsernan Bonne Espoir. E zis pou rapel Lasanble ki nou ti fer diskisyon avek sa *panel* le 25 Fevriye 2021.

E si *Survey* pa ankor *move* lo la tou sa bann letan *this is not acceptable!* Akoz i en propriete ki Leta i bezwen. So i ti merit vin en proze nasyonal ki'n annan en lirzans pou dil avek. So nou le zis anrezistre sa.

E dezyenmman lo zafer *printing, stationary and publication*, mon war ki pour alokasyon *Registrar General* i reste konsistan pour 2021 ziska 2024.

So lannen prosenn savedir nou ekspekte e logmantasyon ladan, pour ki i *cater* pour depans ki bann lezot antite i met lo li. Mersi.

MR SPEAKER

Mersi. Nou a pas lo Onorab John Hoareau.

HON JOHN HOAREAU

Mersi Mr Speaker. Mon le fer referans avek latab 2 *current receipts*. I annan en bes dan lakantite reveni ki zot in

anmase. An prensip, mon pe gete preski bann reveni ki baze avek *stamp duties*.

E mon krwar ki *Attorney Zeneral* in donn nou en pti pe detay lo ki zot anvi fer pou fer sir ki zot anmas sa bann larzan apartir lannen prosenn. So mon satisfe avek larepons. Mersi.

MR SPEAKER

Mersi. Savedir nou pa bezwen adres sa ankor la, nou ok. Onorab Labrosse.

HON RICHARD LABROSSE

Mersi Mr Speaker. Bonzour Vis-Prezidan, bonzour Madam Pierre, bonzour AG e bonzour Ms Tamatave. Bonzour tou koleg e bonzour tou dimoun ki a lekout. Wi Ms Tamatave i nou bann dimoun entelizan sorti Plaisance. Mersi Onorab Arissol pou fer mwan-

MR SPEAKER

Ou kestyon Onorab.

HON RICHARD LABROSSE

Mr Speaker mon kestyon i pour Madam Pierre. Mon'n remarke dan lepase zot ti pe ganny en pe *challenges* pour zot *recruit* sirtou dan *Compliance*. Mon ti a kontan kekfwa si zot ti avadan sa Bidze la, si i annan keksoz ki pou kapab rezourd sa.

Apre an briyevman, si ou ti kapab dir nou kwa ki ti pe fer zot ganny sa bann *challenges*, e ki bann keksoz ki ou'n travay lo la pou zot amelyore? *Thank you.*

MR SPEAKER

Mersi. *VP?* Nou a pas avek Ms Pierre, wi.

REGISTRAR GENERAL **WENDY PIERRE**

Mersi Mr Chair. Onorab Labrosse. *Okay, so yes compliance i enn bann achievements mon pou dir personnelman se sa Letablisman Compliance Unit within the Registration Division ki ti napa avan.*

As you have rightly said, nou'n ganny en pe challenges pou nou actually recruit. E menm ler nou recruit pou retain zot. Akoz mon kapab dir osi la, sa lannen menm apre ki nou'n annan bann staff ki'n travay avek nou, nou'n train zot pou 2an plus.

Suddenly ou tande zot pe ganny pran par bann antite parey Central Bank, FSA i konmans atrakte zot. E sa bann antite ki i ofer zot- pa zis anmenn sa saler ki nou donnen be bann lezot incentives over and above ki nou, nou pa kapab compete avek.

So definitivman sa i en konsern ki menm a nivo- akoz *compliance basically* i en topik ki nou diskit en kantite a nivo *the year National AML Committee- CFT*, pour sanmenm sa bann rezon.

E nou'n mete sa bann konsern lo latab kot antre nou, nou sipoze pe regard sa. E menm si Gouvernman, *why not consider* sa bann kad zofisyé dan en kategori pour zot menm konmsi, ki *at least* ou kapab atrakte zot *in the first place*, kapab apwent zot e kapab *retain* zot osi.

So i ti en *challenge* pour mwan, e i en *ongoing challenge*, akoz parey mon'n mansyonnen nou'n *train* sa bann dimoun. E definitivman bann lezot antite ki depan lo nou, akoz i enportan konn bann dokiman ki nou anrezistre, prosedir ki nou anrezistre.

Sa bann *knowledge* atraver leksperyans ki zot in gannyen. So sa bann dimoun i vin *attractive* an term ganny pran par bann lezot antite e menm dan prive osi. *Ok?*

So i en *challenge* ki mon panse nou ankor- parey mon'n mansyonnen avan, nou pe regard ladan. Akoz menm nou *Scheme of Service* i baze fortman lo annan sa *legal background*. Akoz nou tonm

anba Biro *The Legal Affairs Department.*

So ou demann ou en Degre dan Lalwa, ou demann ou en *Diploma* dan Lalwa, *Advance Diploma* dan Lalwa. *Usually* bann staffki vini, zot vini ek zot Degre be selman i pa dan Lalwa. So sa ankor i en lot laspe ki mon'n diskit avek *Attorney Zeneral* lo la.

Akoz sa konsern ki mon'n *share* avek li. E pour lannen prosenn nou pou pe asize pou nou refer legzersis, pou nou kapab revwar nou *Scheme of Service*, nou bann dimoun e pouse pou- parey mon pe dir. Nou bezwen *Compliance Officer* pou tou sa ki pe arive otour nou la an term devlopman.

E *why not* met zot dan en kategori dan zot menm, ki fer ki ler nou ganny sa bann dimoun nou kapab osi retenir zot osi dan nou lenstitisyon. Mersi.

MR SPEAKER

Mersi. Onorab Labrosse, wi.

HON RICHARD LABROSSE

Mr Speaker wi, zis en pti rekomandasyon vi ki Vis-Prezidan i la ozordi parey Madam Pierre in dir. *Actually* parey nou pe gete, lemonn mannyer pe vire. *Actually* nou pe koz lo *Money Laundering* sirtou. Rezistrar i en

Departman ki li menm li i anrezistre bokou lakonpannyen, bokou bann NGOs parey nou dir. Bann lasosyasyon. E mon krwar Gouvernman zot ti kapab met sa konman bann priyorite ler zot pe fer zot bann diskisyon. Mersi.

MR SPEAKER

Mersi Onorab Labrosse. Byen, prezan nou kapab pran vot lo *Department of Legal Affairs*, ki lo paz 20 ziskan 31 pou e total R133milyon 993mil. Manm ki an faver lev lanmen silvouple? Mersi. Tou Manm in vote.

Vot lo *Department of Legal Affairs* lo paz 20 ziskan 31 pou en Bidze R133milyon 993mil. 31 Manm in vot pour, 0 kont e 0 abstansyon. Bidze in aprouve.

OFFICE OF THE CURATOR

MR SPEAKER

Prezan, panel, eski i korek ki nou regard *Office of the Curator* letan AG i la? Onorab Henrie in dir i annan en kestyon.

Eski panel i annan en mo lentrodiksyon lo sa laliny la? E mon a zis dir *Office of the Curator* son Bidze i lo paz 117

eskan 118, pour en total R6milyon 95mil.

THE VICE-PRESIDENT AHMED AFIF

Mersi bokou Mr Chair. Mr Chair, biro *Office Curator* i enn ki novo dan lesans ki sa biro, provizyon ti ganny fer anba *Curatel Act 2021* ki ti pase sa lannen. E ki fer provizyon pou annan en *Curator*.

E en *Curator* esansyelman son travay se protez lentere bann dimoun ki- nou apel sa bann *absentees*, bann dimoun ki propriete konzwent. E zot vreman sirvey bann drwa siksesyon.

Sa *Curator* li, i apwent, i gid, i superviz bann egzekiter dan zot fonksyon. I asire ki bann *Vacant Estates* ek bann propriete ki zot apel sa *Property of Absentees*, i ganny administre korekteman.

I apwent e i swiv travay bann Zidisyer dan zot bann diferan responsabilite. I fer bann partisyon, i vann bann propriete ki bann konzwent- i fer sir ki i annan lagreman ant sa bann diferan proprieter.

Ti en pti pe sa travay ki sa *Curator* ki nou'n kree anba *Curatal Act 2021* sipoze fer. Dan le pase, sa travay ti ganny fer ant Biro Rezistrar Zeneral. Annefe, Rezistrar Zeneral ki ti

fer bokou sa travay, e lezot morso sa bann travay ti ganny fer Ankour, parey par bann Ziz ki ti pran serten desizyon ki par serten zizman ki ti fer sa. Me i ti napa en landrwa santralize.

Alor bi sa Bidze se vreman pour etabli en *Curator*, biro en *Curator*. E alor i fer provizyon pour son lapwentman. I pou annan en *Master*, e nou nou'n fer provizyon ki pou annan en *Law Clerk*, en *Court Interpreter*, en *Orderly Process Server*, en dimoun dan ladministrasyon *housekeeper*.

Bidze ki nou'n fer provizyon pour li dan sa Bidze 2022. Alor nou napa en konparezon an 2021 parske pa ti egziste. Se R6.1milyon. R2milyon ladan i pour *wages and salaries*.

E R4milyon i pour *goods and services*. Sa R2milyon i prensipalman pour *Curator*, *Master*, *Law Clerk*, *Court Orderly Process Server* ek en *Senior Admin Officer*. Anba *goods and services*, ki i annan environ R4milyon.

Pli gro porsyon ladan i dan minor R2milyon ladan, i pour *minor capital outlays*. E ladan i annan akizisyon en loto- well, en loto R1.6 provizyon pou annan 2 lezot transpor pour *Curator* ek *Master*.

En pe lekipman *IT* R120mil. E sa i pou depan lo kantite *staff* ki annan. En pe lekipman pour *printing*, R45mil. E R118 pour en pe meb- sez, latab eksetera.

Anba *goods and services*, ti annan *rent* R840mil, sekirite and *enforcements* R50mil, e lasirans pour veikil, *license fees* R15mil. E vwala en pti pe an gro Mr Speaker kot nou'n ganny sa Bidze e ki fason nou'n fer li parske nou pa ankor fini avek apwentman *Curator* eksetera.

Se provizyon ki'n ganny fer dan Bidze. I annan en posibilite ki nou pou bezwen mwens larzan ki sa, me nou prefere fer en provizyon R6 milyon ki a kouver *wages* avek *goods and services*.

Nou krwar sertennman, avek sa nou pa pou bezwen vin kot Lasanble Nasyonal pou demann okenn Bidze adisyonnell. I zis en provizyon ki nou'n fer, antretan ki nou pe fer le neseser pou nou etabli sa biro, *recruit* sa *Curator* ek sa *Master* avek son *staff*. E li, akoz i annan en Bidze, i a fer provizyon pou li *recruit* son bann *staff*. Vwala en pti pe an gro Mr Chair.

MR SPEAKER

Mersi Vis-Prezidan. Ou kestyon i ankor la Onorab Henrie?

HON GERVAIS HENRIE

Wi i ankor la Mr Chair. Par lefet ki VP in reponn en pe sa ki mon ti pe antisipe, se ki, lefet ki i nouvo. Mwan mon pe get li an konparezon avek bann lezot *constitutional bodies* ki deza egziste par egzanp *Ombudsman* ouswa *Public Service Appeals Board*. Son Bidze li *Curator* i lwen avek zot.

Parski zot pe zwe apepre 1.1, be li i vin 6. So ki kalite saler par egzanp zot pe mazin sa bann dimoun pou resevwar ki fer ki nou a kapab agree pou dir be *ok*, mon krwar nou konpran kot zot pe vini. Mersi.

MR SPEAKER

Mersi Onorab. Wi Vis-Prezidan.

THE VICE-PRESIDENT

AHMED AFIF

Mersi Mr Chair, avek ou permision mon a demann *Attorney General* pour donn plis detay lo la.

MR SPEAKER

Yes AG.

THE ATTORNEY GENERAL

MR FRANK ALLY

Mersi Mr Chairman. Mersi Onorab Henrie. Bon, ler Lasanble ti pas *Curatel Bill*, ti annan en provizyon ki dir ki

Curator i pou ganny menm saler, menm gratwite, menm allowances ki en *Master of the Supreme Court*.

E dan lenterim, se *Master* ki pou desarz responsabilite *Curator*. Akoz? Nou ti santi pou dir nou ti bezwen *Curatel Act* konmans operasyon o moman ki *Civil Code* ti kommanse le 1 Zilyet.

So nou ti annan sa *contingency plan* si mon kapab dir, pour ki fonksyon i ganny egzerse. So sa enn rezon akoz.

Me, parey Vis-Prezidan in dir, nou pou bezwen revwar Bidze *as we go along*, akoz i nouveau. Ki Gouvernman i anvi, se ki i ganny sa Bidze, i etabli lofis *Curator*.

Evantyelman ler sa *Curator* i ganny apwente, i kapab antre dan en lofis. Konmsi nou pa anvi en sityasyon kot nou apwent *Curator*, prezan li i bezwen ale li menm li, i napa en lofis. I bezwen rod en lofis, i bezwen rod travayer. Parey mwan ler mon ti vin *Attorney Zeneral*. Ler mon antre, mon antre dan en lofis avek mon *staff*.

So mon pa vin la pou mwan al *recruit staff*. This is *why* i annan sa Bidze, e sa ki pou ganny fer. I annan 1-2 bann pti keksoz dan sa Bidze ki *due to* nouveau fonksyon *Curator*.

In annan 1-2 pti konfizyon akoz i en nouveau lofis. E i pe fer diferan fonksyon.

I pran fonksyon *Curator of Vacant Estate* ki ti pe ganny egzerse par Rezistrar Zeneral. I pran fonksyon Lakour Siprenm an relasyon avek lapwentman Egzekiter.

Me i ganny bann nouveau fonksyon an term, pou li *wind up* en siksesyon. Pou li siperviz bann Egzekiter e bann Zidisyer. E sa i bann nouveau fonksyon. E alor i annan bann serten keksoz ki pou arive.

Anfet ou korek, akoz ler mwan mon ti koz avek Finans, nou bezwen gete ki mannyer *PSAB* in *operate*. Me i kapab ki *PSAB* fason ki in *operate*, avek en Bidze ase ba, i pa vedir ki in *operate* dan en fason efektif. So nou bezwen arive lo en bon- pou nou kapab fer li vin en lofis ki bokou pli fonksyonnel, e bokou pli *efficient*.

E alor i pou bezwen annan serten bann dimoun ki pou kapab travay avek li. Petet i pa pou *act* konman en Lakour, akoz nou'n tir apwentman Egzekiter dan en Lakour- *from a court*. Nou pa anvi remet li en Lakour. Petet nou a fer li dan en *conference room*, kot bann dimoun i vini e fer li bokou mwen entimidant.

Parler dimoun i vin Ankour, i ganny entimide par *setup* Lakour. Me la petet nou anvi ki ler bann dimoun i annan son Egzekiter pou ganny apwente, I fer li dan en latmosfer diferan. So it's a new office, e nou ti a kontan petet ki i- parey mon'n dir, i vin bokou pli efficient. Thank you.

MR SPEAKER

Mersi. Onorab Cosgrow.

HON WALLACE COSGROW

Mersi Mr Chair. Mr Chair, en pti kestyon an zeneral lo sa Bidze. Parey nou konnen boner sa lannen, Lasamble ti aprouv *the Curatel Act*.

E la I annan en provizyon dan Bidze pour en *Office of the Curator*. Mon ti a kontan AG i dir nou en pti pe, ki benefis an relasyon avek sa Bidze, ki *having an office* pour ozordi-akoz ou konnen serten sa bann fonksyon parey in ganny dir, ti pe fer avek serten lorganizasyon gouvernmantal. Ki benefis AG pe anvizaze anmennen, petet an term finansyel, pour Departman Legal li menm dan pei.

Finansyel ouswa lezot benefis i kapab anmennen. Ouswa si sa i zis pirman en *public service* ki nou pa kapab escape. Ler mon dir *escape*

meaning; konmsi i en servis piblik ki nou bezwen annan e ki enportan pou nou evolisyon pou annan, e ki pou napa okenn gran benefis finansyel ouswa benefis administratif of that sort. Si ou kapab eksplik nou en pti pe. Mersi.

MR SPEAKER

Mersi Onorab. AG.

THE ATTORNEY GENERAL **MR FRANK ALLY**

Mersi Mr Chairman. Mersi Onorab Cosgrow. Mon krwar ou'n *more or less* reponn. I en servis piblik ki Gouvernman pe anmennen. Nou'n koz bokou - bann dimoun in koz lo zot fristrasyon avek zot later zeritye. I en keksoz ki partou atraver lemonn.

Me selman ler Komite *Civil Code*- parey ti ganny dir dan ladres *the Minister in charge of this Bill*, se ki ti anvi anmenn en pti pe- moderniz en pti pe fason ki mannyer ladministrasyon bann siksesyon i ganny fer. So i en *public service*.

Mon pa kapab dir ou a sa staz si nou pou kapab fer li vin profitab. Me in ganny met ansanm avek *Curator of Vacant Estate*. E la ler i annan bann dimoun ki pandan bann *estate* ki vakan- zot mor, zot napa

zeritye, zot kit pei, bann dimoun absante.

Kot la *Curator* i kapab pli *l'eau qui vive* pou li kapab *identify* sa bann *estate* ki *vacant oubyen bann absentee owners*, e *take those estates* e administre zot petet pou en fen, pou zot kapab ganny serten benefis.

So, sa i bann *areas* kot nou kapab ganny en pti pe larzan. Apwentman Egzekiter i annan bann *fees* ki pou ganny sarze. So sa osi pou anmenn en pti pe larzan. Me i parey en pe Ankour, kot zot annan en reveni, me selman petet zot depans i pou bokou plis ki sa reveni. Mersi.

MR SPEAKER

Mersi. Onorab pillay.

HON SEBASTIEN PILLAY

Mersi Mr Chairman. Mr Chairman ler nou regard Lalwa ki nou ti pase, e Onorab Henrie in frot obor sa kestyon. Me petet i pa ti ganny sans revisit Lalwa avan i pas son kestyon. Provizyon ki Lalwa i fer se ki currently la se *Master of the Supreme Court*.

E *Master of the Supreme Court* ki pe fer louvraz *Curator*. Nou korek la. So which means ki until Gouvernman i apwent en *Curator* atraver CAA, napa

en *Curator*. Akoz Prezidan anba sa Lalwa, i annan pouwwar pou fer *Master of the Supreme Court* fer sa.

E kestyon ki Onorab ti pe demande se, be si ou annan en Bidze kot ou pe pey en saler, e ou pa ankor apwent *Curator*, lekel ki pe ganny sa saler? Eski i annan en *allowance* an plis ki en *Master Lakour* pe gannyen? Oubyen i pe fer sa louvraz?

Akoz ou'n dir la i pe pran fonksyon ki ti kot Rezistrar, e kot Lakour, e in anmenn ansanm. So i pe ganny peye en sel saler pour le moman oubyen i pe ganny en lot *allowance* an plis? Premyerman sa i premye kestyon.

Dezyenmman pou pran kestyon Onorab Cosgrow ki nou pe sey ganny en konpran la in terms of efikasite. Ler sa 2 lofis ti pe fer sa, nou ti pe *save R840 mil*. Akoz nou pa ti bezwen en lofis pou fer sa akoz Lakour i annan en landrwa, Rezistrar i annan en landrwa.

La ozordi nou'n met tou le de ansanm e i pe kout nou R840mil pour nou kapab aprezan annan en lofis an plis, zis pou kapab fer sa fonksyon.

So reasir nou, how busy eski sa *Curator* pou ete going forward, pour ki pou annan sa kantite travay ki pou zistifye ki nou pe al donn li en saler ki

according to Curatel Act, i menm saler ki en Master of the Supreme Court- e ki en saler tre eleve, ki en fonksyonner i gannyen?

Akoz la i pe ganny en stati ki ou a dir en stati konstitisyonnel akoz se CAA ki pe apwent li anba son Lalwa ki'n ganny pase devan Lasanble. Mersi Mr Chairman.

MR SPEAKER

Mersi. AG ki pou reponn.

THE ATTORNEY GENERAL

MR FRANK ALLY

Mersi Mr Chairman. Mersi Onorab *Leader Lopozisyon*. E mon krwar mon bezwen admet ki i paret ki i annan en *duplication* dan Bidze. Kot in met *Master* apre in met *Curator*. I sipoze annan zis *Curator*.

Master i desarz fonksyon Curator a en moman kot Curator i absan. Oubyen pending the appointment of the Curator. Si ou pou get seksyon 41, kot i dir poudir; "until the appointment of the Curator, the Master of the Court shall discharge the function of the Curator. And a Master" ki "exercise the function of the Curator shall receive such allowances as the President may determine."

Anfet, mon'n koz avek Finans pou nou kapab determin en *allowance for the Master whilst the Master exercises the functions of the Curator*. Me selman, lo Bidze pou annan en saler pou *Curator*. So i kapab ki in annan en *oversight* an lizan sa Lalwa. Lo ou lot kestyon- mon pa'n sezi...

MR SPEAKER

Kestyon sete, eski i volapenn annan sa biro? Korek?

HON SEBASTIEN PILLAY

Mr Chairman mon pa'n vreman- mon pa dir si i volapenn annan sa biro. Mon pe demann li *how busy* eski sa lofis *Curator* pou ete, *given* ki ti deza annan 2 lofis pe fer sa fonksyon. Nou pe al pey R840 mil.

E parey Onorab Henrie in *raise, rightly so se ki ou pey en saler prez anba en lot account code* ki pou via en *allowance* anba Zidisyer, ki pou mwan, i *highly irregular*.

Akoz par egzanp si mon en Manm Lasanble, mon fer en fonksyon, mon pa kapab met 2 charge lo *Consolidated Fund*. So eski ou kapab klarifye ki kalite mekanizm oubyen ...?

MR SPEAKER

AG ou a donn en dernyen leksplikasyon silvouple.

THE ATTORNEY GENERAL MR FRANK ALLY

Mersi Mr Chairman. Bon, nou pe al dan en novo direksyon Onorab *Leader Lopozisyon*. E sa direksyon se *avoid* bann siksesyon ki reste ouver pou plis ki 2an. Sesel i annan bann siksesyon ki'n ouver. I ankor la 20an apre, 30an apre.

So ou bezwen *wind up* en siksesyon. E i anmenn en fristrasyon parmi bann dimoun, bann zeritye, bann dimoun ki ganny bann byen par bann testaman. Akoz sa Egzekiter zanmen i kapab *wind up* sa siksesyon. Egzekiter pa *supervise*.

E prezan parfwa i annan bann kreansye ki zot osi zot soufer. So i en novo direksyon mon krwar avek Biro *Curator*. Mon konfidan ki i pou en *busy office*. I pou apwent Egzekiter. Me en lot *issue* se ki, *Curatel Office* pa pe ganny *operate* parey i sipoze ganny *operate*. Parey mon dir zot bezwen *l'eau qui vive* zot.

Eski i annan en dimoun ki absan? Konbyen letan i absan? Ki nou fer ek son propriyete? Eskti nou administre? Eskti nou lwe? Eskti nou vann? Bann keksoz koumsa.

So *Curator* i pou menm al dan bann sityasyon kot i kapab sezi lakour, pou fer bann dispozisyon, bann propriyete ki ankor propriyete.

So i en novo lofis. I annan bann novo fonksyon. I annan bann fonksyon *mixed*. E ki- *given the right person as Curator* ki ganny apwente, mon konfidan poudir i pou en lofis ki pou ganny servi par Manm piblik.

E evantyelman, *you never know*, i kapab redwir en pti pe sa kou- akoz la i pou bann aksyon plito komersyal. Well, pa komersyal me selman avek en bi kot sa bann dimoun pou ganny larzan. Zot pou diviz zot propriyete, zot pou apwent bann Egzekiter. E petet i pou annan bann *fees* ki pou bezwen peye. Mersi.

MR SPEAKER

Mersi AG. *LGB* ou'n lev lanmen? Nou a fer en dernyen pwen silvouple.

HON BERNARD GEORGES

Mersi Mr Chair. Mon pa ti pou entervenir me mon krwar sa deba o size *Curator* i demann mwan- an tan ki en Manm lo *Civil Code Revision Committee* ki ti propoz sa lofis. Tou sa ki *Attorney Zeneral* in dir i vre.

Mon krwar i pou en lofis vreman, vreman *busy*. Me mon ti a kontan zis dir 2 keksoz pou sitye nou en pti pe dan sa konteks.

Premyerman, *the Curator of Vacant Estates* konmela, i en job ki ganny donnen a en zofisyen ki annan bokou lezot atribisyon, bokou lezot travay ki bokou pli enportan.

I pa kapab en sel dimoun donn son letan avek travay *Curator of Vacant Estates*. E mon krwar sa se enn bann keksoz ki nou'n vvar.

Dezyenmman, nou pa pe envant larou. Dan preske tou bann pei *Commonwealth* i annan en lofis ki apel *The Public Trustee Office* ki superviz deroulman bann travay siksesyon. E nou, sa ki nou pe fer, nou pe swiv dan sa menm lanir.

Me trwazyenmman Mr Speaker- e sa mon krwar pou reponn en pti pe konsern *Leader Lopozisyon*, ou pe fer *savings* dan en lot landrwa. Akoz konmela i annan en *Master of the Supreme Court* ki preske tou sa ki i fer, depi Lendi bomaten 8am ziska Vandredi 4pm se apwent Egzekiter.

Donk, en *Master of the Supreme Court* i devret pe desarz lezot travay Zidisyer. E mon krwar i pou liber sa *Master*

pou li kapab fer bann lezot travay Zidisyer, e ed Zidisyer ek son *backlog*. E se pour sa rezon, ki mon krwar nou'n anmenn sa *Curatel Act* e son Bidze la ozordi. Mersi Mr Speaker.

MR SPEAKER

Mersi. Avek sa nou a pran vot lo sa *item*. *Office of the Curator* ki lo paz 117 ek 118 pour en total R6milyon 85mil. Manm ki an faver lev lanmen silvouple. Mersi. Manm ki kont? Vot lo Bidze pou *Office of the Curator* pages 117 to 118 pour total R6 milyon 85mil, 21 Manm i vot pour, 0 kont, 10 Manm in *abstain*.

Alor sa *item* in aprouve par Lasanble dan Bidze. Bon, be nou pou pran poz la, nou pou repran 2pm pou ekout *Department of Defence*, e apre sa *Department of Information, Communication and Technology*. Mersi. Nou a pran poz.

(BREAK)

DEPARTMENT OF DEFENCE

MR SPEAKER

Bonn apre midi, tou dimoun. E bonn apre midi bann zofisyen ki deza la avek nou. Madanm rapporter nou a fer antre lot

delegasyon pou *Department of Defence*.

Bonn apre midi e byenveni bann zofisyé ki'n zwenn nou. Brigadye Michael Rosette *Chief of Defence Forces*. Colonel Simon Dine, *Chief of Staff* e Mr Paul Dupres, *accountant*.

Zot in zwenn nou pou nou pran Bidze *Department of Defence* lo paz 32 ziska 37 pour en sonm 355 milyon R970mil. Nou a konmans avek lントroïdiksyon. Brigadye ou pare pour sa? Silvouple, ou annan la parol.

CDF BRIGADIER MICHAEL ROSETTE

Mersi Mr Chair, e bonn apre midi Mr Chair e tou bann Manm Onorab, e tou bann oditer ki pe ekout nou apre midi.

Mr Speaker, mon ti a kontan zis konmans lントroïdiksyon pour Lafors Defans Sesel zis dir ki sel Lafors Militer ki permet anba konstitisyon pou defann souvrennte e teritwar Sesel.

E Departman Defans, son Bidze i lo paz 32 lo zot liv. E zot a vwar ki konpare avek 2021, total Bidze ki Lasanble pe ganny demande pou aprouve i R355.9milyon.

Aktyelman i en rediksyon R235milyon ler ou konpar li

avek Bidze Revize pou 2021 ki ti R591milyon. An 2021, Militer ti pran en nouveau bato patrol ki ti ganny donnent konman en Grant avek Gouvernman L'Inde.

Sa bato in ganny finanse anba '*capital expenditure*' pour 2021. E sa bato, son kou ti R340.2milyon. Bidze Militer, *wages and salaries* in monte sorti R174.3milyon, in mont R175.1milyon. En logmantasyon 736mil.

Sa prensipalman i pou kouver lapey bann travayer teknik spesyalize ki *Coast Guard* pou bezwen rode pou konmans ranplas bann travayer avek sa konpannyen *Avantgarde*- en konpannyen ki ti pe fer bann reparasyon bann bato.

Osi i annan en rediksyon dan peyman gratwite sorti R21.4milyon pou vin R19.1milyon, ki 2.3milyon an mwens. *Salaries in kind* in osi monte par 1.8milyon, e sa pe fer provizyon lozman pour bann travayer teknik spesyalize ki pou ranplas sa bann travayer ki ti pe travay ek konpannyen *Avantgarde*.

Konsernan *use of goods and services*, li in monte sorti 129.7milyon, pou vin 131.6milyon. E diferans 1.9 milyon an plis. Pli gro ogmantasyon anba *use of goods*

and services, i ‘maintenance and repair’ ki prensipalman pour avyon ek bato.

Pli gro rediksyon, i anba group *minor capital*. Ki ler kontra *Avantgarde* i pou terminen dan okour premye kar lannen. Si nou get *current expenditure* pour Departman, sa Bidze napa gran diferans ant lannen presedan.

Me Militer pou kontinyelman fer son travay, e i pou annan plis lanfaz dan sa Bidze lo bann travay pou protez nou teritwar. Sirtou nou bann teritwar maritim. Mr Speaker mersi pou mon lentrodiksyon.

MR SPEAKER

Mersi. Onorab mon a pran 1-2 non, en pti moman nou a konmanse. Byen, Onorab Esparon ou kapab konmanse.

HON REGINA ESPARON

Mersi Mr Speaker. Bonn apre midi tou dimoun a lekout. Mr Speaker mon ti pe rod en klarifikasyon lo bann detay la. Kot *housing*, mon vvar i annan en logmantasyon sorti 2milyon 300mil pou vin 4milyon 187 mil.

En pti leksplikasyon akoz sa logmantasyon, anba *housing*. Epi pli ba, anba menm *heads*, kot i met ‘*wages and salaries in kind*’ la, lo kote

‘*meals*’ mon war napa okenn alokasyon. Mon konnen pou dir dan le pase, ti annan en provizyon pou zot- zot ti pe *cater out* avan pou ‘*meals*’.

Epi ti annan provizyon pou zot fer zot prop demars lo kestyon manze. Pou zot fer zot lakwizin pou zot menm, pou zot kapab *cater* pou *meal*. Mon ti zis anvi en klarifikasyon, si sa in le ka, oubyen si sa zafer *meal* i tonm anba en lot *head*. Pou eksplike anba ki *head* i pe tonbe. Mersi.

MR SPEAKER

Mersi Onorab. Brigadye.

CDF BRIGADIER MICHAEL ROSETTE

Mersi Mr Speaker, mersi Onorab pour ou kestyon. Mon ava reponn an parsyelman, epi mon a les Mr Dupres pas lo sa bout konsernan *housing*. An se ki konsern *housing*, se nou annan bann ekspatriye ki deza pe travay pour nou, ki nou ti pe pey zot bann *housing*.

E parey mon’n fer resorti, nou pou rod ankor bann nouveau ekspatriye en pe, pou kapab ranplas en pe sa konpannyen *Avantgarde*.

E nou pe prevwar ki zot osi zot pou bezwen lozman. Alors nou pou bezwen *provide* zot avek lozman pou kapab *cater*

pour sa. Se sa ki nou'n fer en logmantasyon ladan.

An se ki konsern manze. Manze parey mon ti fer sorti lannen pase ki nou konmans fer marse nou lakwizin *Coast Guard*. E lakwizin *Coast Guard* i operasyonnel. I pe marse. I pe *provide* manze pour *Coast Guard*, pour *Headquarters*. Bann lezot limite, i annan Barbarons avek Legzil ki zot pe *cater*. Barbarons zot pe prodwir son prop manze, son lakwizin pe marse.

Zis *Airforce* ki pe pran manze avek en *caterer outside*. Tou larestan pe ganny *cater* par lakwizin *Coast Guard* enkli Lakademi Ladefans. Petet Mr Dupres si i ti annan pour azoute konsernan bann lezot *meals* avek *wages* lo la.

MR SPEAKER

I vre ou kapab azoute – wi?

ACCOUNTANT PAUL DUPRES

Mr Speaker sa ki Brigadye in dir in mank zis en bout. Se ki *Security Unit Special Forces*, zot osi zot ganny manze dan lakwizin *Coast Guard*. Parey in dir, zis *Airforce* ki annan en *caterer* ki pe donn li manze. E Barbarons osi i annan son prop lakwizin.

E nou'n remarke osi ki nou'n fer gran *savings* lo rasyon

osi, ki nou pe peye depi ler nou'n konmans nou lakwizin. Mersi.

MR SPEAKER

Klarifikasiyon Onorab?

HON REGINA ESPARON

Mersi Mr Speaker. Mr Speaker mon ti pe zis klarifye; an vi ki anba sa *heads* la napa okenn alokasyon, konbyen alokasyon i annan pou kote manze?

E anba ki *head* i pe tonbe, parske la letan nou pe regarde dan latab detay, napa okenn alokasyon. Ni lannen pase, ni sa lannen. E napa konbyen sonm ki zot pe depanse lo manze. E anvi ki zot pe absorb li sa ...

MR SPEAKER

Kekfwa Mr Dupres i kapab klarifye li kote.

ACCOUNTANT PAUL DUPRES

Mersi Mr Speaker. Onorab, manze i tonm anba '*food and ration*.' Sak program i annan son '*food and ration*.' Ou pa pou vwar lo sa latab be selman i an detay dan *lined items*. *Food and ration* I tonm anba *other supplies*- '*food and ration supplies*'- 4.6. Sa pou ed pou programm 1. Programm 2 osi i annan pour li. 1. ... li osi i annan pour li. E lezot osi an

desann. I tonm anba ‘*Material and supplies.*’ Mersi.

MR SPEAKER

Thank you Mr Dupres. Nou a pas lo Onorab Aglae.

HON EGBERT AGLAE

Mersi Mr Speaker. Bonn apre midi *panel*. Premye kestyon, nou konnen pou dir ti annan bann demann ki Lafors Defans in antre dan bann *cross-cutting exercise* pou koup en pe Bidze.

E mon ti a kontan petet demann Brigadye li menm li, *as at now*, sirtou kot i konsern bann *rentals, fuel, uniform, meals*. Eski zot in kapab fer sa legzersis apropriye?

E dezyenmman, mon pe war, parey dan *fuel* osi, dan *maintenance*, 43milyon.

E sa lannen i annan zis 33 milyon- mon war apepre 10 milyon ki’n ganny koupe. Petet si ou ti a kapab donn en pti pe leksplikasyon an term kwa sa osi. Mersi.

MR SPEAKER

Mersi. Brigadye.

CDF BRIGADIER MICHAEL ROSETTE

Ok mersi Mr Speaker, mersi Onorab. Mon pa’n tro sezi ou byen pour premye bout ou kestyon. Me dezyenm bout, an

se ki konsern par egzanp *maintenance* parey nou’n fer sorti, nou pe redwir. Se akoz nou pe redwir sa Konpannyen *Avantgarde*.

Nou le anploy bann dimoun spesifikman nou menm, ki pou fer bann *maintenance* lo bato. Sa lannen nou pe planifye pou fer *maintenance* bato. Nou pe fer zis en gro bato ki sa enn ki nouvo, ki nou’n gannyen. E li sa enn i pe ganny *catered* par son Konpannyen ki ti konstri dan *L’Inde*, akoz i ankor anba garanti.

Bann lezot bato ki nou annan, zis bann pti bato nou pe fer bann gro *maintenance* lo la. Sa de lezot gro bato ki nou annan, li i pou *due* lafen lannen 2023, nou pou fer son bann *maintenance* lo la. E nou annan pli gro *maintenance* ki nou annan lo- parey mon’n fer sorti dan- pli boner, se avyon.

Nou annan 2 avyon ki’n *due* pour *servicing* 2022. Sa 2 *service* in tonm preski an menm tan, akoz nou ti ganny retar pou anvoy enn dan *L’Inde* lannen pase an rezon avek *COVID* ki ti monte dan *L’Inde*.

Prezan nou’n vwar nou ki tou le de avyon prezan i bezwen tonm dan preske menm peryod pou fer *maintenance*, me

selman nou kapab rod en extension pour enn.

Letan enn pe fer maintenance, enn i ava kontinyen operasyonnel, epi nou ava fer en lot fer sa. Petet si ou ti kapab repet ou premye kestyion nou a kapab ...

MR SPEAKER

Wi Onorab.

HON EGBERT AGLAE

Mersi Brigadye. 6enm Lasanble, ti annan en rekomandasyon ki Lafors Defans i antre an term Bidze pou fer en pti revi. Pou vwar kote ki zot kapab annan bann lenstans kot zot koup en pe lo zot kou loperasyon. Mon'n sit 1-2 parey fuel. Ti annan bann konsern fuel.

Meals ti en konsern dan li menm. *Uniforms* ti en konsern. So ki petet, ki zistans zot in arrive? Ki petet ozordi zot in prezant nou ek en Bidze ki parey mon pe gete la, mersi.

MR SPEAKER

Mersi Onorab. Brigadye.

CDF BRIGADIER MICHAEL ROSETTE

Mersi Mr Speaker. An se ki konsern liniform, nou'n fer en assessment- nou'n fer en stok. Nou ankor pe fini fer nou stok

antye pour nou regarde akoz an konsern se ki, non Lafors li menm in sanze. I pou annan serten liniform, bann bout bann liniform ki pou bezwen refer, pou sanze.

E nou'n extent sa travay ziska Mars lannen prosenn pour nou kapab finalize, an menm tan nou pe aziste nou bann senbol, nou bann keksoz. Me selman nou stok liniform nou'n fini kalkile aepre dan 1an konbyen solda i servi par lannen. Konbyen nou pour bezwen. Nou pe fini finaliz sa.

An se ki konsern bato li menm li, son bann *fuel*; nou kapab dir nou'n fer bann travay. E ozordi nou pli efikas lo la akoz nou annan de bato ki'n dekomisyonnen. Nou annan Konstan avek Andromans. Ti 2 bato ki pli ansyen.

Zot konsonmasyon *fuel* ti bokou akoz zot kalite masin ti pli vye, e zot ti konsonm plis *fuel*. Nou annan en nouveau bato ki li, a en *cruising speed* si ou le, son *fuel consumption* i agreab, me si pe fer en *pursuit*, la i pou bril plis *fuel*.

Me selman si ou vwar, sa lannen nou'n ogmant kantite loperasyon ki nou'n fer, nou'n anmennen sikse. Me ler nou get sa kalite *fuel* ki nou'n servi, nou krwar i en sif ki akzeptab pour nou.

Nou pa'n al *overspend* sa kantite nou *fuel* pou vin devan Lasanble pou demann plis fuel. Nou'n nobou mentenir nou stok, pour nou ale eskan ler lannen i fini. E nou pa pe vin demann plis *fuel*. Nou krwar nou dan en norm ki akseptab, nou *fuel*. Mersi.

MR SPEAKER

Mersi Brigadye. Onorab Lemiel.

HON SYLVANNE LEMIEL

Mersi Mr Chair. Bonn apre midi Brigadye avek ou delegasyon. Nou fek fini pas lo en Lalwa, e nou ti'n koz en pti pe lo sa Lakademi bann *Cadet*, ki zot ti pe mazin fer pour bann zanfan par anba 18an.

Mon ti a kontan konnen, si Bidze 2022 in fer provizyon pou zot konmans avek sa programm pour sa bann zanfan ki sipoze al dan sa Lakademi? Mersi.

MR SPEAKER

Mersi Onorab. Brigadye.

CDF BRIGADIER MICHAEL ROSETTE

Mr Speaker mersi, mersi pou ou kestyon, nou ti deza annan serten Bidze avan. Parey mon pe dir, nou ti deza annan 2-3 manrmay lekol, serten programm- zot ti pe vini pe fer.

nou ti deza pe donn zot en larzan.

Me si ou le, sa ki nou'n fer la se formaliz li. Nou le konmans li plis ou mwen parey en *pilot project*. Nou annan differan group manrmay ki vini. I annan dan *Brass Band*. I annan ki vini ki vin *attachment* lo bato. I annan ki vin dan *workshop*. Sorti dan differan lenstitisyon. Swa lekol Maritim, *SIT*.

I annan dan bann differan lekol pos-segonder, oubyen segonder. Me la vi ki nou'n met li dan nou Lalwa, nou'n formaliz li. Nou pou kapab fer en lankadreman pli byen pour zot. Nou kapab donn zot bann lezot formasyon apard sa bann formasyon teknik.

Bann formasyon disiplin, dril en pti pe lo la, ki ava ed zot si ou le, dan zot karyer pli lwen. Apre ler zot vin pli adilt zot kontinyen devlope. Mersi.

MR SPEAKER

Mersi Brigadye. Onorab Roucou

HON MICHEL ROUCOU

Mersi Mr Chair. Bonn apre midi a tous. Mr Chair, mwan mon kestyon pe al en pti pe lo kote-in tous en pti pe lo kote liniform be selman an term bann lekipman osi tou, i annan en pti pe konsern parmi bann solda,

kot lekipman i manke tou; parey soulye, en pti pe lo la.

Apre lo kote manze, in deza koz lo la. Sirtou kot *Airforce*, i annan en pe konsern an term kalite manze ki zot pe gannyen. Parey mon'n tann dir pou dir se ki zot ki fer zot bann laranzman laba. Sa osi ti ava bon adrese.

Lo kote *Academy* li menm li, i annan bokou zenn ki ti a voudre zwenn Lafors Militer. Be selman i annan serten kriter ki zot mete ki anpes bann zenn pour zot kapab kalifye pou zwenn lafors li menm li. Mersi.

MR SPEAKER

Mersi Onorab. Brigadye.

CDF BRIGADIER MICHAEL ROSETTE

Mersi Mr Speaker. Mersi Onorab pour ou kestyon. An se ki konsern liniform, nou aste par stok, par *batch*. Parler nou vvar i pa en bon metod. E nou fer parfwa lo demann.

Plizyer fwa nou'n aste gro gro stok, apre ler ou en *batch*-petet bann zenn i vini, *recruit* ki vini, bann *size* pa *fit* lo zot.

Nou'n plizoumwen, depi sa lannen travay en pti pe kot avan ler, ler ou ti fer laplikasyon, nou sey konmans pran zot mezir, fer koud lo zot. Sa i en tandans mon krwar,

nasyonalman ou war bokou bann zenn swa i en pe obes oubyen zot meg. Nou ganny difikilte.

Sa metod ki nou'n adopte mon krwar i pou pli apropiye. Kot nou kapab pran mezir, fer koud lokalman. Nou annan bann stok latwal ki nou fer koud. An se ki konsern bann soulye osi, bann bogi nou rod bann stok, swa lokalman, swa nou enporte sorti deor pou kapab *caterer* pou zot pou sa.

Me an se ki konsern *Airforce*, nou okouran ki sa *caterer*, parler i pa pe donn manze a sa oter ki *Airforce* ti anvi swete zot gannyen. Me nou ti les sa lib, se *Airforce* ki ti swazir sa *caterer*.

Premye kou manze ti konmans bon li, me lanmwatye semen manze i sanze. I pa sitan a la oter, me nou annan en kontra avek li. Ki nou fer dan sa ka, nou ekri sa *caterer* nou dir li be manze pa lo oter. Aranz ou manze.

Tanzantan nou ekrir li. I annan en serten limit ki nou ale. Apre 3-4 fwa si i pa aranze, la nou bezwen fer en prosedir atraver *tender* pou kennsel son kontra e rod en lot *caterer* pour sa.

E an se ki konsern Lakademi, bann zenn pou zwenn souvandfwa nou vvar i

annan bann kriter ki nou mete. Pou ou vin en solda, ou bezwen 1) pare pou vin en solda. Ou bezwen annan en karakter fizik, moral e annan en lendirans pou ou kapab vin en solda.

Plizyer fwa nou war bann zenn ki vini, ki enterese pou vin en solda, me zot napa sa bann abilite, sa volonte pou vin en solda si ou le. E bokou fwa zot pa reisi dan sa formasyon. Zot termin zot *training* prematirman lo la.

E sa nou fer sorti. E ler zot fer bann legzanmen medikal, nou'n vvar osi plizyer i annan ki vini ki pa dir avek Dokter zot in deza annan serten kondisyon medikal ki pa permet zot fini konplet zot bann *training*. Plizyer ka in arive sa.

I annan bann ka ki nou'n pran ki obes, apre dan semen zot ganny bann difikilte pou kontinyen *training*. Nou *advise* zot si zot obes, al fer en pe legzersis, redwir zot pwa, arriv lo en standar ki akseptab pour nou kapab pran zot. Pour nou al degres zot, i pou en kantite zefor.

E sa i bann difikilte ki nou fer fas avek. I en problem ki nou bezwen *tackle*. Petet depi dan lekol, nivo nasyonal, pou ankouraz bann zenn fer bann legzersis, reste *fit*. Si zot *join*

Militer, zot a kapab kontinyen fer sa *training*. Mersi.

MR SPEAKER

Mersi. Wi Colonel Dine ki pou azoute, wi.

CHIEF OF STAFF- COLONEL SIMON DINE

Mr Speaker zis mon a amplifie en pti git- adisyonnen dan sa ki *CDF* in fer sorti. Anliny avek sa *issue recruitment*, i annan en lot kriter ki nou'n met an plas konsernan *substance abuse test*.

E sa nou'n met li dan nouveau kriter sa lannen. I en *challenge* pour nou ki nou'n fer bokou tes. Mon a donn zot en legzanz, dan 50 manrmay ki nou pran, apepre 30poursan ladan in fini teste positiv pour *THC* apre bann lezot sibstans.

Ok, Desizyon Lotorite i dir *ok*, nou a donn zot en dezyenm sans pour zot *join* Lafors. Ou donn zot en dezyenm sans, e a lafen di zour ler zot konmans dan milye *training*, oubyen ler zot al fer *training*, zot ganny teste pozitiv ankor. E ler ou pa kapab disiplinen avek zot dir ou pou dir ou ti konnen mon deza koumsa, akoz ou pran mwan? Le problem se ki nou donn en dezyenm sans.

E la nou'n pran en desizyon pou dir 0 tolerans. Si

ou pou fer tes, ou pou (negativ) definitivman ou pa pou ganny aksepte dan lafors. Se pour sa, sa bann *challenges* pe vini pou dir, zot pa pe ganny aksepte. Mersi Mr Speaker.

MR SPEAKER

Mersi Colonel. Onorab Pillay.

HON SEBASTIEN PILLAY

Mersi Mr Chairman. Mr Chairman mon annan 2-3 kestyon ki mon ti a kontan ganny serten klarifikasyon lo la avek ou permisyon, mersi. Premyerman, mon le klarifye sa size *Food and ration and meals* en.

Mon vwar plizyer provizyon dan Bidze ki fer ki ou annan bann depans dan *food and ration*, e Onorab ti boner *raise* serten kestyon lo la. Par mon kalkil, i annan en 4.6milyon, en 1.7milyon, en 4.187milyon, en 3milyon.

Ladan sa 4.187 milyon si mon pa tronpe- non pa sa 4.187milyon, tire. Parmi sa bann provizyon, nou vwar pou dir zot dan diferan *heads*, so ki mannyer prosedir i ganny fer pou *allocate* sa bann provizyon pou *provide rasyon?* Ki prosedir *tender?*

Si zot in swiv en prosedir *tender* oubyen prosedir *procurement* e ou ava dakor ek

mwan Brigadye, sa i en kestyon ki ou ti pe ekspekte gannyen ler ou vin dan Lasamble.

Mon dezyenm kestyon Mr Chairman i al lo sa size *surveillance*, e mon pe koz lo *fuel* spesifikman la en. Nou annan en alokasyon 11.5 milyon ki mon vwar *for fuel, for goods.* ‘

Apre mon war en lot alokasyon 5milyon. Eski ou kapab dir nou ki alokasyon total pour *fuel?* ki Lafors Defans i bezwen. E ler ou pe donn nou sa lenformasyon, eski ou kapab donn nou lenformasyon lo alokasyon pour sipor maritim e osi pour *fuel* an rezon avek sipor lo later, bann servis ki zot *provide.*

Mon lot konsern ki mon annan Mr Chairman, mon pa pe vwar oubyen mon pa konnen si mon'n mal gete. Provizyon pour lasirans pour transpor. Ou ava rapel Brigadye, sa ti en size ki ti monte dan en *public hearing FPAC.*

Kot nou ti pe koz lo bann diferan transpor Lafors Defans e si zot annan lasirans. Eski ou kapab dir nou si dan Bidze pe fer provizyon pour zot *clear* bann lasirans ki dapre lenformasyon ki nou ti annan sa letan, pa ti ankor ganny peye lo serten transpor anba sa Bidze.

Mon ava les Brigadye reponn sa kestyon. Mon pou annan en pti kestyon siplemanter Mr Chairman avek ou permisyon apre. Mersi.

MR SPEAKER

Wi nou a pran sa bann kestyon, apre si nou annan letan nou a retourn ankor. Brigadye.

CDF BRIGADIER MICHAEL ROSETTE

Okay mersi Mr Speaker, mon ti a demann Mr Dupres pou pas lo la.

MR SPEAKER

Mr Dupres i a komanse. Wi?

ACCOUNTANT PAUL DUPRES

Mersi Mr Speaker. Mersi Onorab pour ou kestyon. Onorab pour 'food and ration' ou war diferan *amount* lo diferan programm. Mon konnen nou fer *PPBB* e i annan diferan programm.

Nou annan programm 1 ek 2, pou ganny en *decent program*. Pour 1.1, Ladministrasyon avek *Policy*. E li i baze *Headquarters* ek *Medical Clinic*. Sa rasyon pou *Headquarters* i ladan. 1.2- wi 4 milyon ki ou'n vwar. 1.2; rasyon i pour *training*.

Savedir *RTC* ek *SSDA*. Sanmenm sa lot *figure* ki ou'n

vwar, pour rasyon. Programm 2.1 rasyon ankor. Ou'n war sa figure, i pour *Marine Operations* ki *Coast Guard* avek tou lezot seksyon *Coast Guard*. Parey bato, zil bato osi i annan zot bann diferan landrwa.

Epi programm 2.2, sa se *Airforce*, pour *Air Operation*. Zot osi zot annan zot programm, zot annan zot rasyon ladan. Epi trwazyenm, dernyen; se *Support Services*, ki enkli rasyon pour *SFU*; *Special Force*. *PSU* - bann solda ki baze *State House*. Epi *Dog Unit*. Sa i rasyon.

E tou sa la total rasyon ki fer sa *figure* tou bann rasyon. Be parey nou'n dir taler se rasyon i ganny kwi *Coast Guard* e la mazorite i kwi *Coast Guard*. Me tender nou fer, la pour *Coast Guard* se *STA* ki pe kwi nou manze, ki pe fer *training* nou bann dimoun.

Nou annan en *Chef* ki kwi manze pour nou. Savedir napa en vre *tendering for it*. Akoz tou lezot *tender* in fini. Sel landrwa ki nou'n *tender*, se *Airforce*, ki annan en *caterer* ki pe donn nou. E i ankor la, e son kontra i ankor ouver.

Epi lo *fuel, fuel* i annan *fuel* pour *vehicles*- nou napa en *calculator* pou kalkil sa bann total. Me selman sak programm i annan *fuel*. *Fuel* pour *vehicles, headquarters*. Me programm

fuel of vehicles pour programm
1.2 SDA training avek RTC.

Fuel pour vehicles pour
Marine, Airforce, trwazyenm epi
lezot support services. Enn sa
fuel ki annan se fuel for Ships,
ki anba Marine- en kantite fuel.
Epi fuel pour avyon- ki anba
'Air.'

Epi i annan *fuel* ki nou
aste pour bann ki koup zerb
pour lezot pti masin ki nou
annan ki servi *fuel*. Se tou ki
annan, bann programm ki
kouver *fuel*. Pour lasirans
transpor- be lasirans transpor
toulezan, i renouvele an
Novanm. Tou *fleet* Militer.

Bann ki pa pe marse, nou
fason fer se ki nou ganny lalis
tou nou bann transpor. Bann ki
aktiv, bann ki pa aktiv avan
nou renouvele. E nou tir bann ki
pa aktiv, me bann ki aktiv, sa i
ganny renouvele zot lasirans.

Bann ki pa *active* letan a
tournen la nou ekrir nou
broker, met sa lo nou *fleet*. La
prezan ki i a aparet. Alors
koumsa ki i marse lasirans.

MR SPEAKER

Ou ankor lo menm kestyon
Onorab Pillay? Si non, si i lo lot
kestyon mon a les lezot Manm-
lo menm kestyon? Ale. Wi Mr
Dupres?

ACCOUNTANT PAUL DUPRES

Ou dir ou pa ti war *lined items*
pour lasirans *vehicles* non? I
annan zis 1 anba programm 1.
Yes sir, ok.

HON SEBASTIEN PILLAY

Mersi Mr Chairman. Mr
Chairman i pa mon premye
latraksyon avek Bidze Lafors
Defans pandan mon karyer dan
Lasamble. So, rezon ki mon pe
demann sa bann kestyon i akoz
i annan bann *areas* ki toultan i
vin en *issue*. Sa sityasyon *fuel* i
en *issue*.

Sa ki nou, nou ti ganny dir
se ki *currently regarding fuel*,
zot annan lentansyon entrodwir
zot prop sistem ki ti la dan
lepace ki'n annan bokou
problem avek e zot pe re
entrodwir. So ki mon le klarifye
mwan.

Ki mannyer zot pou asire,
lefe ki Oditer Zeneral in toultan
raise en *issue* avek sa. Ki
mannyer zot pou asire ki *fuel* ki
ganny servi, par egzanp avek
bann veikil ki a pran *fuel*. Mon
konnen zot annan en zofisyé ki
baze *Victoria South Petrol
Station* e ki donn bann koupon.
Ki sistem ki zot pe servi
konmela pou donn *fuel* pou
asire ki lakantite *fuel* ki ganny
servi i pa desot provizyon ki nou
mete dan Bidze. E an relasyon
avek *fuel* pour bann *Maritime
Operation*, mon ti a kontan si

Minister Finans i klarifye- donn mwan en *comparative*.

Donn mwan en *end of year final position* lo *fuel compared to budgeted 2021* si i posib. Pour nou kapab gete si provizyon *fuel* pour 2022 pou *meet requirements* travay ki sirtou *Coast Guard e Airforce* i annan pou fer vizavi proteksyon nou *zone maritim* Mr Chairman. Mon krwar zot bezwen annan sa lenformasyon e sim on ti kapab ganny sa lenformasyon silvouple. Mersi.

MR SPEAKER

Thank you. Panel, Brigadye, lekel ki pou adrese?

CDF BRIGADIER MICHAEL ROSETTE

Mersi Mr Speaker. Mersi Onorab pour ou kestyon. An se ki konsern bann devlopman lo *fuel*, klarifikasyon ki mannyer nou pe fer la konmela, mon a les Mr Dupres reponn en pti kou apre.

Me, an se ki konsern sa pwen pour le fitir parey nou'n mansyonnen, nou ankor pe travay avek *SEYPPEC*, ki mannyer nou pou fer, ki kalite metodolozi, ki kalite fason ki nou pou mete pou kapab kontrole. I annan bann propozisyon ki zot in vin avek.

Nou ankor an negosyasyon avek *SEYPPEC* pour nou kapab arriv lo en konklizyon final, ki mannyer nou pour annan en kontrol lo bann tenk ki pou mete. Swa *fuel* pour transpor, avek *fuel* pour bato.

Me selman definitivman i pa pou menm tenk ki pou ganny servi pour *fuel*. I pou en tenk separe. Sa ki pou servi pour pti bato, i pou en tenk separe. E nou pe travay lo sa metodolozi ki metod pou pli bon pour nou kapab annan en kontrol.

An se ki konsern bann gro bato, sa *SEYPPEC* i vini, i *deliver* direk avek zot par *bowser* lo la. Mon a les Mr Dupres koz sa bout la konmela ki mannyer nou pe fer, pou donn transpor *fuel* ek bato, e apre petet Ms Tamatave i ava reponn lezot...

ACCOUNTANT PAUL DUPRES

Mersi Onorab. Onorab depi mon krwar lannen pase, sa lannen, nou sistenm donn *fuel* nepli ale lo stasyon petrol. Nou servi koupon. Nou aste en stok koupon. Nou peye avanler. E tou dimoun ki annan transpor nou fer li vin kot *headquarters* i ranpli son *request*, nou donn li son koupon. Son transpor *vehicle* dan en *log book*.

Son *log book* i date kantite *fuel* in servi. Nou annan en *chart*, en *computer*, en *laptop* sa dimoun ki donn *fuel* konmela. I fer antre otomatikman kantite in donn tel transpor lo son *spreadsheet*. E nou kapab *up-to-date*. Ozordi nou annan *fuel*, nou konnen kantite- sak *fuel* sak transpor i annan.

Savedir konmela nou kontrol li otomatikman e tou nou bann transpor, tou zot bann *mileage* i lo la, lo *spreadsheet* avanler nou donn koupon, e kantite koupon zot servi. I vreman efikas nou nouveau sistem nou'n entrodwir. Epi i annan nouveau sistem ki parey Brigadye pe dir. Sa pour lavenir.

MR SPEAKER

Byen. Ms Tamatave pou ekliersi?

**DEPUTY COMPTROLLER
GENERAL ASTRIDE
TAMATAVE**

Mersi Mr Chair. Onorab pour 2020 anba *Fuel for Vehicles* Defans in depans li R2.6 milyon. E son Bidze ki nou'n donn li i R2.4milyon- sa i *fuel for vehicles*. Anba '*fuel for aircrafts and boats*' son *actual* 2020 ti R15.3milyon, e Bidze pour 2022 i R16.5milyon. *Actual* 2020 - 15.3. Me selman

nou pe regard lenformasyon, *actual to date*. Nou ava go over li en pti kou.

MR SPEAKER

Yes Onorab.

HON SEBASTIEN PILLAY

Mr Chairman sa ki i pertinan pour nou gannyen, se ki nou bezwen ganny *actual* 2021, baze lo lakantite loperasyon ki zot in fer pour nou konnen si Lasanble pe *appropriate* lakantite *fuel* baze lo lakantite travay ki zot pe fer.

Actual 2020 pa pou ed nou. Nou bezwen lenformasyon pour *actual* 2021 pour nou kapab konpare. So se sa ki nou bezwen gannyen. Si nou ti pe diskit Bidze 2021 *then* nou ti a regard *actual* 2020. So mon pa konnen si Finans i kapab donn nou sa lenformasyon avan ki nou fini. Mersi.

MR SPEAKER

Ms Tamatave ou kapab ganny sa lenformasyon dan ou sistem la kot ou ete?

**DEPUTY COMPTROLLER
GENERAL ASTRIDE
TAMATAVE**

Mr Speaker mersi. Mon ti pe seye pour mwan ganny *from my end me selman mon'n ganny from stafflofis. Fuel for Vehicles*,

actual to date, i R2.2milyon. E fuel anba ‘aircraft’ i R3.9milyon. Fuel anba ‘boat’ i R11.9milyon. *This is actual to date*, pour lannen 2021. Mersi.

MR SPEAKER

Mon krwar sa i reponn kestyon Onorab Pillay. Mersi. Mon a pas lo Onorab Gill

HON CHURCHILL GILL

Mersi Mr Chair. Bonn apre midi tou dimoun lo *panel*. Mon kestyon i *lo goods and services*, apre *non-financial assets*. Lo *goods and services*, anba *Boat Insurance*, sa lannen napa okenn provizyon. 2022 i annan 455mil.

Anba *other insurance and fees*, sa lannen i annan 800 mil. Bidze pour 2022 napa provizyon. Eski nou kapab ganny leksplikasyon akoz sa ‘boat insurance’ mon war li i ba. Eski tou nou bato pe ganny kouver ki dan loperasyon?

Apre akoz napa provizyon dan Bidze 2022 pour *other insurance and fees*? Eski zot in fer en re-alokasyon? Mon kestyon anba *non-financial assets*, i annan sa vot anba *Coastal Surveillance Radar System*. Lannen 2021 ti 15milyon, e pour Bidze 2022 i 14milyon.

Apre nou annan en lot vot ankor, 14milyon pour Bidze 2022. Li i pour *Maintenance of Coastal Radar System*. Klarifikasyon ki mon pe rode se, eski sa *surveillance system* zis pou li marse i kout nou R14 milyon dan en lannen. Apre pou fer son *maintenance* i osi kout nou R14milyon. Ti a voudre en klarifikasyon silvouple.

MR SPEAKER

Mersi. Brigadye ou’n ganny sa klarifikasyon?

CDF BRIGADIER MICHAEL ROSETTE

Mersi Mr Speaker. Mon a reponn sa dezyenm bout, me apre sa premye bout lo *goods and services* mon a les Mr Dupres. Konsernan *coastal radar*, sa i en *Grant* sorti kot Gouvernman Endyen ki finans pour sa servis radar.

Pour le moman sa bann radar i dan en faz *upgrading*. I enkli bann nouvo radar ki pou ganny mete. E i annan de konponan ladan. I annan son konponan pou fer li marse, pou transmet bann data, e apre i annan son konponan pou mentenir li.

Se sa ki i fer ki i annan sa de sonm. Akoz nou pe servi satelit pou *transfer data* ler nou pou fer li marse. E sa lannen

nou pa'n servi sa larzan. Nou pe anvoy li pour lannen prosenn e se sa ki nou'n prevwar. E i annan dan transfer bann data par satelit.

In annan en negosyasyon avek *Airtel* ki zot in redwir sa kou pour sa *satellite band* ki fer li redwir sa kou. E i annan osi bann enfrastriktir ki *L'Inde* pe finanse pou mete, Praslin, Ile Denis partou bann landrwa ki i enkli ladan dan sa 2 kou ki ou vwar lo la. Mersi.

MR SPEAKER

Mersi, Mr Dupres ti pou azout keksoz?

ACCOUNTANT PAUL DUPRES

Mersi Mr Speaker. Mersi Onorab pour ou kestyon. Onorab pour *other insurance and fees*; sak programm i annan pour li. Pour *Headquarters* i annan 300mil ki ou dir pour administrasyon.

Programm 1 i annan 300 mil, menm parey ek lannen pase. Napa okenn sanzman. An realite napa okenn sanzman dan nou *insurance and fees*, pour bato ki ou dir napa.

Boat insurance, i annan 455 mil pour bann bato. E sa i enkli 3 novo *fast-response boat* ki nou'n gannyen depi lannen pase. An realite i R455 mil pour lasirans bato. Si ou get

dan programm 2.1, '*Insurance of Boats*'.

MR SPEAKER

Yes Onorab Gill. Klarifikasyon. Mikro silvouple.

HON CHURCHILL GILL

Ok mersi pour larepons. Zis pour sa *radar system*, ou'n dir i annan novo lenfrastriktir ki pou ganny azoute. Akoz si sa bann lenfrastriktir ki pe azoute pour ede fer desann son pri pou *maintain*, pour son loperasyon ek son *maintenance*.

Then i pou dan nou lavantaz. Mon lenkyetid se, si i pa fer sa, eski ou santi dan *long run* i pou soutenab pou kapab kit sa an loperasyon? Mersi.

MR SPEAKER

Mersi. Brigadie.

CDF BRIGADIER MICHAEL ROSETTE

Mersi Mr Speaker. Mersi Onorab pour ou kestyon. Si nou vwar i pa soutenab nou annan en *plan B* ki nou'n kit la dekote si nou vwar i pa soutenab. Me lenfrastriktir i pou reste pour *SPDF*, pa pou kapab bouze. Radar nou kapab rod en lot opsyon ki i petet pou kout nou en pe pli meyer ki sa enn, si an ka sa enn pa marse. E nou annan en plan. Mersi.

MR SPEAKER

Mersi. Onorab Loizeau

HON NORBERT LOIZEAU

Mersi Mr Speaker. Bonzour tou dimoun. Mr Speaker, mon ti zis anvi en pti leklersisman konsernan *Red Star Defence Forces* vi ki i en lekip ki pa antyerman solda. E nou vwar ki nou pe ganny *text* ki serten transpor Larne pe ganny servi pour deservi sa klib menm si pa zis solda ki zwe ladan.

Mon ti a kontan demande si dan Bidze i annan okenn alokasyon pou *cater* pour sa bann keksoz- parey transportasyon? E osi mon'n tann lo kote lasirans, eski lo kote lasirans osi i annan larzan ki pe *insured* sa bann zwer dan *Red Star Defence Forces*, menm si zot pa dan Larne selman zot pe zwe dan sa klib. Mon ti a kontan en pti leklersisman lo la. Mersi.

MR SPEAKER

Mersi Onorab. Brigadye.

CDF BRIGADIER MICHAEL ROSETTE

Mersi Mr Speaker e mersi Onorab pour ou kestyon. Mr Speaker, *Red Star Defence Forces* i en klib ki anrezistre. An vi ki nou annan serten solda ki

zwe ladan, nou siport zot avek transpor parey nou siport plizyer lezot lorganizasyon ler zot demann lasistans, nou siport zot avek transpor, *fuel* tou.

E dan sa ka nou siport sa tim. Akoz nou ankouraz bann zenn pou fer spor, menm si pa tou militer ki pe zwe ladan. E pour le moman nou an negosyasyon avek zot pou plitar petet kapab pran sa lo zot menm zot klib.

Menm si pou annan solda ki zwe ladan akoz nou ankouraz zot. Me gradyelman zot pe bouz ver pour zot vin otonom, pran tou zot responsabilite zot menm. E napa nanryen dan Bidze ki kouver sa tim apard sa lasistans ki nou donn zot pou transpor, e nou ed zot osi ek en laplenn kot *Coast Guard* par ler pou *train* lo la.

E lasirans se zot ki peye. Zot *raise zot own fund*, zot rod zot prop *sponsor*, zot siport sa. Se sa sityasyon Onorab. Mersi.

MR SPEAKER

Mersi Brigadye. Onorab Henrie.

HON GERVAIS HENRIE

Mersi Mr Speaker. Mr Chair, mon napa en kestyon direk lo Bidze, me selman en komanter ki mon ti le fer, mon'n demann *Chief Whip* la obor mwan,

whether Komite Defans Lasanble ti zwenn avek SPDF avan pour zot konpran son Bidze.

Ki letan nou vot lo laparski nou bezwen avoue. *SPDF dan lepase- ouswa SDF i apele prezan, napa sa 'P' ladan, i en landrwa kot in annan en pe konsern, en pe ezitasyon avek son Bidze lo size; i kapab annan lespas pour labi.*

Akoz natir son *set up*, i annan en pe *secrecy around it*. E kot prezan i kapab annan bann eleman ki pran lavantaz. So mon ti a kontan Mr Chair ki Brigadye i reasir nou poudir sa i bann keksoz ki pe ganny adrese. Par egzanp letan nou pe koz manze, mon war i pran en kantite larzan ki al pour *food and rationing*.

E ki par egzanp napa dimoun ki pou vin fer *shopping* dan kan larme. So telefonn bann keksoz koumsa, nou konnen lekel bann ka ki ganny *issue*, e ki napa sivilyen ki Larme pe pey son *bill*.

Akoz sa i enn bann keksoz ki'n arive dan lepase, nou bezwen avoue, i egziste. So mon ti a kontan en re-asirans lo la.

Me pli enportan dan mon entrevansyon pour Bidze mon ti demande ki *FPAC* i elarzi son manda ki i regard Bidze de pre. E mon krwar pou dir si sa

rekomandasyon i ganny pran o serye, Bidze *SDF* i en landrwa kot i kapab travay avek.

Dan son preparasyon, e dan lannen pou vvar ki mannyer i ganny *monitor*, e ki koumsa bann kestyon la pou la avek bann zofisyen Finans, nou pa ti pou bezwen anmennen.

Me ki nou ti pou satisfe, e ki ti pou napa okenn ezitasyon pou dir letan sa Bidze in arriv devan nou, nou satisfe pou dir, i sa ki vreman zot bezwen, e ki napa nanryen ki'n ganny met akote ladan pou permet lespas pour labi. Mersi.

MR SPEAKER

Mersi. Onorab Pillay si ou permet mwan, mon a diriz Lasanble. Brigadye, napa en kestyon la, i annan en konsern ki'n ganny eksprimen, eski ou kapab donn nou Onorab en re-asirans?

CDF BRIGADIER MICHAEL ROSETTE

Mersi Mr Speaker. Mersi Onorab pour ou komanter ki ou'n fer lo la. E mon tre pozitiv lo la akoz sa bann kestyon lepase se sa enn bann keksoz ki nou pe travay plis lo la pour asire ki napa sa bann labi.

Komite Defans ek Sekirite Lasanble ti zwenn avek en panel *SPDF – pa SPDF - SDF*

prezan pou diskrit son Bidze e pou vvar tou bann defayans e bann konsern ki ti annan. E sa in ganny touse atraver sa Komite. E nou nou'n met an plas plizyer mezir pou anpeste annan labi.

Nou'n devlop bann *Policy* an se ki konsern bann *store* pou kapab kontrol bann *store*. Nou pa war sa labi, parey dimoun ti pe koze avan lo bann *store*, an se ki konsern manze ganny pran. Nou napa ozordi.

An se ki konsern telefon osi, nou'n met en Telefon Polisi an plas e mon tre strik lo la. Mon pe *review* tanzantan nou pas lo la. Nou *review*. Si nou war pa neseser dimoun annan en telefon nou koupe pou anpes annan sa labi.

Menm lo transpor, nou koupe bann kantite deplasman transpor. Nou asire ki transpor pe deplase ler i neseser, pa toultan. E sa nou asir Lasanble e Komite Defans osi ek Sekirite ki nou pou met tou bann prosedir an plas, pou asire ki Lafors Defans i mars parey i ti devret marse - dan son totalite kot i annan kontrol.

E nou ti a kontan kontinyen annan bon enterakson avek Komite Sekirite ek Defans pour ki nou annan en bon lantant, en bon konprenezon.

Pou nou kapab konmsi annan menm frekans. E ler bann travay ki *SPDF* pe fer, zot osi zot konpran. Zot anmenn zot gidans kot nou ler i neseser pour nou kapab asire ki Lafors Defans i bouz devan parey zot swete. Mersi.

MR SPEAKER

Mersi Brigadye pour sa re-asirans. Onorab Pillay- vi ki nou ankor okay avek letan, ou ti annan lezot kestyon ki ou ti le poze?

HON SEBASTIEN PILLAY

Wi, mersi Mr Chairman. Mr Chairman avan mon poz mon kestyon mon le ganny en re-asirans ki si- ou konnen, Manm i bezwen respekte en keksoz ki nou'n diskite. E mwan lo mon kote latab nou pe respekte sa ki'n ganny diskite. Me si nou war lot kote pa pe respekte...

MR SPEAKER

Onorab Pillay, silvouple. Mon'n permet Onorab Henrie demann son re-asirans. I annan en relevans avek Bidze. mon pa krwar ki i irelevan, mon'n zize. Sirtou akoz nou annan letan, mon'n zize pou dir i permisib pou li demann son kestyon. Silvouple, al lo ou kestyon.

HON SEBASTIEN PILLAY

Mon pe al lo mon kestyon. Be selman i enportan akoz-

MR SPEAKER

Mersi non-

HON SEBASTIEN PILLAY

... ler mon Manm -

MR SPEAKER

Non-non ...

SEBASTIEN PILLAY

... ler mon Manm ti *raise* son kestyon taler ou ti aret li.

MR SPEAKER

Sa lot komanter pa bezwen-

HON SEBASTIEN PILLAY

... ou ti aret li sa.

MR SPEAKER

Al lo ou kestyon silvouple.

HON SEBASTIEN PILLAY

I bezwen annan en *fair* fason ki nou tret nou bann Manm dan Lasamble!

MR SPEAKER

Al lo ou kestyon silvouple. Yes please?

(*Interruption*)

MR SPEAKER

Silvouple, *Order! Order!* Onorab Pillay poz ou kestyon silvouple.

HON SEBASTIEN PILLAY

Bon. Ar wi zot Senyer! Mr Chairman kestyon ki mwan mon annan pour Lafors Defans se i annan sa kestyon ki Onorab Gill in *raise* vizavi sa bann sistenm radar!

E nou'n vwar en kantite larzan ki pe ganny mete dan Bidze vizavi bann donasyon ki nou'n gannyen- bann bato, bann reparasyon, eksetera. E nou konnen poudir baze lo bann enteraksyon ki nou'n gannyen ek zot dan lepase, tou sa bann *maintenance* i ganny fer atraver en *procurement system* ki an deor Sesel.

Me nou'n osi war ki dan lepase, apre ki *maintenance* in fini fer, Gouvernman in bezwen re-depans larzan pou al refer *maintenance* ankor lo sa bann keksoz. So kestyon ki mon annan pour ou ozordi, kwa ki'n sanze dan prosedir fer *procurement* pou fer *maintenance* lo sa bann donasyon?

Swa bato ou menm sistenm radar, pou fer ki ler sa *maintenance* i ganny fer par sa *private contractor* ki pa sorti Sesel, me ki sorti atraver *system procurement*.

Sa pei ki'n donn sa donasyon - nou pa bezwen vwar nou ankor *going down the line*

pou remet larzan dan Bidze- ou konnen ki mon pe sey eksplike ki mon pe dir ou Brigadye - pour nou kapab repar sa?

Apre dezyenmman, eski Lafors Defans pe annan lentansyon aste okenn nouvo lekipman sofistike pou *match* avek par egzanp, nouvo Lalwa ki'n passe vizavi *cybercrime* pour nou kapab fer travay ki Lalwa *Cybercrime* pe koz lo la? Mersi Mr Chairman.

MR SPEAKER

Mersi Onorab. Brigadye.

CDF BRIGADIER MICHAEL ROSETTE

Mersi Mr Speaker, mersi Onorab pour ou kestyon. An se ki konsern bann lekipman ki nou gannyen avek bann pei zanmi si oule. Nou'n plizoumwen nou'n diskite avek zot sa problemm kot ler zot donn nou en kado, apre nou vwar serten difikilte.

Nou'n etabli bann Komite o nivo avek zot, Defans pour Defans. Savedir nou diskit direkteman en Komite. E zofisyen Defans isi avek en zofisyen Defans sorti laba. Kot nou asize tanzantan tou le 3 mwan oubyen tou le 6 mwan, nou kapab zwenn avek zot pour lev sa bann konsern, met devan zot e dir zot pou dir en lekipman ki

si ou'n donn nou, apre en serten letan nou vvar i pa bon, i pou bezwen lo ou ki'n donneen pou repare.

E nou, nou pa oule tro, tro antre ladan si zot, zot kapab repar sa pour nou. Sa, sa sityasyon ki nou pe diskite avek zot mazorite ditan, se ki zot ki pran sa responsabilite.

Si en defo i sorti kot ou, ou devret kapab asiste pou repare, ou bann lekipman. Me selman i pou *still* annan serten pti defo ki pou arive, ki pou bezwen tonm lo nou menm pou repare.

I annan serten ki pou inevitab defo ki arive avek serten lekipman ki sa i pou bezwen tonm lo nou.

An se ki konsern *cybersecurity*, i enn bann konsern akoz SPDF nou'n *set up* nou prop sistem IT, endepandan avek DICT.

E nou annan nou bann teknisyen ki pe ganny prepare, e zot pe travay etrwatman avek DICT. E an menm tan nou pe rod bann formasyon aletranze pou kapab *train* nou bann teknisyen dan nivo *cybercrime*, *cybersecurity* lo la.

E nou ekspekte lannen prosenn avek bann sanzman, nou pou rode bann lekipman ki pou kapab protez nou kont okenn *cyberattack*. Mersi.

MR SPEAKER

Mersi. Kolonel wi, ou kapab azoute.

CHIEF OF STAFF COLONEL SIMON DINE

Mr Speaker zis pou azout en pti kou lo konsernan sa *issue maintenance* pou bann lekipman ki nou gannyen. E i enn keksoz ki en *challenge* ki pour nou, mon krwar i enportan pou tou Manm la konnen sa problemm nou'n fer fas avek.

E mon krwar ler nou annan en *issue* ki ganny met devan, sirtou devan- en *proposal* ki ganny mete. Mon krwar ki zot devret aksepte. Parler kek keksoz i vin an deor nou kontrol ki ler nou ganny demande pou pran en keksoz, ler nou dir pa bon nou ganny demande pou kontinyen pran.

E sa i en fakter ki par lao nou nivo. Nou krwar ki i devret ganny konsidere osi lo en pli o nivo akoz ler ou ganny dir pranler ou pran, apre son lepo kase-i vin en kou. I vin en kado anpwazonnen preznan ki ou fer fas avek bokou.

Leksperyans ki nou'n fer fas avek, bann *challenges* ki annan devan nou la. E mon krwar i en pwen enportan ki nou kapab *take note* sa, vizavi konsernan bann lekipman ki

nou pe gannyen a lavenir. Si nou ganny bann bon keksoz, bann bon kalite, i kapab servi nou pour en pe letan. Mersi Mr Speaker.

MR SPEAKER

Mersi. Wi Onorab Pillay?

HON SEBASTIEN PILLAY

Mersi Mr Chairman. Mr Chairman mon le premyerman remersi Brigadye avek Colonel pour zot larepons. Mon osi oule remersi tou bann zonm dan liniform ki deservi nou pei. Mon vvar dan bann programm ki'n pase, lantouzyazm ki bann zenn zofisyen i annan.

So mon dernyen kestyon Mr Chairman se an relasyon ek nou bann zenn zofisyen ki travay sirtou an relasyon avek *monitoring*, e bann ki bezwen al lo bato, pran bokou letan eksetera. Eski nou annan en programm *training*?

Akoz ler mon pe get ou Bidze pour *training* anba Bidze ki ou pe pran mon pa vvar vreman en konponan sibstansyel. Sa nivo *training* ki nou pe koz pour sa bann kalite standar zofisyen.

Parey ou menm ou Mr Brigadye ou'n ganny loportinite pou al *train L'Amerique*, enn bann lekol pli prestizye ki annan.

So eski i annan loportinite pour bann zenn Zofisyè dan Lafors Defans ki'n fini ariv en nivo petet mon pe koz ou, en *junior rank* par egzant Lyetnan. E menm serten ki'n ariv Sou-Lyetnan menm Kaptenn, pour zot kapab ganny ankor leksperyans. Pour ki nou ava ganny bann zofisyè ki pe ranplas bann zofisyè ki'n deza fer sa bann *training* me ki pe gid nou.

Akoz mon pa pe tro vwar en konponan *training*, e mon ti le met lanfaz lo annan sa bout potansyel pour nou bann zenn Zofisyè ganny loportinite pou kontinyen avanse. Mersi Mr Chaiman.

MR SPEAKER

Mersi. Wi Brigadye.

CDF BRIGADIER MICHAEL ROSETTE

Mersi Mr Speaker e mersi Onorab. I en kestyon tre valab ki ou'n demande. Me petet i pa pe aparet dan nou Bidze. Me atraver korperasyon ki nou annan avek bann pei, nou annan en kantite *training* ki'n ganny ofer.

Menm si *COVID* in tap nou, in afekte nou, nou *SPDF* nou pa'n arete al *training* aletranze.

Nou annan plizyer pei la aktyelman ki nou annan solda e zofisyè, zenn zofisyè ki pe *train* dan plizyer Pei Zanmi. Nou annan enkli *L'Amerique*, nou annan dan *L'Inde*, nou annan Sid Afrik ki pe *train* la aktyelman zofisyè.

E i annan ki fek konplete *L'Amerique*, ki'n tournen la resaman. Nou annan ankor ki pou konplete la an Desanm, i annan ankor ki pe fer bann letid long term *L'Amerique* ki pou fini dan 1an ki nou ekspekte ki ler zot fin isa bann *training*, leksperyans ki zot pou'n akimile atraver sa bann *training*, zot pou kapab fer bann kontribisyon signifikan pour Lafors Defans. Mersi.

MR SPEAKER

Mersi. Byen nou'n- wi ou ti'n lev lanmen Onorab Adelaide? Ale mon a permet ou kestyon.

HON FRANCOIS ADELAIDE

Wi Mr Speaker. Bonn apre midi Mr Speaker. Pa en gran kestyon me pou Brigadye avek son lekip. Pou dir ou mersi bokou lo lapar Komite Defans pou sa bann bon travay ki nou'n fer ansanm.

E esperons ki nou kontinyen travay ansanm pour nou konpran kanmarad e ki

nou reisi ede dan bouz Lafors
Defans pli devan. Mersi.

MR SPEAKER

Mersi. Avek sa nou a pran vot lo Bidze pour *Department of Defence* ki lo paz 32 ziskan 37 pour en total R355milyon 970mil. Manm ki an faver lev lanmen silvouple? Mersi tou Manm in vote.

Alor vot lo Bidze pour *Department of Defence pages 32 to 37* pour R355milyon 970mil, 29 Manm i vot pour, 0 kont, 0 abstansyon. Sa Bidze in aprouve par Lasanble. Madanm Clerk, eski ou mazinen nou lot delegasyon pou pare 3.30pm?

Zot deza la? Me dan sa ka nou a konmanse deswit. Nou a pran zis en pti *technical break* koumsa mon a dir mersi Brigadye avek ou bann zofisyen. E mon a swet zot bonn apre midi e bonn kontinyasyon. Nou a pran zis en pti poz teknik, pou permet *sanitizing* silvouple.

(*technical break*)

DEPARTMENT OF INFORMATION AND COMMUNICATION TECHNOLOGY

MR SPEAKER

Bon, bonn apre midi Mr Benjamin Choppy e byenveni

avek ou Delegasyon; Madam Suzie Rosine Direkter Administrasyon e *Human Resources*. Mr Randy Barra, *Procurement Manager*.

E nou la pour consider Bidze *Department of Information, Communication and*- wi Mr Choppy annou settle en keksoz la, *the right name of the Department is, Department of Information and Communication Technology?*

PS BENJAMIN CHOPPY

Korek.

MR SPEAKER

Thank you. Ok. Nou a konmans avek sa. E nou a konmans avek en lentrodiksyon par *PS please*.

PS BENJAMIN CHOPPY

Mersi Chair. Pour Departman Enformatik ek Teknolozi Lenformasyon nou responsab prensipalman pou formilasyon e lenplimantasyon bann Polisi Gouvernman dan sekter *ICT*.

E nou osi tou annan en portfolyo lenplimantasyon bann proze ki pou fer avek *e-gouvernement* ouswa *Electronic Government*. E osi tou *regulating Telecom Sector*. So nou Bidze pour lannen 2022, pour konsiderasyon se R62 milyon ek 52mil. Mersi.

MR SPEAKER

Mon espere tou Manm in swiv nou, nou lo paz 59 ziskan 65 pour sa Bidze ki pou en total R62milyon 52mil. Nou a konmans avek kestyion bann Manm. Onorab Lemiel i kapab komanse.

HON SYLVANNE LEMIEL

Mersi Mr Chair. Bonn apre midi PS Choppé avek ou delegasyon. Mon kestyion i konm swivan, lo programm 1, anba zot *office building* pou *rent* mon war i annan en logmantasyon sorti R4.8milyon pou vin 6.1. Petet akoz sa ogmantasyon?

Apre mon vvar anba zot programm 2 osi. Apre i annan en lot vot anba *other rents; rates and taxes*. Mon vvar lannen pase ti napa, e la mon vvar en sonm 48mil in ganny mete anba programm 2 pour *ICT, 'regulatory framework'* anba *other goods and services*.

Foreign consultancy fees, mon war in sorti 749 pou vin 1.5milyon. Petet nou ti a kontan ganny en leksplikasyon akoz sa bann ogmantasyon? Mersi.

MR SPEAKER

Mersi Onorab. *PS* ou ava adres sa bann pwen?

PS BENJAMIN CHOPPY

Mersi Onorab. Pour *office rent* ki ou'n *point out* anba programm 1 ki monte. Li se akoz nou'n antisipe ki bann *discounts* ki i ti pe gannyen sa lannen pou nepli aplikab, ek bann kontra avan pou vin aplikab. Alor sa *discount* pa pou- nou pou bezwen pey adisyonnal to sa.

So sa ki *drive* sa enn premye. Sa dezyenm kestyion ou pou bezwen *remind* mwan. Sa 1 ki ou ti demann mwan pour *consultancy fees* pour *foreign consultancy fees*, in desann akoz nou'n prefere adopte en stratezi kot nou annan bann dimoun *permanent* ki *join*.

So nou kantite *amount* pou nou *spend* ladan in desann pour li. Epi sa 2 lezot pour-

MR SPEAKER

Ou *remind* *PS* Onorab.

HON SYLVANNE LEMIEL

Mersi Mr Chair. Anba programm 1 menm, anba '*other rents' rates and taxes*,' mon vvar ti napa sa sonm larzan e la nou vvar zot in met en 48mil, nou pe rode pour ki rezon. Mersi.

MR SPEAKER

Mersi Onorab. *PS*.

PS BENJAMIN CHOPPY

Mersi Onorab, wi sa pour nou pey *withholding tax* lo bann

peyman. Mon'n ganny dir sa pour bann *officer* lakaz. Wi Onorab. Sa *amount* la se pour bann *parking* ki nou bezwen peye kot bann *office cars* i ete. *Last year* nou ti pe peye sa *amount* selman i ti *from* en lot bout- en lot vot.

MR SPEAKER

Thank you. Onorab Mondon.

HON TERENCE MONDON

Mersi Mr Speaker. Bonn apre midi *CEO* avek ou lekip. Mon kestyon i adres sa *Software License Fees* ki sorti 13 milyon 789mil pou vin 10 milyon 33 mil. Si ou kapab donn en leklersisman akoz sa gran rediksyon 3milyon an plis?

E anvi ki zot pe met bokou lanfaz 2022 ankor lo bann *platform* nimerik pour devlopman ekonomik. Eski sa Bidze i aktyelman permet zot fer sa ki neseser pou siport e devlop sa bann *platform* parey nou pe antisipe? Mersi Mr Speaker.

MR SPEAKER

Mersi Onorab. PS.

PS BENJAMIN CHOPPY

Mersi Onorab. Sa rediksyon dan *software* i prensipalman akoz mouvman *foreign exchange*. Pour Bidze sa lannen

ler ti ganny *compute, foreign exchange* ti bokou pli ser. E mazorite sa bann *license* ou pey li an- i annan en *foreign exchange component* avek.

So dan Bidze in desann akoz *foreign exchange movement* i dan nou faver. Sanmenm sa, sa rediksyon ki ladan prensipalman. An term kantite Bidze pour delivre bann sistèm.

Sa ki nou'n bidzete se sa ki nou standar ki nou pe fer la. Selman dan konteks nasyonal, i la annan en *Digital Economy Agenda* ki nou pe ekspekte pour annan plis proze, selman son *timing* ki son bann striktir Gouvernans in ganny mete.

I annan serten louvraz ki *still* pe ganny fer pou *cost* tou son bann konponan. So nou ekspekte sa pou fini dan premye kar 2022 e refleksyon adisyonnel- bann *additional cost* ki pou antre ladan, i pou swa dan *mid-year* 2022 ouswa dan Bidze 2023.

Mon bezwen note, i annan diferan opsyon ki Minister Finans i konsidere pour sa. I kapab met sa larzan pour bann *additional projects* dan Bidze *DICT*, ouswa dan bann Bidze bann *lined Ministries* kot sa bann proze i ganny fer. *DICT* i asiste zot avek sa. Mersi.

MR SPEAKER

Mersi PS. Kote isi, si Onorab Poris ki ti'n lev lanmen? Onorab Bistoquet. Wi Onorab Bistoquet.

HON ROSIE BISTOQUET

Mersi Mr Speaker. Bonn apre midi Mr Speaker. Bonn apre midi delegasyon. E bonn apre midi tou bann Onorab. Anba programm 1, *Governance, Management and Administration*. Anba *wages and salaries*, mon pe regarde i annan sa *housing* ki ti sortimon war in desann pour sa lannen ki pe vini. 168 to 396, petet zot a donn nou en pti rezon akoz Mr Choppy.

Anba menm programm, *Office expenses, telephone rental* in sorti 487 in vin 397. E osi anba pour program 3, *Government Processed Transformation and Electronic Service Delivery Channels*, i annan sa *returning graduate allowance* ki in ogmant konsiderableman.

Eski zot annan novo bann *graduates* in ogmant par 400mil e si zot annan novo *graduates* ki zot pe ekspekte e donn nou en pti detay lo la. E a lafen i annan sa enn anba *minor capitals*, anba Program 3 kot i annan *acquisition of IT Equipments*. I annan en

diferans ki mon trouve in ogmante by 1.6milyon, so ou kapab donn nou en leksplikasyon. Mersi.

MR SPEAKER

Mersi Onorab. PS.

PS BENJAMIN CHOPPY

Mersi Onorab. Lo kote *housing salary in kind* la, li son rediksyon se akoz nou annan mwens *expatriate* ki dan nou *workforce* la. I annan en rediksyon *so that is the reason* pou li.

Dan sa enn ki ou'n *raise of office expenses* li legzersis ki nou ti fer avek Finans nou ti trouv bann *areas*, ler nou ti consider actual ek sa ki nou ti predir, nou'n trouve i annan bann *scope* kot i annan ban rediksyon. So li kot nou'n fer *savings*.

Dan *Program 3* lo kote *acquisitions of IT Equipment* li i annan sa *increase 1.3*. Basically li nou'n servi part of sa *savings from foreign exchange gains* dan *other goods and services*, ki ti pou bann *software* pou nou fund lekipman anba.

Akoz pou *last two years* nou pa'n re investi dan bann *capital equipment*. Bann *survers* eksatera. E in ariv son letan. I annan son letan ki ou

bezwen re envesti pou bann lekipman e i reste azour. So li ki kot i sorti.

MR SPEAKER

I annan lezot pwen? En moman Onorab Bistoquet. Les *panel* fini. Wi yes.

PS BENJAMIN CHOPPY

Regarding returning graduates mon a pas sa avek reprezantan Finans pou klarifye sa en pti kou.

MR SPEAKER

Byen. Ms Tamatave ou ava klarifye.

DEPUTY COMPTROLLER GENERAL ASTRIDE TAMATAVE

Mersi Mr Chair. Onorab pou sa *allowance* ti zis en realokasyon. Si ou pou regard Bidze saler an total pou sa program i pa'n vreman monte. In sorti R13.9milyon son *revised* 2021 in mont R14.1milyon.

Me parkont anba *PSE allowance* ki ti R1.3milyon in desann pou vin R615mil. E *returning graduate allowance* ki ti R170mil in monte pou vin R641mil. So i zis en re alokasyon of sa bann *allowance* dan son *proper code*. Mersi.

MR SPEAKER

Tre byen. Onorab Cosgrow.

HON WALLACE COSGROW

Mersi Mr Chair. Bonn apre midi *PS* ek ou *panel*. *PS* enn bann keksoz kle sa lannen ki'n sorti dan diskisyon Bidze pli boner se sa proze *RBM*. Now Minis Finans in dir avek nou ki poudir *RBM* i en priyorite pou sa lannen.

Annefe in dir nou *RBM* i sa platform kot evantyelman tou bann *assessment* dan *public servis*, lo performans e petet evantyelman Trezyenm Mwan Saler i pas lo la.

So en kantite lanfaz pe ganny mete lo la. E nou sipoze konplete dan sa lannen 2022. *DICT* mon sipoze i pou devlop bann platform pou fer sa realize. Me dan sa Bidze ki la mon pa pe vvar okenn alokasyon pou devlopman sa bann platform.

Eski *DICT* en pti pe dan laliny sa ki Onorab Mondon in dir, eski *DICT* i annan ase resours pou fer sa. Ouswa sa ti zis en - pa ou *PS*. Me solman eski sa ti zis en koze dan Bidze ki malerezman nou pa pe vvar bann resours dan Bidze *DICT* pou kapab devlop sa platform?

E an zeneral eski ou santi ankor parey Onorab Mondon in dir, eski ou santi i annan ase resours pou kapab devlop sa

bann program ki ou anvi fer, or ki zot anvi fer lo sa nivo ki zot anvi fer? Mersi bokou Mr Speaker.

MR SPEAKER

Mersi Onorab. PS.

PS BENJAMIN CHOPPY

Mersi Mr Chair. Mersi Onorab. *Regarding RDM, RDM i annan 4 konponan ladan. I annan PMS, Budgeting ek Budget Planning avek li. E osi tou – so ler ou get sa trwa konponan i annan diskisyon ki'n pran lo Digital Economy Steering Committee.*

Se ki *DICT* nou pou *look after* zis sa konponan *HIRS* pou le moman. E sa i en sistem ki deza nou annan so ki nou pe siporte. La an term prosedir i annan bann nou *requirements* ki bann dimoun ki pe travay lo *PMS* dan *RBM* pou etabli.

E nou, nou pou enplimant sa bann sanzman. So vizavi sa enn konponan pa devret annan lenpak lo nou akoz sa sistem i deza la. Zis vreman *improvement* lo li. Lo kote *budget planning* ek sa *strategic plan*, sa sistem as such selman lo kote *budget planning* li son sistem ki pou *support* li se sa *Integrated Financial Management Information System or IFMIS*.

E sa ki pou vin nouveau kor sistem pou Minister Finans. Li i pou annan son *funding* ki'n fini ganny *allocate*.

Parey ki mon'n dir i pa anba *DICT* selman i anba Minister Finans. E mon konpran se en *Exim Bank Funding* pou sa enn. So an term bann *main proze* ki pou anba *RBM* ki mon trouve la endirekteman *funding* i present.

MR SPEAKER

Thank you PS. Onorab Pillay.

HON SEBASTIEN PILLAY

Mersi Mr Chairman.

MR SPEAKER

Onorab Aglae ou ti'n lev lanmen avan depi lontan. Poz ou kestyon.

HON EGBERT AGLAE

Mersi Mr Speaker. Premye kestyon anvi ki *DICT* in anbark li kot i konsern *e-government*. E mon konnen bokou in ganny fer dan le pase, me selman nou vwar poudir i ankor annan serten Departman Minister ki ankor en pti pe an deryer avek kot i konsern *e-government*.

Premyerman mon ti a kontan demann ou anba program 3 ki annan apepre 41milyon ki'n ganny mete, petet

ki zot pe fer an plis pou zot kapab ariv lo sa target obzektif? Sa i enn.

Dezyenm se eski zot pe servi osi bann akter prive pou donn en koudmen pou kapab – anvi ki dan *ICT* napa ase *staff* pou kapab enplimant sa bann program?

E dezyenm mon ti a kontan demann Mr – eski koman regilater *DICT* li menm bokou proze e menm tou resaman dan Lasanble nou ankor pe koz lo la lo kou servis ki bann servis *provider* pe donn nou bann konsonmater.

Ki zot pe mazin fer anba sa Bidze ki nou pe donn nou osi pou kontinyen sa negosyasyon pour ki nou kapab ganny en *fair deal* parey *VP* in pronons lekor lo la? Ki nou ava vwar bann pri *internet* a lavenir en pti pep li abordab pou nou konsonmater. Mersi.

MR SPEAKER

Mersi Onorab. Wi PS.

PS BENJAMIN CHOPPY

Mersi Chair, Onorab. An term sistem nou, nou target – nou servi *matrix* kantite sistem ki bezwen pou adres bann *main public services* dan Gouvernman. E nou *estimate* pou nou *attain* sa e annan zot – *online services* i annan aepre

15 proze – 15 sistem ouswa proze ki bezwen ganny enplimante.

Nou, nou target *currently* avek nou *workforce* ki nou annan, e pou nou kapab siport bann sistem ki deza an operasyon, nou target aepre *2 to 3 e-services every year* pou ganny fer. So nou travay avek sa.

Anba novo *framework* ki pe sorti from *Digital Economist Steering Committee* nou pe planifye osi tou *outsource* bann *areas* kot i pa vreman stratezik. Ki pou ede *increase* sa kantite *output*. Sa i annan – in ganny diskite dan *Steering Committee*. E nou pe met bann *framework* an plas pou kapab fer li.

Now selman mon ekspekte pou nou fer sa osi tou nou pou bezwen serten finansman adisyonnal dan *mid* 2022 an montan ouswa dan Bidze 2023. So sa i dan plan pou fer li.

Lo kote kou *internet*, mon krwar *VP* ti vin avek mwan pa tro lontan dan Lasanble pou eksplik bann mezir ki nou pe pran. So zis mon a re *reiterate* sa bann mezir. So – e Bidze li i siport plito dan sa *area* dan programm 2 ki bout ki *deal* plis avek telekomunikasyon sa.

Spesifikman par egzanp pou *next year* nou annan de

proze, enn lo *number portability* pou fini sa. Pou fini son regilasyon e met li *fully* an fors. Nou annan osi tou en lot lo *quality of service standards regulation* ki pe travay lo la.

An term bann lezot aksyon ki en bann in fini ganny pran selman i pran en pe letan. *Once* ou pran sa bann aksyon pou bann keksoz fini pran lefe. Par egzanp *increase* kantite *mobile operators* sa ti enn. Lentrodiksyon konpetisyon dan *sub marine cable international connectivity*. Sa ti lot.

E travay avek *FTC* pou entrodwir *removal of deferential pricing* kote *sub marine cable*. *Formulating* nouveau *Communications Bill* ki pou ede *deal* pli efektivman avek bann *anti-competitive behavior*. Sa in fer, in ganny *published*.

Mon ekspekte ki boner lannen prosenn pou ariv dan Lasamble. I osi tou annan devlopman sa ki mon'n mansyonnen devlopman regilasyon lo kote *number portability* ki pou fasilit konpetisyon dan sa zafer.

E osi tou nou pe kolabore avek *Central Bank* lo en letid pou nou pli konpran bann *costing* e *affordability* dan *market*. Akoz sa i enportan pou nou *then sible* lentervansyon pli efektivman. Mersi.

MR SPEAKER

Mersi PS. Wi Onorab Pillay ou kestyon.

HON SEBASTIEN PILLAY

Mersi Mr Chairman. PS zot pe pey R11.7milyon *internet* ki tonm R975mil par mwan ouswa R32mil R500 par zour pou *internet*. Eski konman regilater ou santi poudir sa i en pri normal vizavi servis e *speed of* servis *bandwidth* ek bann keksoz ki zot gannyen?

Akoz esansyelman se sa ki nou pe rode. Se ki mannyer ladan zot pou fer *enforcement* pou kapab fer desann pri bann servis ki nou pe gannyen?

Dezyenm kestyon ki mon annan se ou pe fer bann *acquisition of IT equipment*. La mon vwar ankor 1.46milyon, apre mon vwar *acquisition of high-tech equipment*. Sa ki nou'n gannyen e ou'n osi mansyonnen ki i annan bann *software licences* ki zot bezwen aste.

Sa ki nou'n gannyen atraver bann *meeting* ki *FPAC* in gannyen avek lamazorite antite, se ki zot tou zot in dir ek nou zot pe esper *DICT* pou ed zot fini *set up* zot bann sistèm.

So eski ou kapab dir nou ozordi konbyen antite Gouvernman ki pe esper en

sistèm *either* pou li konekte avek, mon pa konnen si zot konekte ek *IFIs* oubyen si zot pou annan *internal* sistèm pou *manage accounting revenue*.

Eski ou kapab dir nou konbyen sa bann sistèm i annan ki *DICT* i sipoze pe travay lo la?

E mon dernyen kestyón se an relasyon avek ou bann *staff*. Mon konnen poudir dan sa bann domenn souvandfwa i bon ki ou annan bann *staff* ki annan *historical memory* ki'n travay bokou letan.

Eski i annan en- ki kalite programm *reward structure* ki annan pou sa bann *staff* ki'n travay pou en kantite letan avek *DICT* ki konpran sa sistèm Gouvernman anndan deor? Mersi Mr Chairman.

MR SPEAKER

Mersi Onorab. *PS.*

PS BENJAMIN CHOPPY

Investment – mersi Chair. Onorab pou sa *amount internet* la se sa ki nou peye an term kantite *bandwidth* ki nou *serve* Gouvernman. Bann

lorganizasyon Gouvernman ki pran *internet* santralman. I pa *amount* ki nou peye konmsi pou *subsidise* okenn keksoz.

So sa i ed nou rezo dan Gouvernman i aepre en 4mil

itilizater. So ler ou met sa mon krwar nou pres aepre *dedicated* pres 90 keksoz. 93 *MBPS dedicated*.

So son pri i ler ou get son pri konpare avek sa ki lo market i rezonnab an term sa kantite ki nou annan. Selman tou le – *every time* son Kontra i *expire* nou re negosye. E *actually* re negosyasyon tou letan i *ongoing*.

Nou pe mazinen petet *next year to tender* konpetitivman pou kekfwa redwir en pe. Selman redwir en kou lo la. So sa lo sa kote.

Lo kote akizisyon mon krwar nou annan zis en *area*. Mon osi kapab *point* en pe egzakteman *which one* akoz sa akizisyon ti plito dan *program 3*. Ouswa en lot akizisyon ki ti menm kestyón ki en lot Onorab ti demande.

Ou annan en akizisyon anba ou *minor capital* ki 1.46 apre ou annan en *acquisition of high-tech*. Ou annan en *high-tech – maintenance and repairs* ou annan en *high-tech equipment*. Ok So that's 2.46 million.

Sa ki nou, nou pe konsernen avek se ki prosedir ki ganny *allocated* ki tou sa bann kontra i ganny donnez pou sa bann akizisyon? Akoz ou pe fer akizisyon *IT*

equipment. Tou bann Minister Gouvernman pe fer akizisyon *IT equipment.*

E sa ki nou pe rode se akoz ki i napa en *centralized system* kot i annan sa bann dimoun ki kapab *provide service* i vini. E zot fer bann *Expressions of Interest?* Sakenn i submit en *Expression of Interest?*

Akoz la nou pa konnen ki mannyer sa bann keksoz pe ganny aste. Si i annan en Konpannyen oubyen en *service provider* ki pe ganny favorize lo lezot. *We do not know.* So nou pa ganny ase lenformasyon dan sa ki nou pe gannyen la. Mersi Mr Chairman.

MR SPEAKER

Ok mersi Onorab. PS ou a repran.

PS BENJAMIN CHOPPY

Lo sa spesifik laliny sa i vreman bann lekipman *maintenance.* Pa pou akizisyon nouvo *as such.* Now lo nou kote tou keksoz dan akizisyon ouswa pran servis ouswa *hardware software* i ganny fer dapre sa ki *Procurement Act* i rekomande. So nou, nou swiv sa vreman pre. E sa i asire ki nou napa bann favorizasyon ki ou'n mansyonnen.

Akoz dan Gouvernman i pa annan en *centralized procurement?* Mon panse sa i pa en kestyon *DICT*, me plito pou ki mannyer finans *procurement* nasyonalman.

Historically nou'n trouve ki par egzanp *DICT* nou, nou tant pou *focus* plis lo kote bann gro sistem santral. Par egzanp bann *survers* eksetera, Rrzo Gouvernman.

Selman par egzanp pran parey *computers*, bann lezot keksoz ki distribye dan bann Minister, sa bann Minister ki aste. So sa i mon larepons pou sa enn.

Ou'n osi tou demann mwan en kestyon lo *historical memory.* Bann dimoun *DICT* nou *workforce* i tant pou reste en bon pe letan avek nou. E *as a result* sanmenm sa nou tim i annan sa konprenezon teknik e antye.

An term *incentive*, nou *incentive* se vreman i dapre nou *Scheme of Service* ki nou annan. E ladan bann dimoun i ganny renimere dapre sa. Nou napa en spesifik *targeted* sa *other* ki nou *Scheme of Service.* Mersi.

MR SPEAKER

Mersi. Klarifikasiyon Onorab.

HON SEBASTIEN PILLAY

Mr Chairman wi klarifikasyon, me selman avan mon demann mon klarifikasyon, petet i annan en kestyon ki pa'n ganny reponn. Bann Manm *FPAC* i okouran ki dan tou *meeting* e mon prezimen lezot bann Komite ki'n zwenn avek bann antite, enn bann keksoz ki nou'n gannyen se ki toulstan i annan *DICT* ki pe travay lo en servis lo en sistem pou zot.

Sa ki nou le konnen ozordi se si ou lalis tou bann Departman ki pe esper en servis, oubyen en sistem ki sipoze ganny mete? Par egzanp i annan Departman ki bezwen anmas larzan. I dir ou i pe esper en sistem *quick book or whatever*.

En sistem pou li anmas larzan ki santralize *or whatever*. So, eski sa i vin kot *DICT*? E ki mannyer dan Bidze ou annan en sistem, en program ki met an plas pou ki sa i ganny fer?

Apre mon kestyon pou ou se ki, ou ou'n dir nou poudir ou konman regilater ou ganny en pri rezonnab pou *bandwidth*. Be lamazorite dimoun pa ganny en pri rezonnab pou lo *bandwidth*.

So sa ki nou pe demande se si regilater i kapab ganny en *bandwidth* rezonnab lo 11.7milyon lo en kontra ki pa'n ganny *tender* avek en *service*

provider, petet sa *service provider* i kapab ganny demande pou fer desann son pri dan en lot fason. Mersi Mr Chairman.

MR SPEAKER

Mersi. *PS* wi.

PS BENJAMIN CHOPPY

Mersi. Mon a reponn sa kestyon lo bann sistem *ok?* Nou travay etrwatman avek Minister Finans. Par egzanp si sistem pe kolekte larzan se i annan en sistem ki apel *Cashier Module* ki ganny deplwaye dan bann Minister.

Mannyer nou'n organiz sa, nou nou *look after* son teknikalite pou fer sa sistem e pou *Maintain* li. Nou *train* – i annan en tim dan Minister Finans ki nou *train*. E zot, zot gradyelman deplway sa bann sistem dan bann diferan Minister.

Mon konnen sa lannen si mon pa tronpe ti annan en *target* apepre 20 landrwa ki pa ti ankor annan, ki ti pe ganny delivre. Mon konpran ki *by end of Novanm at least 13 ladan in fini*. I annan en 3 koumsa ki pe ganny- i annan en ser ten konfigerasyon ki'n retourne kot nou pou fer pou zot.

So epi i annan apepre 2 ki pa ankor – zot pa ankor adrese.

So sa i progre an term sa lo kote koleksyon larzan *cashier*.

Selman i annan lezot sistem osi tou Onorab. Par egzanp sistem levanter. Sistem assets eksetera. E (*TIS Treasury Information System*). Ankor sa Minister Finans, sa tim laba i deplwaye e si i annan okenn *issue teknik relevant then* i retourn avek nou.

E nou, nou donn zot otan sipor ki nou kapab. I kapab annan serten – mon pa konnen sa bann – si mon konn sa bann lorganizasyon en pe pli egzakteman kekfwa mon kapab donn en larepons pli sible, an term ki bor zot ete ouswa ki keksoz ki *outstanding* pou zot.

MR SPEAKER

Mersi PS. Onorab Labrosse.

HON RICHARD LABROSSE

Bonn apre midi PS ek ou delegasyon. Bonn apre midi tou dimoun ki a lekout. PS avan mon vot pou sa Bidze, mon ti a kontan si ou ti a kapab donn nou briyevman en leksplikasyon konman regilater pou komunikasyon dan Sesel teknolozi.

Vizavi ler nou pe get bann konplent ki pe arive, sirtou lo kot bann servis ki bann dimoun pe gannyen.

Par egzanp televizyon, *internet*. Zot konman regilater eski dan sa Bidze ler nou pe gete la, eski i annan en pti pe lespas ouswa en pti larzan zot in mete, pou zot kapab ranforsi en pti pe plis Lalwa lo sa kote?

Oubyen briyevman si ou ti kapab vi ki la ou lo televizyon tou dimoun pe ekoute, ki zot rol dan bann problem parey ler bann dimoun pe ganny en servis ki pa alaoter ki zot in peye? Kote zot, zot antre ladan?

Apre mon dezyenm kestyon PS i konsernan tou resaman nou'n fek vot pou en Lalwa *cybercrime*. Mon pe gete dan sa Bidze la si zot in met zot pare pou zot kapab konmans enplimant bann keksoz ki'n vin avek? Mersi Mr Speaker.

MR SPEAKER

Thank you. PS wi?

PS BENJAMIN CHOPPY

Mersi Chair. Onorab wi lo kote *service quality* wi nou regilater, nou annan en rol osi tou. Si *consumers* pa satisfe avek zot servis sa ki zot pe gannyen, *then* sa divizyon ki anba programm 2 ki *deal* avek telekomunikasyon;- premye landrwa sa dimoun i bezwen ale se kot son operator. Pou li konplent si i pa satisfe avek en keksoz.

Dezyenmman si i pa satisfe ouswa sa operater pa pe ekoute, *then* i kapab swa escalate anmenn sa kot *FTC* ouswa to nou si en keksoz telekomunikasyon. E *then* bann regulators i get dan sa ka e *take up* avek sa operater pou ganny adrese.

Mon rapel i annan serten dimoun ki'n *take up* avek nou swa avek *FTC* ouswa direkteman. E dan serten ka zot in menm ganny konpansasyon an term sa ki zot in - servis ki swa zot in peye ki zot pa'n gannyen. Mersi. Selman i depan ka - *case by case* pou *deal* avek.

Lo kote *cybercrime*. *Cybercrime* li son *main implementing agency* se Lapolis. Sa i model ki mazorite pei definitivman dan *Commonwealth* i ete. So pou nou dan nou *set up* aktyelman - so nou napa *anything specific* pou enplimant *cybercrime*. Selman nou annan en *Cybersecurity Unit* ki'n ganny formen *this year*, ki'n konmans an operasyon.

Ki li son sa se vreman pou *look after* bann *cybersecurity*, bann sistem Gouvernman. I osi tou *perform* sa ou apel en *National Cert Function*. So sa i deza dan Bidze an term loperasyon. Mersi.

MR SPEAKER

Mersi PS. Onorab Henrie.

HON GERVAIS HENRIE

Mersi Mr Chair. Mon premye kestyon, mon ti ava kontan *DICT* i donn nou en pe lenformasyon lo sa Konpannyen ki apel *M3 Communication*.

E mon pe demann sa akoz mon ganny lenpresyon li ki devlop ouswa probableman host tou bann web- pa tou me en kantite bann *website* Gouvernman.

So lefe ki zot, zot sipoze pe *advise* lo petet meyer pri ki ou kapab gannyen. So ki - si zot ti kapab donn nou en pe detay lekel sa konpannyen? Kote i baze e si zot annan lenformasyon apepre konbyen larzan Sesel i depanse avek sa konpannyen pou kapab zer son bann *website*?

Dezyenm kestyon Mr Chair *DICT* letan mon regard li i dwatet enn bann antite Gouvernman ki pli inovativ, *creative and up to speed* avek tou bann keksoz. Solman letan nou regard zot bann defayans ouswa zot bann priyorite, depi 2019 ou a krwar in *copy and paste* dan dokiman Bidze. *Seriously!*

Non-compliance the same.
 Pou bann service providers, deficiencies dan legal framework. So be la lefe ki nou pe al entrodwir *result based management*, zot riske dan problemm si zot pa deliver ouswa vin ek bann programm ki vreman adres bann defayans ki annan.

Akoz sinon nou kontinyelman donn zot en Bidze – mon'n dir zot depi 2019 *as far back* ki mon'n kapab al gete, mon'n lir zot bann statement ki'n donne i preski parey.

So i fer ki nou pe donn zot –we are – nou pe donn larzan be what is the output? Akoz sa bann defayans ti'n merit vreman ganny adresse. So, mon le en komanter lo la Mr Speaker akoz pou nou vvar ki DICT i vreman pou siport the digital economy ambition of this new administration. Mersi.

MR SPEAKER

Mersi Onorab Henrie. Ou premye kestyon i pa egzakteman lo Bidze DICT. Me selman kekfwa PS i kapab donn en pti leksplikasyon vitman, e i a pas lo ou dezyenm kestyon. Mersi. PS.

PS BENJAMIN CHOPPY

Mersi Mr Chair. Lo kote M3 Communications i pa en kontra ki'n through DICT sa. Sa ki mwan mon rapel zot ti pe fer serten website. I sanble mwan zot ti'n vin plis atraver swa Minister Zafer Etranzer ouswa through State House. That.

Akoz mon rapel konmsi zot pe host or zot in devlop website pou State House. Sa ki from mon memory mon rapel State House. Mon rapel Foreign Affairs. Epi mon rapel Minister Finans at one point. Sa ki mon rapel Minister Finans dan bann 2016-2017 koumsa hosting ti retourn back to DICT.

Mon panse ki website osi tou i sanble mwan in sanze or about to change ouswa sa. So nou pa pe handle sa case. So unfortunately mon pa pou kapab dir ou zot cost.

Selman sa ki mon rapel ler zot –akoz nou, nou ti fer – nou ti bezwen gov.sc pou sa bann website to sa landrwa ki zot ti host.

Selman konmsi mon rapel it was a gift. Konmsi sa ki mon rapel. Ki atraver enn bann mon pa konnen si bann Konsila ki ti pe asiste Gouvernman sa letan. Sa ki mon kapab reponn pou – lot vizavi RBM - wi DICT nou enn bann lorganizasyon lo Steering Committee.

Aktyelman mon krwar nou fek antre osi tou dan *National Steering Committee* lo *RBM*. E wi nou lentansyon se pou fer konmsi pou donn *full* sipor *digital economy agenda*.

E mon panse nou komitman ek sa ki nou pe fer dan *Steering Committee* pou sa enn i demontre sa san rezervasyon a mon avi. An term bann repetisyon akoz sa bann – si ou get par egzanp bann *deficiencies in legal framework*, in pran en pe letan pou nou kapab adres sa.

E sa mon ekspekte i pou devret sorti *the next one*. Akoz mon ekspekte ki ler nou anmenn nou *Communication Bill* to Lasanble sa i devret ed nou pou nou konmsi tir sa from sa bout.

Selman unfortunately in nan serten sa bann keksoz in pran en pe letan pou vini. Parey sa en limitasyon in ‘Effective of mechanisms to address non-compliance by ICT service providers’ basically avek sa novo Act i pou donn nou en pe plis means pou nou kapab ranforsi.

Par egzanp ler nou donn en direktif keksoz koumsa pou deal ek bann, par egzanp *anti-competitive behavior* sa. Nou ekspekte - mwan mon ekspekte ki sa i sorti.

Cybersecurity li nou annan en *National Strategic Plan* lo la ki nou pe egzekite.

Kekfwa nou bezwen – kekfwa from *RMB perspective* re get li, *retweak* li pou nou kapab annan- konmsi *decompose* li so that progre i ganny fer. Selman i annan progre ki pe ganny fer. Selman akoz pa tou keksoz ki’n fini sanmenm sa ou trouv i maintain dan sa.

Selman sa en pwen mon’n note kekfwa pou nou re ekri li dan en fason epi dan en fason pli *granular*, kot ou kapab trouv – ki ou trouv progre. Selman i annan bann lezot *areas* ki annan sanzman. Mersi.

MR SPEAKER

Mersi PS. Klarifikasiyon.

HON GERVAIS HENRIE

En klarifikasiyon Mr Speaker. Si kekfwa reprezantan Minister Finans i kapab *point* mwan lekel antite ki mon dwatet demann en kestyon konsernan sa lakonpannyen *M3 Communications*.

Akoz mon persyade i bezwen annan en konponan bidzeter ki pe sorti dan sa *Appropriation Bill*. Ki swa pe al pou sa lakonpannyen or zis mon anvi asire poudir konman en pei nou annan kontrol. Ki si nou pa bezwen fer keksoz nou

bezwen al rod en boug *Bulgarie* ouswa *Pologne* kote i ete.

So ki nou konnen ki nou pe *deal* avek. Akoz sa bann dimoun zot ti antre dan – sa bann laranzman ouswa kontra ti dan *previous administration*. *But now we need to know who are we dealing with.* Mersi.

MR SPEAKER

Mersi. Minister Finans, Ms Tamatave ou le fer okenn remark lo kan nou kapab adres sa? Anba ki antite?

DEPUTY COMPTROLLER GENERAL ASTRIDE TAMATAVE

Mersi Mr Chair. Mr Chair nou pou bezwen al regarde lekel antite Gouvernman ki pe *pey M3 Telecommunications. And then* nou ava *advise* Lasanble. Apre mon ava *advise* lo ki antite nou pou bezwen fer sa diskisyon.

MR SPEAKER

Mersi Ms Tamatave. Onorab Roucou.

HON MICHEL ROUCOU

Mersi Mr Chair. Bonjour tou Manm koleg. Bonjour *PS* – *PS* en pti pe mon kestyion pou al en pti pe parey kestyion Onorab Labrosse. An vi ki zot ki kapab *enforce* lo bann lakonpannyen

ki annan pou fer – ki pe *provide bann broadcasting*.

Ki mon pe demande, i annan en konsern deor *regarding* bann lema li menm li ki pe ganny mete dan bann landrwa rezidansyel. E ki sa i kapab afekte bann zabitan. Mersi.

MR SPEAKER

Mersi. Mon permet kestyon ankor enn fwa akoz mon ankor confortab lo letan. I sa kalite kestyon ki pa vreman konsern Bidze ki nou ti dir nou pa pou tro pran. Me selman *PS* si ou le adres sa vitman avan nou terminen? Mersi.

PS BENJAMIN CHOPPY

Mersi Mr Chair. Mon krwar sa konsern in la pou en pe letan. Selman ziska prezan napa levidans syantifik ki *EMF radio frequency waves* i annan ladvers negativ lo lasante imen. E sa nou'n menm diskite avek *Public Health Authority* e tou bann – e menm *WHO* si ou go through zot literatir.

So otan ki nou konnen- e nous a bann lema, sa bann *RF frequencies* ki sa bann *towers* i mete. Dan mon krwar 2019 nou ti menm fer en letid, en *survey* kot ti mezir bann nivo sa bann – sa *electro magnetic field* e rezulta ki ti pibliye i montre ki

nou *well within* limit ki standar *ICNIRP* i – e sa standar ki normalman ou servi pou *gain* sa bann emesyon.

So mon pou dir ki otan ki nou konnen levidans syantifik se i napa sa bann lefe. Mersi.

MR SPEAKER

Mersi. Avek sa nou ava pran vot lo Bidze pou *Department of Information and Communication Technology* ki lo paz 59 ziska 65 pou en total R62milyon 52mil.

Manm ki an faver lev lanmen silvouple? Mersi. Tou Manm in vote. Mersi. I annan ki pa'n vote? I annan ki'n vot kont? Si in *abstain* mon krwar Madanm Clerk in mete.

Bon lo vot pou *Department of Information and Communication Technology* lo Paz 55 ziska 65 pou en total R62milyon 52mil, 25 Manm in vot pour O kont, E 2 abstansyon.

Alor sa Bidze in aprouve par Lasanble. Bon nou'n arriv a lafen bann antite ki nou ti annan pou ozordi. Mon a remersye bann Manm e osi *PS Choppy* avek son delegasyon. Mrs Rosine e Mr Barra pou zot partisipasyon.

Nou napa lot delegasyon ki pe atann sansan nou ti a pran en lot. Me kekfwa nou piblik ti a kontan konnen ki nou

pe pran demen. Nou annan *Information Commission, Seychelles Media Commission, Department of Public Administration, National Institute for Culture Heritage and the Arts e Office of the Mayor of Victoria*. Mon a remersye zot pou travay ozordi. Onorab Arissol ou annan en pwen. Wi.

HON SANDY ARISSOL

Mr Speaker mersi. Mon ti anvizis propoze avek Sekretarya avek ou lofis pour ki bann antite ki lo lalis, zot pa kapab zis mentenir si zot pou vin demen, zot vin demen. Dan le pase sa ki nou ti fer, se ki toultan zot ti reste lo *standby*. Parske la nou dan prosedir Bidze.

So nenport ki moman napa sa kantite kestyion ler nou pou ariv lo ler, Sekretarya i *call zot in* e zot la. La nou ti kapab pran de antite ankor ziska 5 er oubyen 5er edmi. Ou konpran?

Mon pe mazin sa pou demen pou apre demen pou ki bann antite zot lo *standby* e zot met zot pare nenport ki moman Lasanble i *call zot in*, pou nou fer sa travay. Mersi bokou.

MR SPEAKER

Madanm Clerk i a not ou pwen. Me selman an term kourtwazi

nou bezwen kapab desid sa ase boner pou zot dir vin la. Nou pa kapab 3 er edmi dir zot arrive 4 er. Se ...sa. Mersi. Nou ava *adjourn* pou ozordi e nou ava repran travay demen 9er bomaten.

(ADJOURNMENT)